

840.8

L61

THE UNIVERSITY
OF ILLINOIS
LIBRARY

840.8

L61

Gröber Library 1912


LIBRARY
OF THE
UNIVERSITY OF ILLINOIS.

CHOIX
D'ANCIENS TEXTES FRANÇAIS

PUBLIÉ

PAR

ÉDOUARD LIDFORSS.



LUND 1877,
IMPRIMERIE ET FONDERIE DE F. BERLING.

Ce livre n'aurait pas de préface, si je ne tenais d'abord à reconnaître de bon cœur mes obligations aux travaux d'autrui, surtout à ceux de M. Gaston Paris et de M. Gustave Lücking. J'ai tâché d'en profiter autant que possible, et cependant personne ne sait mieux que moi-même combien je suis loin d'y avoir réussi de la manière que j'aurais voulu. Il sera bon aussi d'avertir que les mêmes raisons qui ont amené, il y a onze ans, la publication des VII anciens Textes français subsistent encore et que c'est à elles seules qu'il faut attribuer cette nouvelle édition.

Lund, septembre 1877.

É. L.

Table des matières.

I.	Serments de Strasbourg	1.
II.	Prose de Sainte Eulalie	2.
III.	Fragment de Valenciennes	3.
IV.	Vie de Saint Léger	5.
V.	Vie de Saint Alexis	11.
VI.	La Chanson de Roland	28.
VII.	Le Psautier d'Oxford	40.
VIII.	Les Quatre Livres des rois	43.
IX.	Jourdains de Blaivies	45.
X.	Renaus de Montauban	48.
XI.	Sermo de Sapientia	57.
XII.	Wace	63.
XIII.	Sermons de Saint Bernard	69.
XIV.	Geoffroi de Ville-Hardouin	73.
XV.	L'Image dou monde	78.
XVI.	De l'Unicorne et du Serpent	80.
XVII.	Jean de Joinville	84.
XVIII.	Jean Froissart	90.

Errata.

<i>Pag.</i>	17	<i>ligne</i>	23,	<i>au lieu de</i>	riches	<i>lisez</i>	rikes.
„	18	„	27,	„	service	„	servise.
„	„	„	„	„	efforcier	„	esforcier.
„	22	„	13,	„	taintes	„	tantes.
„	29	„	13,	„	l'berbe	„	l'herbe.
„	31	„	27,	„	grant	„	granz.

ANCIENS TEXTES FRANÇAIS.

I.

SERMENTS DE STRASBOURG (842).

NITHARDI Historiarum lib. III. cap. 5. Facsimile dans *l'Album des plus anciens monuments de la langue française*, Paris 1875. — DIEZ, *altromanische Sprachdenkmale*, Bonn 1846. — Articles de MM. GRÖBER, P. MEYER, STORM et SUCHIER dans le *Jahrbuch* et la *Romania*.

Ergo XVI kalend. marcii Lodhuwicus et Karolus in civitate, quæ olim Argentaria vocabatur, nunc autem Strazburg vulgo dicitur, convenerunt, et sacramenta, quæ subter notata sunt, Lodhuwicus romana, Karolus vero teudisca lingua juraverunt. Ac sic ante sacramentum circumfusam plebem alter teudisca, alter romana lingua alloquuti sunt. Lodhuwicus autem, qui maior 5 natu, prior exorsus sic cæpit: "Quotiens Lodharius me et hunc fratrem meum" cet. Cumque Karolus hæc eadem verba romana lingua perorasset, Lodhuwicus, quoniam major natu erat, prior hæc deinde se servaturum testatus est.

Pro Deo amur et pro christian poblo et nostro commun salvament, d'ist di in avant, in quant Deus savir et podir me dunat, si salvarai eo cist meon 10 fradre Karlo et in adjudha et in cadhuna cosa, si cum om per dreit son fradra salvar dift¹, in o quid il mi altresi fazet; et ab Ludher nul plaid numqua prindrai qui, meon vol, cist meon fradre Karle in damno sit.

Quod cum Lodhuwicus explesset, Karolus teudisca lingua sic hæc eadem verba testatus est. 15

Sacramentum autem, quod utrorumque populus quique propria lingua testatus est, romana lingua sic se habet.

Si Lodhuwigs sagrament, quæ son fradre Karlo jurat, conservat, et Karlus meos sendra de suo part l'infraint², si io returnar non l'int pois, ne io ne neuls, cui eo returnar int pois, in nulla ajudha contra Lodhuwig nun 20 lui ier³.

¹ dist? Leçon douteuse. ² ñ loftanit (lostanit?). ³ li iuer.

II.

PROSE DE SAINTE EULALIE.

Ms. de Valenciennes. Facsimile dans *l'Album d. pl. a. mon. d. l. l. fr.* — DIEZ, *altrom. Sprachdenkm.* — P. MEYER, *Bibl. de l'Ecole des chartes*, cinquième série II, 237 ss. — BARTSCH, *die lateinischen Sequenzen des Mittelalters*, Rostock 1868. — Les lettres entre crochets sont dans les imprimés, mais ne se lisent pas dans le facsimile.

1. Buona pulcella fut Eulalia,
bel avret corps, bellezour anima.
2. Voldrent la veintre li Deo inimi,
voldrent la faire diavle servir.
- 5 3. Elle no'nt eskoltet les mals conselliers
qu'elle Deo raneiet chi maent sus en ciel,
4. ne por or ned argent ne paramenz,
por manatce, regiel ne preiemen[t].
- 10 5. Niule cose non la povret omque pleier,
la polle sempre non amast lo Deo menest[ier].
6. E por o fut presentede Maximien,
chi rex eret à cels dis sovre pagiens.
7. El li enortet, dont lei nonque chielt,
qued elle fuiet lo nom christien.
- 15 8. Ell' ent adunet lo suon element:
melz sostendreiet les empedement[z]
9. qued¹ elle perdesse sa virginitet;
por o-s furet morte à grand honeste[t].
- 20 10. Enz en-l fou la² geterent, com arde tost;
elle colpes non avret, por [o] no-s coi[st].
11. A czo no-s voldret concreidre li rex pagiens;
ad une spede li rover[et] tolir l[o chief],
12. La domnizelle celle kose non contredist;
volt lo seule lazsier, si ruovet Krist.
- 25 13. In figure de colomb volat à ciel.
Tuit oram que por nos degnet pre[ier]

¹ quelle. *Correction de M. P. MEYER.* ² lo.

14. qued auvisset de nos Christus mercit
post la mort, et à lui nos laist venir

par souve clementia.

III.

FRAGMENT DE VALENCIENNES (X^e siècle).

Sur un lambeau de parchemin servant de feuille de garde à un livre de la bibliothèque de Valenciennes. Facsimile complet dans *la Chanson de Roland*, ed. F. GÉNIN, Paris 1850, et du verso dans *l'Album d. pl. a. mon. d. l. l. fr.* Comparer, pour le rapport du texte à la vulgate, le chap. IV^e du prophète Jonas. Les mots imprimés en italiques sont écrits dans le ms. en notes tironiennes; ceux entre crochets ont été suppléés par GÉNIN.

RECTO.

..... *dixit* *me rogavit* aler *in* Niniven 5
est venu de cist tres dies *super* *me et*
eisi *dixit* ore nos aire end .. *me*
sit *ut me* *vivamus* *licerent* revenir al niul
moud *quia mare* ibat et bat *super eos* d .. e si distre[nt]
des super nos *innocentem* cist n ir
que par l or sav[ien]t il quant 10
quant oire e por *mare ne*
maisso
..... t lat lo *Et*
..... de .. cel pescion ne fait .. *et* fu
et eus noieds *co dixit f* 15
..... *et exaud* de ciosm
el gent .. cum er eg car *reu*
..... quant uers ei la mare e si ..
..... *chi* . d *Jonas Propheta de* .. et ..
Et precepit Dominus .. *Jonam super* .. cel [pesc]ion *Deus* .. 20
..... *totam Ninivem civitatem* *cis sub pecca-*
torum *Et serr* .. *clamavit et dixit adhuc*
..... *Postea* *Deum ne*
..... *Et* *usque ad minores* .. *postea peccator* ..
.. que cil ros si eri vestirent 25
haire a *maiore usque* sacco *et sedit in*
cinere *de* nt a
es perils eu .. reid e si tult si est
..... seit niuls *dixit* chi es e si .. ni
ude en cist tres dies *dixit* quant vit .. ad .. 30
Dominum *magna* ril fisi[ent] in *nerd*
..... deu e sancel e si or .. ent e si fu ço
1*

..... *fructos vos deb* *Postea per mersionem Jone prophete, si debetis intelligere . adversus Dominum cum mersionem Jone cilg* *magn* . . *Dominum*

VERSO.

..... *Habuit misericordiam, si cum il semper solt haveir de peccatoribus; e sic liberat de cere* e de cel peril, [quant il habebat de-
5 cretum] *que super els metriet..*

Et afflictus est Jonas afflictione magna, et iratus est et oravit ad Dominum, et dixit: [Domine, tolle, quæso, animam meam a me:] *quia melior est mihi mors quam vita.* Dunc, *ço dixit, si fut Jonas propheta* mult correctious e mult ireist, [quia Deus de Ninivitis] *misericordiam habuit*, e lor *peccatum* lor *dimisit*; saveiet *ço* que li celor *sub ço* astreiet *eis* ruina *Judæorum*, e ne doceiet lor salut, *cum il faciebat de perditione Judæorum, ne si cum legimus e le evangelio que Dominus noster flevit super Hierusalem, et noluit tollere* *ibus: Paulus apostolus etiam optabat esse anathema esse pro fratribus suis qui sunt Israelitæ.*

15 *Et egressus est Jonas de civitate. et sedit* [contra orientem civitatis], donec *videret quid accideret civitati.* Dunc, *ço dixit, cum Jonas Propheta* cel *populum habuit* pretiet et convers et en cele iet, *si escit foers de la civitate e si sist contra orientem civitatis e si avardevet cum Deus* per ser astreiet u ne fereiet.

20 *Et preparavit Dominus ederam super caput Jone, ut faceret ei umbram, laboraverat* [enim] *Jonas prophetea habebat* mult labore e mult penet a cel *populum, ço dixit; e faciebat* grant iholt, et eret mult las un edre sore sen cheue quant umbre li fesist, e repauser se podist.

Et lætatus est Jonas super ederam Mult *lætatus, ço*
25 *dixit* por que *Deus* cel edre li donat a sun soueir et a sun repausement li donat.

Et precepit Dominus [vermi qui percussit ederam]; et exaruit. [Et] *paravit Deus ventum calidum super caput Jone; et dixit: Melius est mihi mori quam vivere*

Dunc, *ço dixit, si rogavit Deus* ad un verme que percussist cel edre
30 sost que cil *sedebat*; e c cilg eedre fu seché, si vint grancesmes iholt *super caput Jone, et dixit: Melius est mihi mori quam vivere.*

Et dixit Dominus [ad Jonam: Putasne bene] *irasceris tu super edera?* *Et dixit: Bene irascor ego usque ad mortem.* *Postea per* cel edre dunt cil tel et, *si debetis intelligere per Judæos, chi sicci et aridi permanent*
35 *negantes filium Dei* e e por els es doliants, car *ço videbant per spiritum prophete que cum gentes venirent ad fidem* si astreient li *Judei* perdut, si cum il ore sunt.

Et [dixit Dominus: Tu] *doles super ederam in qua non laborasti, neque fecisti ut cresceret, et ego non parcam* Ninive *civitati magne in qua*
40 *sunt plus quam* [centum viginti millia hominum qui nesciunt quid] *sit in-ter dexteram et sinistram.*

Dunc si *dixit Deus* ad *Jonam prophetam: Tu* douls mult ad
si por *dixit, in qua non laborasti neque fecisti ut cresceret, dixit;*
e io ne dolreie de tanta millia hominum si perdut erent? *dixit*
45 *Postea en ceste causa ore potestis videre quanta est misericordia et pietas*

Dei super peccatores homines: cil homines de cele civitate
 fendut que tost le volebat delir, e tota la civitate volebat com-
 burir et ad nihilum redigere. Postea per cel *predictam* on fisient
 e si conterement fisient si a che deberent veniam et remissionem peccatorum
 suorum *Deus omnipotens qui pius et misericors et clemens est et qui* 5
 mereantur et vivent, cum eo videtis quant il se erent convers de via
 sua mala, e sis penteiet de cel mel que fait habebant sic liberat
 de cel peril quant il habebat decretum que super els mettreiet.

Cum potestis ore videre et entelgir chi sil feent cum faire lo
 deent, e cum cil lo fisient dunt ore aveist odit. El por o si vos avient . . . 10
 . . . faciest cest *predictam pœnitentiam* . . . quant oi comenciest; ne aiet
 niuls male voluntatem contra sem peer; ne habeatis aiest cherté in-
 ter vos, quia caritas operit mendam peccatorum, seietst unanimes in *Dei ser-*
vicio, et en tot sire remunerati, faites vost almosnes, ne si cum
 faire debetis, e faites vost elemosynas, cert eo sapitis acheder eo que 15
 li preirets; preiets li que de cest periculo nos liberat chi tanta mala nos
 habemus fait de paganis e de mals christianis. *Poscite* li que cest
fructum, que mostret nos habemus, que-l¹ nos conservet, et ad maturi
 ure lo posciomes e cels elemosynas ent possumus facere que lui ent
 possumus proferre. 20

Poscite li que remissionem omnium peccatorum nostrorum nos
 faciat nos ad gaudia æterna pervenire. Ibi valebimus gaudere et exultare
 sine fine cum omnibus sanctis per æterna secula seculorum, quando ipsi in-
 visere dignemur que videre sanctis gloriosus Deus. Per æterna
 secula seculorum. 25

Per Judæos, por quant il en cele duretie e en cele encredulitet permes-
 sient; et etiam plorat, si cum dist e le evangelio, lieu de avant dist.

IV.

VIE DE SAINT LÉGER.

Ms. de Clermont-Ferrand. Facsimile dans *l'Album d. pl. a. mon. d. l. l. fr.* DIEZ,
zwei altromanische Gedichte berichtet und erläutert, Bonn 1852, et *Jahrbuch VII*, 361
 ss. — G. PARIS, *Romania I*, 273 ss. — A. BOUCHERIE, *Revue des Langues Romanes*, se-
 conde série I, 5 ss. — Nous donnons à gauche le texte du ms., et à droite le texte
 reconstruit de M. G. PARIS avec les modifications qu'y ont apportées M. BOUCHERIE
 et M. LÜCKING.

Domine deu deuemps lauder.
 et a sos sanz honor porter.
 in su amor cantomps del sanz.

1. Domine Dieu devemps lauder
 et à sos sanz honor porter;
 en soe amor cantomps dels sanz 30

¹ GÉN. que el.

- quae por lui augrent granz aanz.
et or es temps et si est biens.
quae nos cantumps de sant lethgier.
1. Primos didrai uos dels honors.
5 quae il auuret ab duos seniors.
apres ditrai uos dels aanz.
que li suos corps susting si granz.
et euuruins cil deu mentiz.
que lui a grand torment occist.
2. Primes dirai vos dels honors
que il avret od dous seniors;
après dirai vos dels aanz
que li suos corps sostint si granz,
et d'Evrui'n, cel dieumentit,
qui lui à grand torment ocist.
- 10 Quant infans fud donc a ciels temps. 3. Quant enfes fut, donc à cel temps
al rei lo duistrent soi parent.
qui donc regneuet a ciel di.
cio fud lothiers fils baldequi.
il le amat deu lo covit.
15 rouat que litteras apresist.
4. Didon l'evesque de Peitieux,
lui-l comandat cil reis Lodiers:
il lo reciut, tant bien ent fist
od un magistre sempre-l mist,
qui lo doist bien de cel saveir
dont Dieu servir par buone fait.
- Didun lebisque de peitieux.
lui-l comandat ciel reis lothiers.
il lo reciut tam ben en fist.
ab u magistre semprel mist.
20 quillo doist bien de ciel sauier.
don deu seruier por bona fied.
5. Et com il l'aut doit de cele art,
rendi-l qui lui lo comandat.
Il lo reciut, bien lo nodrit,
ço fut loncs temps od sei lo-s tint.
Dieus l'exaltat cui il servit:
de sant Maxenz abes devint.
- Et cum il laut doit de ciel art.
rendel qui lui lo comandat.
il lo reciut bien lo nonrit.
25 cio fud lonxtiemp ob se losting.
deus lexaltat cui el servuid.
de sanct MAXENZ abbas diuint.
6. Ne fut nuls uom del suon jovent
qui mieldre fust donc a cels temps:
perfeiz fut il en caritet,
fait aut il grant et veritet,
et en raizons bels aut sermons;
humilitet aut par trestot.
- Ne fud nuls om del son iuvent.
qui mieldre fust donc a ciels tiemps.
30 perfectus fud in caritet.
fid aut il grand et ueritiet.
et in raizons bels oth sermons.
humilitet oth per trestoz.
7. Ço sempre fut et ja si iert:
qui fait lo bien laudez ent iert.
Et sanz Ledgiers sempre fut buons,
sempre fist bien o que il puot.
Davant lo rei ent fut laudez;
cum il l'audit, fut lui amet.
- 35 Cio sempre fud et ia si er.
qui fai lo bien laudaz enner.
et sanz Letgiers sempre fud bons.
sempre fist bien o que el pod.
dauant lo rei en fud laudiez.
cum il laudit fulin amet.
8. A sei-l mandat et ço li dist:
à cort fust, sempre lui servist.
Il l'exaltat et l'honorat,
- 40 A sel mandat et cio li dist.
a curt fugt sempre lui seruist.
il lexaltat e lonorat.

sa gratia li perdonat.
et hunc tambien que il en fist.
de hostedun euesque en fist.

Quandius uisquet ciel reis lothier. 9.
bien honorez fud sanz lethgiers.
il se fud morz damz i fud granz.
cio controuerent baron franc.
por cio que fud de bona fiet.
de chielperig feissent rei.

Un compte i oth pres en lestrit. 10.
ciel eps num auret eurui.
ne uol reciuure chielperin.
mais li seu fredre theoiri.
nel condignet nuls de sos piers.
re volunt fair estre so gred.

Il lo presdrent tuit a conseil.
estre so gret en fisdren rei.
et euuruins oct en gran dol.
porroque uentre nols en poth.
por ciel tiel duol rouas clergier.
si sen intrat in un monstier.

Reis chielperics tambien en fist. 12.
de sanct .l. consilier fist.
quandius al suo consiel edrat.
incontra deu ben si garda.
lei consentit et obseruat.
et son regnet ben dominat.

Ia fud tels om deu inimix.
qui lencusat ab chielpering.
lira fud granz cum de senior.
et sc. .l. oc sent pavor.
ia lo sot bien il le celat.
a nul omne nol demonstrat.

Quant ciel irae tels esdeuent.
paschas furent in eps cel di.
et sc. .l. fist son mistier.
missae cantat fist lo mul ben.
poblen lo rei communiat.
et sens cumgiet si sen ralet.

Reis chielperics cum il laudit.
presdra sos meis a luis tramist.
cio li mandat que reuenist.

sa gratie li pardonat,
et doncques il tant bien ent fist
de Ostedun euesque ent fist.

Quandis vesquit cil reis Lodiers,
bien honorez fut sanz Ledgiers. 5
Il se fut morz, danz i fut granz.
Ço controverent baron franc,
por ço que fut de buone feit,
de Chelperin feissent rei.

Un compte i aut, prist ent l'estrit, 10
cil eps num avret Evru'in.
ne volst recevoir Chelperin,
mais lo suon fredre Theodri.
Ne-l condignat nuls de sos pers,
rei vuelent faire estre son gret. 15

11. Il lo prisdrent toit a conseil,
estre son gret ent fisdrent rei;
et Evru'ins aut ent grant duol,
por o que veintre no-ls ent puot.
Por cel tel duol rova-s clergier, 20
si s'ent entrat en un monstier.

Reis Chelperis tant bien ent fist
de sant Ledgier consilier fist.
Quandis al suon conseil edrat,
encontre Dieu bien se guardat; 25
lei consentit et observat
et son regnet bien dominat.

13. Ja fut tels nom, Dieu enemis,
qui l'encusat à Chelperin.
L'ire fut granz cum de senior, 30
et sanz Ledgiers aut s'ent pavor:
ja lo sout bien, il lo celat,
à nul omne no-l demonstrat.

14. Quant celle ire tels esdevint,
pasques furent en eps cel di. 35
Et sanz Ledgiers fist son mistier:
messe cantat, fist lo mult bien,
puople et lo rei communiat,
et sens comgiet si s'ent ralat.

15. Reis Chelperis, cum il l'audit,
prisdret sos mes, à lui-s tramist: 40
ço li mandat que revenist,

sa gratia por tot ouist.
et sc. .l. nes soth mesfait.
cum uit les meis a lui ralat.

Il cio li dist et adunat.
5 tos consilier ia non estrai.
meu euesquet nem lez tener.
por te qui sempre uols auer.
en u monstier me laisse intrer.
posci non pose laiuiol ester.

10 Enuiz lo fist non uoluntiers.
laissel intrar in u monstier.
cio fud lisos ut il intrat.
cleri euurui ille trouat.
cil euuruins molt li uol miel.
15 toth per enueia non per el.

Et sc. .l. fist so mistier.
euurui prist a castier.
ciel ira grand et ciel corrompt.
cio li preia laissas lo toth.
20 fus li por deu nel fust por lui.
cio li preia paias ab lui.

Et euuruins fist fincta pais.
ciol demonstrat que si paias.
quan dius in ciel monstier instud.
25 ciol demonstrat amix li fust.
mais en auant uos cio aurez.
cum illedrat por mala fid.

Rex chielperings il se fud mors.
por lo regnet lo souurent toit.
30 uindrent parent e lor amic.
li sanct .l. li euurui.
cio confortent ad ambes duos.
que sent ralgent in lor honors.

Et sc. .l. den fistdra bien.
35 quae sen ralat en seuesquet.
et euuruins den fisdra miel.
quae donc deueng anatemaz.
son queu que il a coronat.
toth lo laissera recimer.

40 Domine deu il cio laissat.
et a diable comandat.
quar donc fud miels et a lui uint.

sa gratie par tot ovist.
Et sanz Ledgiers ne-s sout mesfait;
cum vit les mes, à lui ralat.

16. Il ço li dist et adunat:
"Tos consiliers ja non estrai.
Meie evesquiet ne-m leist teneir
por tei qui sempre-m vuols auer.
En un monstier me laisse entrèr,
pois que non pois lau vuoil ester."

17. Enviz lo fist, non volontiers:
laissat l'entrèr en un monstier;
ço fut Lusos o il entrat.
clerje Evru'in iluoc trouat;
cil Evru'ins mult li volst mel,
tot par enveie, non por el.

18. Et sanz Ledgiers fist son mistier,
Evru'in prist à castiier:
celle ire grand et cel corrompt
ço li preiat laissast lo tot,
fist lo por Dieu, ne-l fist por lui;
ço li preiat, paiast s'od lui.

19. Et Evru'ins fist feinte pais,
ço-l demonstrat que se paiast.
Quandis en cel monstier estut,
ço-l demonstrat amis li fust.
Mais en avant vos ço andreiz
cum il edrat par male feid.

20. Reis Chelperis il se fut morz;
par lo regnet lo sovrent tost.
Vindrent parent et lor ami,
li sant Ledgier, li Evru'in:
ço confortent ad ambes dous
que s'ent ralgent en lor honors.

21. Et sanz Ledgiers den fisdret bien,
que s'ent ralat en s'evesquiet;
et Evru'ins den fisdret mel,
que donc devint anatemaz:
son quief, que il at coronet,
tot lo laisseret recimer.

22. Domine Dieu iluoc laissat
et à diable-s comandat.
Qui donc fut mels et à lui vint

il uoluntiers semper reciut.
cum fulc en aut grand adunat.
lo regne prest a deuastar.

il volontiers sempre-l reciut;
cum folc ent aut grand adunet,
lo regne prist à devaster.

A foc a flamma uai ardent.
et a gladies percutan.
por quant il pot tan fai de miel.
por deu nel uolt il observer.
ciel ne fud nez de medre uius.
qui tal exercite uidist.

23. A fou, à flamme vait ardent
et à gladie les percutant; 5
por quant il puot tant fait de mel,
por Dieu ne-l vuolt il observer.
Cil ne fut nez de medre vifs
qui tel exercite vedist.

Ad ostedun a cilla ciu.
dom sanct .l. uai asasier.
ne pot intrer en la ciutat.
defors lasist fist i gran miel.
et sc. .l. mul en fud trist.
por ciel tiel miel quae defors uid.

24. Ad Ostedun, à celle cit, 10
dom sant Ledgier vait asalir.
Ne pout entrer en la citet,
defors l'asist, fist i grand mel;
et sanz Ledgiers mult en fut trisz
por cel tel mel que defors vit. 15

Sos clerics pres reuestiz.
et ob ses croix fors sen exit.
porro nexit uol li preier.
quae tot ciel miel laisses por deu.
ciel euuruins qual horal uid.
penrel rouat lier lofist.

25. Sos clerjes prist il revestiz,
et od ses croix fors s'ent eissit
Por o'nt eissit, volst li preier
que tot cel mel laissast por Dieu.
Cil Evru'ins, quel hore-l vit, 20
penre-l rovat, liier lo fist.

HOR EN AUREZ LAS POENAS granz.
quae il en fisdra li tiranz.
li perfides tam fud cruels.
lis ols del cap li fai creuer.
cum si laut fait mis len reclus.
ne soth nuls om ques deuengunz.

26. Or ent audreiz les peines granz
que il ent fisdret, li tiranz.
Li perfides tant fut crudels
les noils del quief li fait creuer. 25
Cum si l'aut fait, mist l'en reclus,
ne sout nuls uom qu'est devenuz.

Amlas lauras li fai talier.
hanc la lingua quae aut in queu.
cum si laut toth uitupèret.
dist euurruins qui tan fud miels.
hor a perdud dom deu parlier.
ia non podra mais deu laudier.

27. Ambes levres li fait talier,
hanc la langue que aut en quief.
Cum si l'aut tot vituperet, 30
dist Evru'ins, qui tant fut mels:
"Or at perdut dont Dieu parler,
ja non podrat mais Dieu lauder."

A terra ioth mult fo afflicz.
non oct ob se cui en calsist.
super li piez ne pod ester.
qui toz los at il condemnets.
or a perdud don deu porlier.
ia non podra mais deu laudier.

28. A terre jout, mult fut affiz,
non aut od sei cui ent calsist. 35
Sovre les piez ne puot ester,
que toz les at il condamnez.
Or at perdut dont Dieu parler,
ja non podrat mais Dieu lauder.

Sed il non ad lingua parlier.
deus exaudis lis sos pensæz.
et si el non ad ols carnels.

29. Sed il non at langue à parler, 40
Dieus exaudist les sos pensers;
et sed il non at uoils carnels,

en corp los ad et spiritiels.
et si en corps a grand torment.
lanima nauura consolament.

en cuor les at espiritels;
et sed en corps at grand torment,
l'aneme ent avrat consolement.

Guenes oth num cuil comandat.
5 laius en castres lenmenat.
et en fescant in ciel monstier.
illo reclusdrent se. J.
domine deus in ciel flaiel.
i uisitet J. son seruu.

30. Guenin aut nom cui-l comandat;
lai jus en cartres l'ent menat,
et en Fescan, en cel monstier,
iluoc reclusdrent sant Ledgier.
Domine Dieus en cel flaiel
i visitet Ledgier son serf.

10 La labia li restaurat.
si cum desanz deu pres laudier.
et hanc en aut merci si grand.
porlier lo fist si cum desanz.
doc pres J. a preier.
15 poble ben fist credere in deu.

31. Les levres li at restoret:
si cum desanz Dieu prist lauder;
et hanc en aut mercit si grand,
parler lo fist si cum desanz.
Donc prist Ledgiers à predier,
puople bien fist il credere en Dieu.

Et eurus cum il laudit.
credren nel pot antro quel uid.
cum il lo uid fud coroptios.
donec oet ab lui dures raizons.
20 el corps exastra al tirant.
peis li promest ad en auant.

32. Et Evruins, cum il l'audit,
creidre ne-l pout entroque-l vit;
cum il lo vit, fut coroptios,
donec aut od lui dures raizons:
li cuors exastret al tirant,
peis li promist ad en avant.

A grand furor a gran flaiel.
sil recomanda laudebert.
cio li roua et noit et di.
25 miel li fesist dontre quel uin.
ciel laudebert fura buons om.
et se. J. duis a son dom.

33. A grand furor, à grand flaiel
si-l recomandat Laudebert:
ço li rovat, et noit et di
mel li fesist dontre qu'il vit.
Cil Laudeberz furet buons uom,
et sant Ledgier duist à son duom.

Il li uol faire mult amet.
beure li roua a porter.
30 garda si uid grand claritet.
de cel uindre fud de par deu.
et si cum roors in cel es granz.
et si cum flammes clar ardaz.

34. Il li volst faire molt amet,
beivre li ruovat aporter.
Guardat, si vit grand claritet:
de ciel vindret, fut de part Deu:
si cum roor en ciel est granz,
eissi cum flamme est cler ardanz.

Cil laudebèrz qual horal uid.
35 torne sals altres sillor dist.
ciest omne tiel mult aima deus.
por cui tels causa uin de ciel.
por ciels signes que uidrent tels.
deu presdrent mult a conlauder.

35. Cil Laudeberz, quel hore-l vit,
tornat s'als altres, si lor dist:
"Cest omne tel molt aimet Dieus,
por cui tels cose vint de ciel."
Por cels signes que vidrent tels
Dieu prisdrent mult a conlauder.

40 Tuit li omne de ciel pais.
trestuit apresdrent a uenir.
et se. J. lis prediat.

36. Toit li omne de cel pais
trestoit lai prisdrent à venir;
et sanz Ledgiers les prediat:

domine deu il les lucrat.
rendet ciel fruit spiritiel.
quae deus li auret perdonat.

domine Dieu il les lucrat,
rendit cel fruit espiritel
que Dieus li avret pardonet.

Et euuruins cum il laudit.
credere nel pot antroquel uid.
cil biens quel fist cil li pesat.
occidere lo commandat.
quatr omnes i tramist armez.
que lui alessunt decoller.

37. Et Evrurins, cum il l'audit,
creidre ne-l pout entroque-l vit.
Cil biens qu'il fist, cil li pesat;
ad ocidre lo comandat.
Quatre omnes i tramist armez,
qui lui alassent decoller.

5

Li tres vindrent a se. .l.
ius se giterent a sos pez.
de lor pechietz que aurent fliz.
il los absolts et pardonet.
lo quarz uns fel nom a uadart.
ab un inspieth lo decollat.

38. Li trei vindrent à sant Ledgier,
jus se giterent à sos piez;
de lor pequiez que avrent faiz
il les asolst et pardonat.
Li quarz, uns fel, nom aut Vadart,
od un espet lo decollat.

10

15

Et cum il laud tollut lo queu.
lo corps estera sobrels piez.
cio fud lonx dis que non cadit.
lai saprosmat que lui firid.
entro li talia los pez de ius.
lo corps stera sempre sus.

39. Et cum il l'aut tollut lo quief,
li corps esteret sovre-ls piez:
ço fut loncs dis que non cadit.
Lai s'aproismat qui lui ferit:
entre-l taliat les piez dejus,
li corps esteret sempre sus.

20

Del corps asaz lauez audit.
et dels flaiels que grand sustint.
lanima reciunt domine deus.
als altres sanz en uai en cel.
il nos aiud ob ciel senior.
por cui sustinc tels passions.

40. Del corps ascez l'aveiz audit
et dels flaielz que granz sostint.
L'aneme reciut domine Dieus,
als altres sanz ent vait en ciel.
Il nos aiut od cel seinor
por cui sostint tels passions!

25

V.

VIE DE SAINT ALEXIS.

Quatre mss: de Hildesheim, autrefois de Lambspringen (L); d'Ashburnham-place (A); de la Bibliothèque Nationale de Paris, fonds franç. 19525 (P); et ib. même fonds 12471 (S). Le texte ci-après représente L; les variantes et les corrections dépendent des travaux de M. G. PARIS dans sa *Vie de saint Alexis*, Paris 1872, et de M. LÜCKING. — Voir aussi *Alexis*. Von CONRAD HOFMANN, Munich 1868.

1. Bons fut li siecles¹ al tens ancienur,
quer feit[e] i ert e justise et amur,
si ert cre[d]ance dunt or² n'i at nul prut:
tut est mu[d]ez, perdu at³ sa colur,
ja mais n'iert tels⁴ cum fut as anceisurs.

30

¹ e pour ie. ² ore. ³ d pour t. ⁴ s final manque.

2. Al tens Noé et al tens Abraham
et al David que⁵ Deus par amat tant,
bons fut li siecles¹, ja mais n'iert¹ si vailanz⁶;
vielz¹ est e frailes, tut s'en vait⁷ declinant⁸,
5 si'st empeiriez⁹ tuz⁶ biens⁴ vait remanant.
3. Pois¹⁰ icel tens que Deus nus vint salver,
nostre¹¹ anceisur ovrent cristiiientet¹,
si fut uns⁴ sire de Rome la citet;
rikes¹² hom fut³ de grant nobilitet;
10 pur ço-l¹³ vus di, d'un son fil¹⁴ voil parler.
4. Eufemien¹ si out à¹⁵ num¹⁵ li pedre,
cons fut de Rome des mielz¹ ki dunc i ere[n]t,
sur tuz ses pers l'amat li emperere.
Dunc prist muilier¹ vailant¹⁶ et honurede
15 des mielz¹ gentils de tute¹¹ la cuntrede¹⁷.
5. Pois¹⁰ converserent ensemble¹⁸ longement¹¹;
n'ovrent emfant¹⁸, peiset lur en forment,
e Deu apelent andui parfitement:
"E reis celestes⁴, par tun¹⁹ cumandement
20 emfant¹⁸ nus dune¹⁹ ki seit à tun talent."
6. Tant li pr[e]ierent par grant humilitet
que la muilier¹ dunat fecunditet:
un fil¹⁴ lur dunet, si l'en sovrent bon²⁰ grêt;
de saint²¹ batesme¹¹ l'unt fait regenerer,
25 bel num li metent sulunc²² cristiiientet¹.
7. Fut³ batiziez²³, si out nom Alexis.
Ki l'out²⁴ portet²⁴ suref le fist nurrir;
pois¹⁰ ad escole li bons pedre le mist:
tant aprist letres que bien en fut guarniz⁶;
30 pois¹⁰ vait li emfes l'emperedur¹⁷ servir.
8. Quant veit li pedre que mais n'avrat emfant¹⁸
mais que cel sul que il par amat tant,
dunc se purpenset del siecle¹ [ad] en¹⁸ avant:
or volt que prenget muilier²⁵ à sun vivant,
35 dunc li acatet filie d'un noble franc.
9. Fut³ la pulcele¹¹ de²⁶ [mult] halt parentet,
filie ad un compte¹¹ de Rome la ciptet;

⁵ qui. ⁶ t pour z. ⁷ vat. ⁸ remanant. ⁹ ampairet. ¹⁰ u pour o. ¹¹ a pour e final ou avant-ment. ¹² e pour k. ¹³ hoc. ¹⁴ Le ms. ajoute z final. ¹⁵ annum. ¹⁶ vailante. ¹⁷ th pour d. ¹⁸ a pour e dans la première syllabe. ¹⁹ o pour u. ²⁰ bont. ²¹ sain. ²² sur la. ²³ baptizet. ²⁴ lui portat. ²⁵ moyler. ²⁶ Le ms. ajoute nethe avant de.

n'at mais emfant ¹⁸, lei ²⁷ volt mult honurer.
 Ensemble ¹⁸ en ¹⁸ vunt li dui pedre parler,
 lur dous emfanz ¹⁸ volent faire asembler.

10. Noment ²⁸ lur terme de lur adaisement;
 quant vint al faire ²⁹, dunc le funt gentement, 5
 danz Alexis l'espuset belement ¹¹;
 mais c'est ³⁰ tels ⁴ plaiz ⁶ dunt ne volsist n'ent,
 de tut en ¹⁸ tut ad' à Deu sun talent.

11. Quant li jurz passet et il fut anoitiet ³¹,
 ço dist li pedre ³²: "Filz, quer ¹⁸ t'en vai ³³ culkier ³⁴ 10
 avoc ta spuse, al cumand Deu del ciel."
 Ne volt li emfes sum pedre corucier ¹⁹,
 vint en la cambre ¹¹ u ³⁵ er[e]t sa muilier ¹.

12. Cum veit le lit, esguardat la pulcele ¹¹,
 dunc li remembret de sun seinur ¹⁹ celeste, 15
 que plus at ³ kier ³⁶ que tut avoir terrestre:
 "E Deus, dist il, cum fort pekiez ³⁷ m'apresset!
 S'or ³⁸ ne m'en fui, mult criem que ne t'em perde".

13. Quant en ¹⁸ la cambre ¹¹ furent tut sul remes,
 danz Alexis la prist ad apeler: 20
 la mortel vide ¹⁷ li prist mult à blasmer,
 de la celeste li mostret veritet;
 mais lui est tart qued ³⁹ il s'en seit turnez ⁶.

14. "Oz mei, pulcele: celui tien ad espus
 ki nus raens[t] de sun sanc preci'us. 25
 En ¹⁸ ices[t] siecle ¹ nen at parfit amur ¹⁹;
 la vide ¹⁷ est fraile ⁴⁰, n'i at ³ durable honur,
 ceste ¹¹ ledice ⁴¹ revert à grant tristur".

15. Quant sa raisun li at ³ tute mustrede ¹⁷,
 pois li cumandet les renges de s'espede ¹⁷ 30
 et un anel; à Deu l'at ⁴² cumandede ⁴³.
 Dunc en eissit de la cambre sum pedre,
 en mie ⁴⁴ noit ¹⁰ s'en fuit de la contrede ¹⁷.

16. Dunc vint errant dreitement à la mer;
 la nef est preste u ³⁵ il deveit entrer: 35
 dunet sum pris et enz est aloz ⁶.
 Drecent lur sigle, laissent curre par mer,
 là pristrent terre u ¹⁹ Deus les volt mener.

²⁷ lui. ²⁸ doment. ²⁹ fare. ³⁰ co est. ³¹ anuitet. ³² *Le ms. ajoute un s final.*
³³ vas. ³⁴ colcer. ³⁵ ou. ³⁶ cher. ³⁷ pecet. ³⁸ se or. ³⁹ t pour d. ⁴⁰ fraisle. ⁴¹ lethece.
⁴² li ad. ⁴³ comandethe. ⁴⁴ sur.

17. Dreit à Lalice — ço fut citet mult bele —
 iloc ⁴⁵ arivet sainement la nacele;
 dunc en ¹⁸ eisit danz Alexis à terre ⁴⁶.
 Ço ne sai jo cum longes i converset;
 u ³⁵ que il seit, de Deu servir ne cesset.
18. D'iloc alat en ¹⁸ Alsis la ciptet
 pur une imagine dunt il o[d]it parler,
 qued angele ³² firent par cumandement Deu
 el num la virgine ki portat salvetet,
 sainte ¹¹ Marie ki portat damne Deu.
19. Tut sun aveir ⁴⁷ qu'od sei en at ³ portet,
 tut le depart par Alsis la citet;
 larges almosnes, que giens ¹ ne-l en remest,
 dunt as povres u qu'il les pout truver ¹⁹;
 par ⁴⁸ nul aveir ⁴⁷ no volt estre ¹¹ encumbrez ⁴⁹.
20. Quant sun aveir ⁴⁷ lur at ³ tut ¹⁹ departit,
 entre ¹¹ les povres se sist danz Alexis,
 reçut l'almosne, quant Deus la li tramist;
 tant en ¹⁸ retint dunt sun ⁵⁰ cors pot ⁵¹ guarir:
 se lui'n remaint, si-l rent as poverins.
21. Or revendrai al pedre ¹¹ et à la medre ¹¹
 et à la spuse qued il out espusede ¹⁷.
 Quant il ço sovrent qued il furiz s'en eret,
 ço fut granz dols qued ³⁹ il en demenerent,
 e granz deplainz par tute ¹¹ la cuntrede.
22. Ço dist li pedre ³²: "Kier[s] ³⁶ filz, cum t'ai perdut!"
 Respont la medre: "Lasse, qu'est ⁵³ devenuz ⁶¹!"
 Ço dist la spuse: "Pekiez ⁵⁴ le m'a tolut;
 e kiers ⁵⁵ amis, si pou vus ai out!
 or sui si graime que ne pois ¹⁰ estre ¹¹ plus."
23. Dunc prent li pedre de ses ⁴ meilurs serganz,
 par multes terres fait querre sun emfant ¹⁸;
 jusque en ¹⁸ Alsis en vindrent dui errant,
 iloc truverent dan ¹⁴ Alexis sedant,
 mais n'enconurent ¹⁸ sum vis ne sun ⁵⁶ semblant.
24. Si ⁵⁷ at li emfes sa tendre ¹¹ carn mudede
 ne-l reconurent li dui sergant sum pedre,
 à lui medisme unt l'almosne dunede ¹⁷;

⁴⁵ oe pour o. ⁴⁶ certes. ⁴⁷ e pour ei. ⁴⁸ pur. ⁴⁹ ancumbret. ⁵⁰ ses. ⁵¹ ue pour o.
⁵² ie pour e. ⁵³ qued est. ⁵⁴ pechet. ⁵⁵ chers. ⁵⁶ sum. ⁵⁷ des.

il la receut cume li altre frere,
ne-l reconurent, sempres s'en retournerent.

25. Ne-l reconurent ne ne l'unt enterciet ¹⁸.
Danz Alexis en ¹⁸ lodet ¹⁷ Deu del ciel
d'icez sons sers qui il est provendiers ¹. 5
Il fut lur sire, or est lur almosniers ¹:
ne vus sai dire cum il s'en firet liez.
26. Cil s'en repairent à Rome la citet,
nuncent al pedre que ne-l povrent truver;
sed ³⁹ il fut graims ⁴, ne l'estot demander. 10
La bone medre s'em prist à dementer
e sun kier ¹ fil ¹⁴ suvent à regreter:
27. "Fils Ale[x]is, pur quei[-t] portat ta medre!
Tu m'ies furiz ⁶, dolente en ¹⁸ suis remese;
ne sai le leu ne nen sai la contrede ¹¹ 15
u t'alge querre; tute en sui esguarede ¹⁷,
ja mais n'ierc liede ¹, kiers ⁵⁸ filz, ne ⁵⁹ n'iert ⁵⁹ tes ⁶⁰ pedre!"
28. Vint en la cambre pleine ¹⁸ de marrement,
si la desperet ⁶¹ que n'i remest ni'ent,
n'i laissat ⁶² palie ne ne'ul ornement; 20
à tel tristur aturnat sun talent
unc ⁶³ pois ¹⁰ cel di ne-s ⁶⁴ contint liedement ¹.
29. "Cambre ¹¹, dist ele ¹¹, ja mais n'estras parede,
ne ja ledice ⁶⁵ n'iert ¹ en ¹⁸ tei demenede."
Si l'at destruite cum s'hom l'o'ust predede ⁶⁶, 25
sas i fait pendre e ⁶⁷ cinces ⁶⁷ deramedes;
sa grant honur à grant dol at ³ turnede.
30. Del dol ⁵¹ s'asist la medre jus ⁶⁸ à terre,
si fist la spuse dan ¹⁴ Alexis à certes:
"Dame ¹¹, dist ele, jo i ai si grant perte 30
ore vivrai en ¹⁸ guise de turtrele;
quant n'ai tun fil ¹⁴, ensembl' od ⁶⁹ tei voil estre ¹¹."
31. Ço di[st] la medre: "S'à ⁷⁰ mei te vols tenir,
si-t guardarai pur amur Alexis:
ja n'avras mal dunt te poisse ¹⁰ guarir. 35
Plainums ensemble ¹⁸ le dol ⁴⁵ de nostre ami,
tu del ⁷¹ seinur, jo-l f[e]rai pur mun fil ¹⁴."

⁵⁸ kers. ⁵⁹ nul ert. ⁶⁰ tun. ⁶¹ despeiret. ⁶² remest. ⁶³ unches. ⁶⁴ ne se. ⁶⁵ ledece. ⁶⁶ *Le second hémistiche dans le ms.*: cum dis lait host depredethe. ⁶⁷ curtines.
⁶⁸ jusque. ⁶⁹ ansemlot. ⁷⁰ se a. ⁷¹ de tun.

32. Ne pot ⁴⁵ estre ¹¹ altre ¹¹, turnent el consirrer,
 mais la dolur ne podent ¹⁷ ublier.
 Danz Alexis en Alsis la citet
 sert sun seinur par bone volentet,
 5 ses enemis ne-l pot ⁴⁵ unc enganer ¹⁸
33. Dis e set ⁷² anz, n'en fut n'ient à dire,
 penat sun cors el damne Deu servise;
 pur amistet ne d'ami ne d'amie
 ne pur honors ki lui ⁷³ fussent tramises ⁴
 10 n'en volt turner tant cum il ad à vivre.
34. Quant tut sun quor en at ³ si afermet
 que ja, sum voil, n'eistrat ⁷⁴ de la citet ⁷⁵,
 Deus fist l'imagene pur sue amur parler
 al servitur ¹⁹ ki serveit à l'alter;
 15 ço li cumandet: "Apele l'ume Deu".
35. Ço dist l'imagene ¹¹: "Fai l'ume Deu venir,
 quer ¹⁸ il at ³ Deu bien et à gret servit ⁷⁶
 et il est dignes ⁴ d'entrer en paradis."
 Cil vait, si-l quiert ¹, mais il ne-l set coisir,
 20 icel saint home de cui l'imagene dist.
36. Revint li custre ¹⁹ à l'imagene el mustier ¹:
 "Certes, dist il, ne sai cui entercier ¹⁸."
 Respont l'imagene: "C'est ³⁰ cil qui tres l'us siet ¹,
 pres est de Deu e des regnes del ciel,
 25 par nule guise ne s'en volt esluinier ¹."
37. Cil vait, si-l quiert ¹, fait l'el mustier ¹ venir.
 Est-vus l'esemple ⁷⁷ par trestut le paris
 que cele imagine parlat pur Alexis.
 Trestuit l'onurent, li grant et li petit,
 30 e tuit le pr[e]ient que d'els ⁷⁸ ai[e]t mercit.
38. Quant il ço veit que-l ⁷⁹ volent onurer:
 "Certes, dist il, n'i ai mais ad ester;
 d'icest[e] honor ne-m ⁸⁰ revoil encumbrier ¹⁸."
 En mie ⁴⁴ noit ¹⁰ s'en fuit de la ciptet,
 35 dreit à Lalice revint li sons edrers.
39. Danz Alexis entrat en une nef,
 ourent lur vent, laissent curre par mer.
 Endreit ¹⁸ Tarson espeiret ariver,

⁷² seat. ⁷³ len. ⁷⁴ nistrat. ⁷⁵ citied. ⁷⁶ *Le second hémistichie dans le ms.*: bien servit et a gret. ⁷⁷ esample. ⁷⁸ de els. ⁷⁹ quil. ⁸⁰ nen.

mais ne pot ⁵¹ estre ¹¹, ailurs l'estot aler:
endreit ¹⁷ à Rome les portet li orez.

40. A[d] un des porz ki plus est pres de Rome,
iloc ⁴⁵ arivet la nef à cel saint home.
Quant vit sun regne, durement s'en redutet
de ses parens, qued il ne-l recunuissent
e de l'honor del siecle ¹ ne l'encumbrent. 5
41. "E Deus, dist il, bels reis qui tut guvernes,
se tei plo'ust, [i]ci ne vol[s]isse estre ¹¹.
S'or me conuissent mi parent d'este ⁸¹ terre,
il me prendrunt par pr[e]i ou par poeste;
se jo-s en ¹⁸ creid, il me trairunt à perdre ¹¹. 10
42. "Mais ne pur hoc ⁵¹ mun pedre me desirret,
si fait ma medre ¹¹ plus que femme qui vivet,
avoc ma spuse que jo lur ai guerpide.
Or ne lairai ne-m ⁷⁹ mete en ¹⁸ lur bailie;
ne-m ⁸⁰ conuistrunt, tanz jurz at ³ que ne-m ⁸⁰ virent." 15
43. Eist de la nef e vint endreit ¹⁸ à Rome,
vait par les rucs dunt il ja bien fut cointes ⁴,
altre ⁸² pois ⁸² altre, mais sun pedre i encuntret ¹⁸,
ensembl' od ⁶⁹ lui grant masse de ses humes;
si-l reconut, par sun dreit num le numet: 20
44. "Eufemi[i]ens ⁴, bels ⁴ sire, riches hom,
quer ¹⁸ me herberge ³² pur Deu en ¹⁸ tue maisun ¹⁹,
suz tun degret me fai un grabatum
empur tun fil ¹⁴ dunt tu as tel dolur;
tut sui ¹⁹ emferm[s] ¹⁷, si-m pais pur sue amur ¹⁹." 25
45. Quant ot li pedre la clamur ¹⁹ de sun fil ¹⁴,
plurent si oil, ne s'en pot ⁵¹ astenir:
Pur ¹⁹ amur ¹⁹ Deu e pur mun kier ³⁶ ami
tut te du[r]rai, bons ⁴⁵ hom, quan[t] que m'as quis,
lit et ostel e pain e carn e vin. 30
46. "E Deus, dist il, quer o'usse un sergant ⁸³
ki-l me guardast ⁸⁴ jo l'en fereie franc."
Un en i out ki sempres vint avant:
"As me, dist il, ki-l guard pur tun ¹⁹ cumand;
pur tue amur en ¹⁸ suferai ¹⁹ l'ahan." 35
47. Dunc le menat endreit ¹⁸ suz le degret,
fait li sun lit u ¹⁹ il pot reposer,

⁸¹ d'icesta. ⁸² naltra pur. ⁸³ sergent. ⁸⁴ guardrat.

tut li amauvet quan[t] que bosuinz li ert.
 Contre[-l]¹¹ seinur ne s'en volt mesaler,
 par nule guise ne l'em pot⁵¹ hom blasmer.

- 5 **48.** Suvent¹⁹ le virent e le pedre e la medre¹¹
 e la pulcele qued³⁹ il⁸⁵ out⁸⁵ espusede;
 par nule guise unkes¹² ne l'aviserent,
 n'il ne lur dist, n'il⁸⁶ ne l[i] demanderent
 quels hom esteit ne de quel terre il eret.
- 10 **49.** Suventes¹⁹ feiz lur veit grant dol⁵¹ mener
 e de lur oïlz mult tendrement plurer,
 e tut pur lui, unkes¹² nirent pur el⁸⁷.
 Danz Alexis le met el consirrer:
 ne l'en est rien, [e]issi est aturnez⁶.
- 15 **50.** Suz¹⁹ le degret u³⁵ il gist sur sa nate,
 iloc⁵¹ paist l'um del relief¹ de la table¹¹:
 à grant poverte deduit sun grant parage.
 Ço ne volt il que sa mere le sacet,
 plus aimet Deu que [tres]tut sun linage.
- 20 **51.** De la viande ki del herberc li vi[e]nt
 tant en¹⁸ reti[e]nt dunt sun cors en susti[e]nt;
 se lui-n⁸⁸ remaint si-l rent as almosniers⁸⁹,
 n'en fait musgode pur sun cors engreissier¹,
 [mais as plus povres lo dunet à mangier].
- 25 **52.** En sainte eglise converset volentiers¹,
 cascade feste se fait acomunier,
 sainte Escriture ço ert ses conseiliers¹;
 del Deu service se volt mult efforcier¹,
 par nule guise ne s'en volt esluinier¹.
- 30 **53.** Suz le degret u³⁵ il gist e converset,
 iloc deduit liedement¹ sa poverte.
 Li serf sum pedre ki la maisniede¹ servent
 lur lavadures li getent sur la teste;
 ne s'en corucet ned³⁹ il ne-s en apelet.
- 35 **54.** Tuit⁹⁰ l'escarnissent, si-l tienent¹ pur bricun,
 l'egue¹¹ li getent, si moilent sun lincol;
 ne s'en corucet giens cil saintismes hom,
 ainz pr[e]jet Deu qued³⁹ il le lur parduinst
 par sa mercit, quer ne sevent que funt.

⁸⁵ li ert. ⁸⁶ nels. ⁸⁷ ei *pour* e. ⁸⁸ lui en. ⁸⁹ povrins. ⁹⁰ tuz.

55. Iloc converset eisi dis e set anz.
Ne-l reconut nuls sons apartenanz,
ne n[e]uls hom ne sout les sons ahanz,
[fors sol le lit u il at ge'ut tant:
ne pot muder ne seit aparissant.] 5
56. Trente quatre anz at ³ si sun cors penet:
Deus sun servise li volt guereduner.
Mult li engr[i]eget ¹⁸ la sue enfermetet ¹⁸,
or set il bien qued il s'en deit aler;
cel son servant ad à sei apelet: 10
57. "Quier ¹ mei, bels ⁴ frere, et enque ⁹¹ e parcamin
et une penne, ço pr[e]i tue mercit."
Cil li aportet, receit le[s] Ale[x]is:
de sei medisme tute la cartre escri[s]t ⁹²,
cum s'en alat e cum il s'en revint. 15
58. Tres sei la tint, ne la volt demustrer,
ne[-l] reconuissent usque il s'en seit alez ⁶.
Parfitement s'ad ⁹³ à Deu cumandet:
sa fin aproismet, ses cors est agravez ⁶,
de tut en ¹⁸ tut recesset del parler. 20
59. En ¹⁸ la sameine qued il s'en dut aler,
vint une voiz treiz feiz en la citet
hors del sacrarie par cumandement Deu,
ki ses fedeilz li at ³ tuz emviez ⁹⁴;
prest est la glorie qued il li volt duner. 25
60. A ⁹⁵ l'autre ¹¹ voiz lur dist altre ¹¹ summunse
que l'ume Deu quiergent ¹ ki est en ¹⁸ Rome,
si [li] depreient que la citet ne fundet,
ne ne perissent la gent ki enz fregundent.
Ki l'un[t] o[d]it ³ remaint en grant dute. 30
61. Sainz Innocenz ert idunc apostolies ⁴;
à lui repairent e li rike ¹² e li povre,
si li requierent ¹ conseil d'icele cose
qu'il unt o[d]it, ki mult les desconfortet:
ne guardent l'ure que terre les ⁹⁶ enclodet ⁹⁷. 35
62. Li apostolies ⁴ e li empere[d]ur ¹⁹
— li uns Acharie ³², li altre Anorie ³² out num —
E tuz ⁶ li ⁹⁸ poples ⁶ par commune uraisun ¹⁹

⁹¹ enca. ⁹² *Le vers dans le ms.*: escrit la cartra tute de sei medisme. ⁹³ se ad.
⁹⁴ amuiet. ⁹⁵ en. ⁹⁶ nes. ⁹⁷ anglutet. ⁹⁸ le.

depreient Deu que conseil lur en ¹⁸ duins[t]
d'icel saint hume par qui il guarirunt.

- 5 63. Ço li depr[e]ient, la sue pietet,
que lur enseint ⁹⁹ u-l ¹⁹ poissent recuvrer ¹⁹.
Vint une voiz ki lur ad enditet ¹⁸:
"En ¹⁸ la maisun Eufemiien ¹ quereiz,
quer iloc ⁴⁵ est, iloc ¹⁰⁰ le truveireiz ¹⁹."
- 10 64. Tuit ⁹⁰ s'en returnent sur dam Eufemiien ¹,
alquant ¹⁰¹ le prennent forment à blastengier ¹:
"Iceste cose nus doruses nuncier
à tut le pople, ki ert desconseiliez ¹⁰²;
tant l'as celet, mult i as grant pekiet ⁵⁴."
- 15 65. Il s'escondit ¹⁰³ cume cil ki ¹⁰⁴ ne-l set,
mais ne l'en creient, al herberc sunt alet.
Il va[i]t avant la maisun aprester,
forment l'enquier[t] ¹ à tuz ses menestrels:
icil respondent que ne'uls d'els ne-l set.
- 20 66. Li apostolies ⁴ e li empere[d]ur
siedent ¹ es bans [e] pensif e plurus;
iloc esguardent tuit cil altre seinur ¹⁰⁵,
si preient Deu que conseil lur en ¹⁸ duins[t]
d'icel saint hume par qui il guarirunt.
- 25 67. En ¹⁸ tant dementres cum il iloc ⁴⁵ unt sis,
deseivret l'aneme del cors saint Alexis:
tut dreitement en vait en paradis
à sun seinur ¹⁹ qu'il aveit tant servit.
E reis celestes ⁴, tu nus i fai venir!
- 30 68. Li bons ⁴⁵ serganz, ki-l serveit volentiers,
il le nunçat sum pedre Eufemiien ¹;
sur'ef l'apelet, si li at ³ conseiliet ¹:
"Sire, dist il, morz est tes provendiers,
e ço sai dire qu'il fut bons christiens ¹.
- 35 69. "Mult lungement ¹¹ ai à lui converset:
de nule cose certes ne-l sai blasmer,
e ço m'est vis que ço est li ¹⁰⁶ hom ¹⁰⁶ Deu."
Tuz ⁶ suls ⁴ s'en est Eufemiens ¹ turnez ⁶,
vint à sun fil ¹⁴ u ³⁵ gist suz le ¹⁰⁷ degret.
70. Les dras suz lievet ¹ dunt il esteit cuverz ⁶,
vit del sain[t] home le vis e cler e bel;

⁹⁹ anseinet. ¹⁰⁰ et iloc. ¹⁰¹ z *final pour t*. ¹⁰² desconseilet. ¹⁰³ lescondit. ¹⁰⁴ kil.
¹⁰⁵ seinors. ¹⁰⁶ lume. ¹⁰⁷ lu.

en sum puing ti[e]nt la cartre li ⁹⁸ Deu sers
[u ad escrit trestut le sun convers.]
Eufemiien[s] ¹ volt saveir qued ³⁹ espelt.

71. Il la volt prendre ¹¹, cil ne li volt guerpier;
al apostolie revint tuz esmariz: 5
"Ore ai truvet ¹⁹ ço que tant avuns quis:
suz mun degret gist uns morz pelerins,
tient ¹ une cartre, mais ne ¹⁰⁸ li pois ¹⁰ tolir."
72. Li apostolies ⁴ e li empere[d]ur ¹⁹
vienen ¹ devant, jetent s'en ¹⁰⁹ ureisuns, 10
metent lur cors en granz afflictions:
"Mercit, mercit, mercit, saintismes hom!
Ne-t coneumes n'uncor ¹¹⁰ ne-t ¹¹⁰ conuissum.
73. "Ci devant tei estunt dui pekedur ¹¹¹,
par la Deu grace vokiet ¹¹² emperedur ¹⁹: 15
c'est ³⁰ sa merci[t] qu'il nus consent l'onur ¹⁹;
de tut cest mund sumes [nus] jugedur ¹⁹,
del tun ¹⁹ conseil sumes tut busuins.
74. "Cist apostolies deit les anames baillir,
c'est ³⁰ ses mestiers ¹ dunt il ad à servir: 20
rent ¹¹³ li la cartre par [la] tue mercit;
ço nus dirrat qu'enz trov[e]rat ¹⁹ escrit,
e ço duinst Deus qu'or en poisum ¹⁰ guarir."
75. Li apostolies ⁴ tent sa main à la cartre,
sainz Alexis la sue li alasket ¹²: 25
lui la ⁹⁸ consent ki de Rome esteit pape.
Il ne la list ne[d] il dedenz ne guardet,
avant la tent ad un bon ⁴⁵ clerc e savie.
76. Li canceliers ¹ cui li mestiers ¹ en ¹⁸ eret,
cil list la ⁹⁸ cartre, li altre ¹¹ l'esculterent: 30
d'icele gemme qued iloc unt truve ¹¹⁴
le num lur dist del pedre e de la medre,
e ço lur dist de quels parenz il eret.
77. E ço lur dist cum s'en fuit par mer
e cum il fut en Alsis la citet 35
e que l'immagine Deus fist pur lui parler,
e pur l'onur ¹⁹ dunt ne-s volt encumbrer ¹¹
s'en refuit en Rome la citet.

¹⁰⁸ na. ¹⁰⁹ sei an. ¹¹⁰ ne tuncore nen. ¹¹¹ pechethuor. ¹¹² vocet. ¹¹³ dune.
¹¹⁴ Dans le ms. ce vers est le dernier de la strophe.

78. Quant ot li pedre ço que dit at³ la cartre,
ad ambes mains derumpt¹¹⁵ sa blanke¹² barbe:
"E filz, dist il, cum dolerus message!
Jo atend[e]i[e] qued³⁹ à mei repairasses,
par Deu merci[t] que tu-m⁶⁰ reconfortasses."
79. A halte voiz prist li pedre¹¹ à crier:
"Filz Alexis, quels dols m'est presentez¹¹⁶!
Malveise garde t'ai fait¹¹⁷ suz mun degret.
A las pecables, cum par fui avoglez⁶¹!
tant l'ai vedut³, si ne-l poi aviser!
80. "Filz Alexis, de ta dolente¹¹ medre¹¹!
Tantes dolurs at³ pur tei endurede[s]¹⁸
e taintes fains e tantes seiz¹¹⁸ passedes¹¹⁸
e tantes lairmes¹¹⁹ pur le tun¹⁹ cors pluredes!
Cist dols l'avrat enquoi¹²⁰ par acurede.
81. "O filz, cui ierent¹ mes granz ereditez,
mes larges terres dunt jo aveie asez,
mi grant¹⁹¹ paleis de Rome la citet?
Enpur¹²¹ tei [filz,] m'en esteie penez⁶,
pois¹⁰ mun decès en fusses enurez¹²².
82. "Blanc ai le kief¹²³ e la⁹⁸ barbe ai canude¹⁷;
ma grant honur aveie¹²⁴ retenude
enpur¹²⁵ tei, [filz,] mais n'en aveies cure.
Si grant dolor or m'est apar[e]ude!
Filz, la tue aname el ciel seit absolude¹⁷!
83. "Tei cuvenist helme e brunie à porter,
espede ceindre¹¹ cume tui altre per,
e grant maisniede¹ do:uses gouverner,
le gunfanun l'emperedur porter¹¹⁴,
cum fist tis pedre e li tons parentez.
84. "A tel dolor et à si grant poverte,
filz, t'ies deduiz⁶ par ali:enes terres;
e d'icel bien ki [toz] do:ust¹²⁶ tons¹²⁶ estre¹¹,
que¹²⁷ n'em¹²⁷ perneies en ta povre herberge?
Se Deu plo:ust, sire¹²⁸ en do:usses estre¹¹."
85. De la dolor qu'en demenat li pedre¹¹
grant fut la¹²⁹ noise¹²⁹, si l'entendit¹⁸ la medre;
là vint curant¹¹⁷ cum femme forsenede,

¹¹⁵ derumpet. ¹¹⁶ apresentet. ¹¹⁷ *Le ms. ajoute e final.* ¹¹⁸ consireres. ¹¹⁹ lermes.
¹²⁰ en quor. ¹²¹ et enpur. *Voir aussi la note 114.* ¹²² enoret. ¹²³ chef. ¹²⁴ taveie.
¹²⁵ et anpur. ¹²⁶ toen doust. ¹²⁷ quer am. ¹²⁸ servit. ¹²⁹ li dols.

batant ses palmes, cri[d]ant, eskevelede ¹³⁰;
vit mort sum fil ¹⁴, à terre kiet ¹³¹ pasmede.

86. Ki ¹³⁰ dunc li vit sun grant dol demener,
sum piz debatre e sun cors dejeter,
ses crins derumpre e sun ¹³⁷ vis maiseler, 5
sun mort enfant ¹⁸ detraire et acoler:
mult fust il durs ⁴ ki n'esto'ust plurer.
87. Trait ses kevels ¹³⁰ e debat sa peitrine,
à grant dol ⁵¹ met la sue carn medisme:
"E filz, dist ele, cum m'o'us enhadide ¹³²! 10
e jo dolente, cum par fui avogli[d]e!
ne-l cunuisseie plus qu'unkes ¹³³ ne-l vedisse!"
88. Plurent si oil e si [j]etet granz criz;
sempres regret[et]: "Mar te portai, bels filz!
E de ta medre ¹¹ que n'aveies mercit?
Pur tei-m ¹³⁴ vedeies desirrer à murir: 15
c'est ³⁰ grant merveille que pitet ¹³⁵ ne t'en prist.
89. "A lasse mezre, cum oi fort aventure!
or vei jo morte tute ma porte[d]ure,
ma lunge ¹¹ atente à grant dol ⁵¹ est venude. 20
Pur quei portai, dolente, malfe[d]ude?
C'est grant merveille que li miens ¹ quors tant duret.
90. "Filz Alexis, mult o'us dur curage:
cum avilas tut tun gentil linage!
Sed ³⁹ à mei sule ¹⁹ vels une feiz parlasses, 25
ta lasse medre si la [re]confortasses
ki si'st dolente, kiers ³⁶ fi[]z, bor i alasses.
91. "Filz Alexis, de la tue carn tendre ¹¹!
A quel dolut deduit as ta juvente ¹¹!
Pur que[i]-m fu'is? ja-t ¹³⁶ portai en mun ¹³⁷ ventre; 30
e Deus le set que tute sui dolente,
ja mais n'iere ¹ liede ¹ pur home ne pur femme.
92. "Ainz que t'o'usse ¹³⁸, [si-n] fui mult desirruse;
ainz que nez fusses, si-n fui mult angussuse;
quant jo[-t] vid net ³, si-n fui liede ¹ e goiuse: 35
or te vei mort, tute en sui doleruse,
ço peiset mei que ma fin ³² tant demoret.

¹³⁰ ch *pour* k. ¹³¹ chet. ¹³² enhaditha. ¹³³ que unches. ¹³⁴ quem. ¹³⁵ pietet.
¹³⁶ ja te. ¹³⁷ e *pour* u. ¹³⁸ tei vedisse.

- 5 93. "Seinurs de Rome, pur amur Deu, mercit:
aidiez m'à ¹³⁹ plaindre ¹¹ le dol ⁵¹ de mun ami.
Granz est li dols ki sor mei est vertiz ¹⁴⁰,
ne pois ¹⁰ tant faire que mes quors s'en saizit;
il n'est merveile: n'ai mais filie ne fil."
- 10 94. Entre le dol del pedre ¹¹ e de la medre
vint la pulcele que il out espusede:
"Sire, dist ele ¹¹, cum longe ¹¹ demurede ¹⁴¹
ai atendude en ¹⁸ la maisun tun pedre ¹¹,
u ³⁵ tu-m ⁶⁰ laisas dolente et e[s]guarede!
- 15 95. "Sire Alexis, tanz jurz t'ai desirret
[e tantes lairmes pur le tun cors pluret]
e tantes feiz pur tei en ¹⁸ luinz guardet,
si revenisses ta spuse conforter,
pur felunie n'ent ne pur lastet.
- 20 96. "O kiers amis, de ta juvente bele ¹¹!
Ço peiset mei que-s ¹⁴² purirat [en] terre.
È gentils hom, cum dolente pois ¹⁰ estre ¹¹!
Jo atendeie de te[i] bones noveles,
mais or les vei si dures e si pesmes!
- 25 97. "O bele buke ¹², bel vis, bele faiture,
cum est mudede vostre ¹¹ bele ¹¹ figure!
Plus vus ¹⁰ amai que nule creature.
Si grant dolur or m'est apar[e]ude
mielz ¹ me venist, amis, que morte fusse.
- 30 98. "Se jo[-t] so'usse là jus suz le ¹⁴³ degret,
u ³⁵ as ge'ut ³ de lung[e] emfermetet ¹⁸,
ja tute gent ne-m ¹⁴⁴ so'usent turner
qu'à tei ensemble ¹⁸ n'o'usse converset;
si me le'ust, t'o'usse ¹⁴⁵ bien guardet.
- 35 99. "Or ¹¹⁷ sui jo vedve, sire ¹¹," dist la pulcele ¹¹,
"ja mais ledice ⁶⁵ n'avrai, quer ¹⁸ ne pot estre ¹¹,
ne ja mais hume n'avrai en ¹⁸ tute terre.
Deu servirai ¹⁴⁶, le rei ki tut ¹⁹ guvernet:
il ne-m ¹⁴⁷ faldrat, s'il veit que jo lui serve."
100. Tant i plurat e li ⁹⁸ pedre ¹¹ e la medre ¹¹
e la pulcele ¹¹ que tut s'en alasserent.
En tant dementres le saint cors conreierent

¹³⁹ mei a. ¹⁴⁰ *Le ms. intervertit ce vers et le suivant.* ¹⁴¹ demurere. ¹⁴² que si.
¹⁴³ lu. ¹⁴⁴ ne men. ¹⁴⁵ si tousse. ¹⁴⁶ servirei. ¹⁴⁷ nel.

tuit cil seinur e bel l'acustumerent.
Cum felix cel ki par fait l'enurerent ¹⁹!

101. "Seignurs ¹⁹, que faites?" ço dist li apostolies ⁴,
"que valt cist criz ⁶, cist dols ne ceste ¹¹ noise?
Ki ¹³⁰ ki ¹³⁰ se doilet, à nostr' os est il goie,
quer ¹⁸ par cestui avrum bon ⁴⁵ adjutorie;
si li preiuns que de tuz mals nus ¹⁹ tolget." 5
102. Trestuit ⁹⁰ le ¹⁴⁸ prenent ¹⁴⁸ ki povrent avenir,
cantant en portent le cors saint Alexis,
e tuit li preient que d'els aiet mercit.
N'estot sumondre ¹⁹ icels ki l'unt o[d]it:
tuit i acurent ¹⁹, li grant e li petit. 10
103. Si s'en commovrent tute ¹¹ la gent de Rome
plus tost i vint ki plus tost i pout curre:
parmi les rues en ¹⁸ viennent ¹ si granz turbes
ne reis ne quons n'i pot ⁴⁵ faire entrerute ¹⁴⁹,
ne le saint cors ne povrent passer ultre ¹¹. 15
104. Entr'els en ¹⁸ prenent cil seinur ¹⁹ à parler:
"Grant ¹⁰⁰ est la presse, nus ni poduns passer;
[por] cest saint cors que Deus nus at ³ dunet
liez est li poples, ki tant l'at desirret:
tuit i acurent ¹⁹, nuls ne s'en volt turner." 20
105. Cil en ¹⁸ respondent ki l'empirie ¹⁸ bailissent:
"Mercit, seniurs, nus en ¹⁸ querruns mecine:
de noz aveirs feruns granz ¹⁵⁰ departi[d]es
la main menude ki l'almosne desiret;
s'il nus funt presse, dunc ¹⁵¹ en ¹⁸ iermes ¹ delivre." 25
106. De lur tresors prenent l'or e l'argent,
si-l funt jeter devant la povre gent;
par ço quident avoir discumbrement.
Mais ne pot ⁵¹ estre ¹¹, cil n'en rovent ni'ent,
à cel saint hume trestuz ⁶ est lur talenz ⁶. 30
107. Ad une voiz cri[d]ent la gent menude:
"De cest avoir certes nus n'avum cure;
si grant ledice ⁶⁵ nus est apar[e]ude
d'icest saint cors, n'avum suin d'autre mune ¹⁵²:
par lui avrum; se Deu plaist, bone ajude." 35

¹⁴⁸ li preient. ¹⁴⁹ entrarote. ¹⁵⁰ largas. ¹⁵¹ uncore. ¹⁵² *Le second hémistiche dans le ms.: que avum ambailide.*

108. Unkes ¹³⁰ en Rome nen out si grant ledice ⁶⁵
 cum out le jurn as povres et as rikes ¹³⁰
 pur cel saint cors qu'il unt en lur bailie:
 ço lur est vis que tiengent ¹ Deu medisme,
 5 trestuz ⁶ li poples ⁴ lodet Deu e graci'et.
109. Sainz Alexis out bone volentet,
 pur oc ⁴⁵ en est oi cest jurn onurez ¹⁵³.
 Li cors en est en ¹⁸ Rome la citet,
 e l'aneme ¹¹ en est enz el paradis Deu:
 10 bien pot ⁴⁵ liez estre ¹¹ ki si est alo'ez ¹⁰.
110. Ki at ¹⁵⁴ pekiet ⁵⁴ bien s'en pot recorder:
 par penitence s'en pot tres bien salver.
 Briès est cis[t] siecles ¹, plus durable atendeiz.
 15 Ço preiums Deu, la sainte Trinitet,
 qu'od lui ensemble ¹⁸ poissum el ciel regner.
111. Surz ne avogles ne contraiz ⁶ ne leprus
 ne muz ne orbs ne nuls palazinus
 ensur[que]tut ne ne'uls languerus,
 20 nul ³² n'en i at ki'n alget malendus,
 cel n'en i at ki'n report sa dolor.
112. N'i vint emferm[s] ¹⁸ de nul[e] emfermetet ¹⁸,
 quant il l'apelet, sempres n'aiet ¹⁵⁵ santet ¹⁵⁶.
 Alquant i vunt, a[l]quant se funt porter;
 25 si veirs miracles lur at ³ Deus mustret,
 ki vint plurant cantant l'en fait raler.
113. Cil dui seniur ki l'empirie guvernent,
 quant il i veient lez vertuz si apertes,
 il le receivent, si-l portent ¹⁵⁷ e si-l servent.
 30 Alques par pr[e]i e le plus par podeste
 vunt en avant, si derumpent la presse.
114. Sainz Boniface, que l'om ¹⁰ martir apelet,
 aveit en ¹⁷ Rome un[e] eglise mult bele:
 iloc ⁴⁵ en ¹⁸ portent dan ¹⁴ Alexis à certes
 et attement le posent à la terre.
 35 Felix li ⁹⁸ liu[s] u ses ¹⁵⁸ sainz ⁶ cors herberget!
115. La gent de Rome, ki tant l'unt desirret,
 set ⁷² jurz le tienent ¹ sor terre à podestet.
 Grant est la presse, ne l'estot ⁵¹ demander:
 40 de tutes parz l'unt si avirunet
 que ¹⁵⁹ à vis unkes ¹³⁰ hom i ¹⁶⁰ pot ⁴⁵ habiter.

¹⁵³ oneuret. ¹⁵⁴ fait ad. ¹⁵⁵ nen ait. ¹⁵⁶ sanctet. ¹⁵⁷ plorent. ¹⁵⁸ sun. ¹⁵⁹ cest. ¹⁶⁰ ni.

116. Al sedme jurn fut faite la herberge
à cel saint cors, à la gemme celeste.
En sus s'en traient, si alasket ¹² la presse:
voillent u ¹⁹ non, si-l laissent metre ¹¹ en ¹⁸ terre;
ço peiset els, mais altre ne pot ⁵¹ estre ¹¹. 5
117. Ad encensiers ¹, ad ories candelabres
clerc ¹⁶¹ revestut ¹⁰⁰ en ¹⁸ albes et en ¹⁸ capes
metent le cors enz el sarqueu de marbre;
alquant i cantent, li pluisur jetent lairmes ¹¹⁹,
ja, le lur voil, de lui ne desevrassent. 10
118. D'or e de gemmes fut li sarqueus parez
pur cel saint cors qu'il i deivent poser.
En terre-l metent par vive po[d]estet;
pluret li poples de Rome la citet,
suz ciel n'at home ki[-s] poisset ¹⁶² conforter ¹⁶³. 15
119. Or n'estot dire del pedre ¹¹ e de la medre ¹¹
e de la spus[e] cum il le ¹⁶⁴ regreterent ¹⁶⁴,
quer tuit en unt lur ¹⁹ voiz si atempredes
que tuit le plainstrent e tuit le doloserent:
cel jurn i out cent mil lairmes pluredes. 20
120. Desur [la] terre ne-l povrent mais tenir:
voilent o non, si-l laissent enfodir;
prenent congiet ¹ al cors saint Alexis
e si li preient que d'els ai[e]t mercit,
al sun ¹⁹ seignur ¹⁹ il lur seit bons ⁴⁵ plaidiz. 25
121. Vait s'en li pople[s. E] li pere e la medre ¹¹
e la pulcele ¹¹ unkes ¹⁵⁰ ne desevrerent:
ensemble ¹⁸ furent jusqu'à Deu s'en ralerent;
lur cumpain'e fut bone et honurede ¹⁶⁵.
Par cel saint cors sunt lur anames salvedes. 30
122. Sainz Alexis est el ciel senz dutance
ensembl' od ³⁹ Deu e la compaignie as angeles,
od la pulcele ¹¹ dunt se fist si estranges:
or l'ad ³⁹ od sei, ensemble ¹⁸ sunt lur anames,
ne vus sai dire cum lur ledice ⁶⁵ est grande. 35
123. Cum bone peine, Deus! e si bon ⁴⁵ servise
fist cel sainz ⁶ hom en ceste ¹¹ mortel vide!
Quer or est s'aname de glorie replenide ¹⁷,
ço at ³ que-s volt, n'ent n[en] est à dire,
ensurquetut e si veit Deu medisme. 40

¹⁶¹ clers. ¹⁶² puisset. ¹⁶³ atarger. ¹⁶⁴ sen doloserent. ¹⁶⁵ honorethe.

124. Las, malfe[d]ut⁶, cum esmes encumbret¹⁶⁶!
 quer ço veduns que tuit sumes desvet:
 de nos pekiez¹⁶⁷ sumes si avoglet¹⁶⁸
 la dreite vide nus funt tres obli[d]er.
 Par cest saint home dorussum ralumer.
- 5
125. Aiuns, seignurs¹⁹, cel saint home en memorie,
 si li preiuns que de tuz¹⁹ mals nus¹⁹ tolget,
 en icest siecle nuz acat pais e goie¹⁶⁹
 et en cel altre¹¹ la plus durable glorie
 en ipse Verbe. Si'n dimes PATER NOSTER.
- 10

Amen!

VI.

LA CHANSON DE ROLAND.

Les laisses suivantes, qui racontent les reprèsailles de Charlemagne après la mort de Roland, sont tirées de l'édition dite classique de M. LÉON GAUTIER, Tours 1876, comparée avec l'édition de M. T. MÜLLER, Göttingue 1863. Cf. G. PARIS *Alexis* et *Romania* II, 97 ss., ainsi que *Die ält. franz. Mundarten* de M. LÜCKING.

230. Al matinet, quant primes apert l' albe,
 esveilliez est li emperere Carles.
 Seinz Gabriel, ki de part Deu le guardet,
 levet sa main, sur lui fait sun signacle.
 Li reis se drecet, si ad rendut ses armes,
 si se desarment par tute l'ost li altre.
 Pois sunt muntet, par grant vertut chevalchent
 cez veies lunges e cez chemins mult larges:
 si vunt veoir le merveillus damage,
 en Rencesvals, là u fut la bataille.
- 15
- 20
- Aot.
231. En Rencesvals en est Carles entrez;
 des morz qu'il truvet cumencet à plurer.
 Dist as Franceis: "Seignurs, le pas tenez;
 kar mei meisme estot avant aler
 pur mun nevuld que vuldreie truver.
 Ad Ais esteie, ad une feste anel,
 si se vanterent mi vaillant bacheler
 de forz esturs, de batailles campels;
 d'une raisun o'i Rollant parler:
- 25

¹⁶⁶ avoglez. ¹⁶⁷ pechez. ¹⁶⁸ ancumbrez. ¹⁶⁹ glorie.

ja ne murreit en estrange regnet
 ne trespasast ses humes e ses pers;
 vers les paiens avreit sun chief turnet,
 cunquerrantment si finereit li ber."
 Plus qu'hum ne pot un bastuncel geter,
 devant les altres est en un pui muntez. Aol. 5

232. Quand l'Emperere vait querre sun nevuld,
 de tantes herbes el pret truvat les flurs,
 ki sunt vermeilles del sanc de noz baruns;
 pitiet en ad, ne pot muer n'en plurt. 10
 Desuz dous arbres parvenuz est amunt:
 les colps Rollant conut en treis perruns.
 Sur l'berbe verte veit gesir sun nevuld;
 nen est merveille se Carles ad irur.
 Descent à pied, alez i est plein curs, 15
 si prent le cunte entre ses mains ambsdous,
 sur lui se pasmet, tant par est anguissus. Aol.

233. Li emperere de pasmeisun revint.
 Naines li dux e li quens Acelins,
 Gefreiz d'Anjou e sis frere Tierris 20
 prenent le rei, si-l drecent suz un pin.
 Guardet à tere, veit sun nevuld gesir.
 Tant dulcément à regreter le prist:
 "Amis Rollanz, de tei ait Deus mercit!
 Unkes nuls hum tel chevalier ne vit 25
 pur granz batailles juster e defenir.
 La meie honur est turnée en declin."
 Carles se pasmet, ne s'en pout astenir. Aol.

234. Carles li reis revint de pasmeisun;
 par mains le tienent quatre de ses baruns. 30
 Guardet à tere, veit gesir sun nevuld;
 cors ad gaillard, perdue ad sa culur,
 turnez ses oilz, mult li sunt tenebrus.
 Carles le pleint par feid e par amur:
 "Amis Rollanz, Deus metet t'anme en flurs, 35
 en pare-is, entre les glori-us!
 Cum en Espaigne venis à mal, seignur!
 Jamais n'iert jurz de tei n'aie dular.
 Cum decarrat ma force e ma baldur!
 Nen avrai ja ki sustienget m'honur; 40
 suz ciel ne quid avoir ami un sul.
 Se j'ai parenz, n'en i ad nul si prud."
 Trait ses crignels pleines ses mains ambsdous.
 Cent milie Franc en unt si grant dular
 n'en i ad cel ki durement ne plurt. Aol. 45

235. "Amis Rollanz, jo m'en irai en France.
Cum jo serai à Lo'un, en ma cambre,
de plusurs regnes viendront li hume estrange,
Demanderunt u est li quens catanies.
Jo lur dirrai qu'il est morz en Espaigne.
A grant dulur tiendrai pois mun reialme:
jamais n'iert jurz que ne plur ne n'en plaigne. Aoi.
236. "Amis Rollanz, prozdum, juvente bele,
cum jo serai ad Ais en ma capele,
viendront li hume, demanderunt nuveles;
Je-s lur dirrai merveilluses e pesmes:
morz est mis niès, ki tant me fist cunquerre!
Encuntre mei revelerunt li Seisne
E Hungre e Bugre e tante gent averse,
Romain, Puillain e tuit cil de Palerne,
e cil d'Affrike e cil de Califerne;
pois encerrunt mes peines e suffraites.
Ki guierat mes oz à tel poeste,
quant cil est morz ki tuz jurz nus cadelet?
E! France dulce, cum remeins hoi deserte!
Si grant dol ai que jo ne vuldreie estre."
Sa barbe blanche cumencet à detraire,
ad ambes mains les chevels de sa teste.
Cent milie Franc s'en pasment cuntre tere. Aoi.
237. "Amis Rollanz, as perdue la vie:
l'anme de tei en pare'is seit mise!
Ki tei ad mort mult ad France hunie.
Si grant dol ai que ne vuldreie vivre,
de ma maisniée ki pur mei est ocise.
Ço duinset Deus, li filz seinte Marie,
einz que jo vienge as maistres porz de Sizre,
l'anme del cors me seit hoi departie,
entre les lur fust aluée e mise,
E ma car fust delez els enfu'ie."
Plureit des oilz, sa blanche barbe tiret.
E dist dux Naimés: "Or ad Carles grant ire." Aoi.
238. "Sire emperere, ço dist Gefreiz d'Anjou,
ceste dulur ne demenez tant fort;
par tut le camp faites querre les noz,
que cil d'Espaigne en la bataille unt morz;
en un carnier cumandez qu' hum les port."
Ço dist li reis: "Sunez-en vostre corn." Aoi.
239. Gefreiz d'Anjou ad sun graisle sunet;
Franceis descendent, Carles l'ad cumandet.
Tuz lur amis qu'il i unt morz truvet

ad un carnier sempres les unt portet;
 Asez i ad evesques e abez,
 munjes, canunjes, pruveires curunez;
 si-s unt asolz e seigniez de part Deu;
 mirre e timonie i firent alumer, 5
 gaillardement tuz les unt encensez;
 a grant honur pois les unt enterrez;
 si-s unt laissiez: qu'en fereient-il el? Aoi.

240. Li Emperere fait Rollant custo'ir
 e Olivier, l'arcevesque Turpin; 10
 dedevant sei les ad fait tuz uvrir
 e tuz les cors en palie recueillir:
 en blancs sarcous de marbre sunt enz mis;
 e, pois, les cors des baruns si unt pris,
 en quirs de cerf les treis seignurs unt mis: 15
 bien sunt lavet de piment e de vin.
 Li reis cumandet Tedbald e Geburin,
 Milun le cunte e Otun le marchis:
 "En treis carettes les guiez el chemin!"
 Bien sunt cuvert d'un palie galazin. Aoi. 20

241. Venir s'en volt li emperere Carles,
 quant de paiens li surdent les anguardes.
 De cels devant i vindrent dui message,
 de l'amiraill i nuncent la bataille:
 "Reis orguillus, nen est dreiz que t'en alges. 25
 Veis Baligant ki après tei chevalchet:
 grant sunt lez oz qu'il ameinet d'Arabe;
 encoi verrum se tu as vasselage."
 Carles li reis en ad prise sa barbe,
 si li remembret del dol e del damage. 30
 Mult fierement tute sa gent regardet;
 pois si s'escriet à sa voiz grant e halte:
 "Baruns franceis, as chevaux e as armes!" Aoi.

242. Li emperere tut premereins s'adubet:
 isnelement ad vestue sa brunie, 35
 lacet sun helme, si ad ceinte Jôieuse
 ki pur soleill sa clartet nen escunset;
 pent à sun col un escut de Girunde,
 tient sun espiet ki fut faiz à Blandune,
 en Tencendur sun bon cheval pois muntet 40
 (il le cunquist es guez desuz Marsune;
 si'n getat mort Malpalin de Nerbune);
 laschet la resne, mult suvent l'esperunet,
 fait sun eslais veant cent milie humes:
 recleimet Deu e l'apostle de Rume. Aoi. 45

243. Par tut le camp cil de France descendent,
 plus de cent milie s'en adubent ensemble;
 guarnemenz unt ki bien lur atalentent,
 5 chevaux curanz e lur armes mult gentes;
 cil gunfanun sur les helmes lur pendent:
 s'il trovent l'ost, bataille quient rendre.
 Pois sunt muntet e unt grant esci'ence.
 Quant Carles veit si beles cuntenances,
 si'n apelat Jozeran de Provence,
 10 Naimun le duc, Antelme de Maience:
 "En tels vassals deit hum avoir fiance;
 asez est fols ki entr'els se dementet.
 Se de venir Arrabit ne-s repentent,
 la mort Rollant lur quid chierement vendre."
 15 Respunt dux Naimes: "E Deus le nus cunsentet!" Aoi.

253. Li Emperere de sun cheval descent,
 sur l'herbe verte si s'est culchiez adenz,
 turnet sun vis vers le soleil levant,
 20 recleimet Deu mult escordusement:
 "Veire paterne, hoi cest jur me defend,
 ki guaresis Jonas tut veirement
 de la baleine ki sun cors aveit enz,
 e espargnas le rei de Niniven,
 e Daniel del merveillus turment
 25 enz en la fosse des le'uns u fut enz,
 les treis enfanz tut en un fou ardent:
 la tue amur me seit hoi en present.
 Par ta mercit, se tei plaist, me cunsent
 que mun nevuld puisse vengier Rollant."
 30 Cum ad oret, si-s drecet en estant,
 seignat sun chief de la vertut poisant.
 Muntet li reis en sun cheval curant;
 l'estreu li tindrent Naimes e Jozerans.
 Prent sun escut e sun espiet trenchant.
 35 Gent ad le cors, gaillart e bien seant,
 cler le visage e de bon cuntenant;
 pois, si chevalchet mult afichéement.
 Sunent cil graisle e derere e devant:
 sur tuz les altres bundist li olifanz.
 40 Plurent Franceis pur pitiet de Rollant. Aoi.

254. Mult gentement l'Emperere chevalchet:
 desur sa brunie fors ad mise sa barbe.
 Pur sue amur altretel funt li altre:
 cent milie Franc en sunt reconoisable.
 45 Passent cez puis e cez roches plus haltes,
 cez vals parfünz, cez destreiz anguisables:
 issent des porz e de la tere guaste,

- devers Espagne sunt alet en la Marche;
 enmi un plain il unt pris lur estage.
 A Baligant repairent ses enguardes;
 uns Sulians li ad dit sun message:
 "Veut avum cest orgoillus rei Çarle;
 fier sunt si hume, n'unt talent qu'il li faillent.
 Adubez vus: sempres avrez bataille."
 Dist Baliganz: "Or oi grant vasselage.
 Sunez vos graisles, que mi paien le sachent." Aor.
- 255.** Par tute l'ost funt lur taburs suner 10
 e cez buisines e cez graisles mult clers.
 Paien descendent pur lur cors aduber.
 Li amiralz ne se volt demurer:
 vest une brunie dunt li pan sunt safret,
 lacet sun helme ki ad or est gemmez; 15
 pois ceint s'espée al senestre costet.
 Par sun orgoill li ad un num truvet:
 par la Carlun, dunt il o'it parler,
 la sue fist Preciruse apeler.
 Ço ert s'enseigne en bataille campel; 20
 ses chevaliers en ad fait escrier.
 Pent à sun col un son grant escut let:
 d'or est la bucle e de cristal listet;
 la guige en est d'un bon palie roet.
 Tient sun espiet, si l'apelet Maltet: 25
 la hanste fut grosse cume uns tinels,
 de sul le fer fust uns mulez trussez.
 En sun destrier Baliganz est muntez;
 l'estreu li tint Marcules d'ultre mer.
 La furcheure ad asez grant li ber, 30
 graisles les flancs e larges les costez,
 gros ad le piz, belement est mollez,
 léés espalles e le vis ad mult cler,
 fier le visage, le chief recercelet,
 tant par ert blancs cume flur en estet. 35
 De vasselage est suvent esprovez:
 Deus! quel barun, s'o'ust chrestientet!
 Le cheval brochet, li sancs en ist tuz clers,
 fait sun eslais, si tressalt un fosset,
 cinquante piez i pot hum mesurer. 40
 Paien escrient: "Cist deit marches tenser.
 N'i ad Franceis, se à lui vient juster,
 voillet o nun, n'i perdet sun eet.
 Charles est fols que ne s'en est alez." Aor.
- 256.** Li amiralz bien ressemble barun: 45
 blanche ad la barbe ensemment cume flur;
 e de sa lei mult par est saives hum,

- e en bataille est fiers e orgoillus.
 Sis filz Malprimes mult est chevalerus:
 granz est e forz e trait as anceisurs.
 Dist à sun pere: "Sire, kar chevalchum.
 5 Mult me merveill se ja verrum Carlun."
 Dist Baliganz: "O'il, kar mult est pruz:
 en plusurs gestes de lui sunt granz honurs.
 Il nen ad mie de Rollant sun nevuld;
 n'avrat vertut que-s tienget cuntre nus." Aoi.
- 10 **262.** Li amiralz mult par est riches hum:
 dedevant sei fait porter sun dragun
 e l'estandart Tervagan e Mahum
 e une ymagine Apollin le felun.
 Dis Canelius chevalchent envirin,
 15 mult haltement escrient un sermun:
 "Ki par noz deus volt avoir guarisun,
 si-s prit e servet par grant afflict'i'un."
 Paien i baissent lur chiefs e lur mentuns,
 lur helmes clers i suzelinent enbrunc.
 20 Di'ent Franceis: "Sempres murrez, glutuns;
 de vus seit hoi male cunfusi'un!
 Li nostre Deu, garantisez Carlun:
 ceste bataille seit jugiée en sun num!" Aoi.
- 25 **263.** Li amiralz est mult de grant saveir,
 à sei apelet sun filz e les dous reis:
 "Seignurs baruns, devant chevalchereiz,
 e mes eschieles tutes les guiereiz;
 mais des meillurs voill-jo retenir treis:
 30 l'une iert de Turcs e l'autre d'Ormaleis,
 e la tierce est des jaianz de Malpreis.
 Cil d'Occiant ierent ensembl'od mei:
 si justerunt à Carle e à Franceis.
 Li Emperere, s'il se cumbat od mei,
 desur le buc la teste perdre en deit:
 35 trestut seit fiz n'i avrat altre dreit." Aoi.
- 264.** Granz sunt les oz e les eschieles beles.
 Entr'els nen ad ne pui ne val ne tertre,
 selve ne bois; ascunse n'i pot estre;
 bien s'entre-veient enmi la pleine tere.
 40 Dist Baliganz: "La meie gent averse,
 kar chevalchiez pur la bataille querre!"
 L'enseigne portet Amboires d'Oluferne.
 Paien escri'ent, Preci'use l'apelent.
 Di'ent Franceis: "De vus seit hoi grant perte!"
 45 Mult haltement Munjoie renuvelent.
 Li Emperere i fait suner ses graisles

e l'olifant ki trestuz les esclairet.
 Di'ent païen: "La gent Carlun est bele.
 Bataille avrum e adurée e pesme."

Aol.

- 266.** Carles li magnès, cum il vit l'amirail,
 e le dragun, l'enseigne e l'estandart, 5
 (de cels d'Arabe si grant force i par ad
 de la cuntrée unt purprises les parz,
 ne mais que tant cum l'Emperere en ad),
 li reis de France s'en escriet mult halt:
 "Baruns franceis, vus estes bon vassal, 10
 tantes batailles avez faites en camp!
 Veez païens: felun sunt e cuart,
 tute lur lei un denier ne lur valt.
 S'il unt grant gent, d'ïço, seignurs, qui calt?
 Ki errer volt, à mei venir s'en alt." 15
 Des esperuns pois brochet le cheval,
 e Tencendur li ad fait quatre salz.
 Di'ent Franceis: "Icist reis est vassals.
 Chevalchiez, ber, nuls de nus ne vus falt." Aol.
- 271.** Granz sunt les oz e les cumpaignes fieres, 20
 justées sunt trestutes les eschieles,
 e li païen merveillusement fierent.
 Deus! tantes hanstes i ad par mi brisiées,
 escuz fruisiez e brunies desmailiées!
 Là ve'issez la tere si junchiée: 25
 l'herbe del camp, ki ert verte e delgiée,
 del sanc des cors est tute envermeilliée.
 Li amiralz recleimet sa maisniée:
 "Ferez, baruns, sur la gent chrestienne."
 La bataille est mult dure e afichiée; 30
 unc einz ne pois ne fut si forz justiée,
 jusqu'à la mort n'en iert fins otriée. Aol.
- 272.** Li amiralz la sue gent apelet:
 "Ferez, païen; pur el venit n'i estes.
 Jo vus durrai muilliers gentes e beles; 35
 si vus durrai fieus e honors e teres."
 Païen respudent: "Nus le devum bien fere."
 A colps pleniens lur espiez il i perdent,
 plus de cent milie espées i unt traites.
 As vus le caple e dulus e pesme: 40
 bataille veit cil ki entr'els volt estre. Aol.
- 273.** Li Emperere recleimet ses Franceis:
 "Seignurs baruns, jo vus aim, si vus crei.
 Tantes batailles avez faites pur mei,
 regnes cunquis e desordenet reis! 45

Bien le conois que guerredun vus dei
 e de mun cors, de teres e d'aveir.
 Vengiez voz filz, voz freres e voz heirs
 k'en Rencesvals furent mort l'autre seir!
 5 Ja savez vus cunte paiens ai dreit."
 Respudent Franc: "Sire, vus dites veir."
 Itels vint milie en ad Carles od sei,
 cumunement l'en prametent lur feid,
 ne li faldrunt pur mort ne pur destreit.
 10 Nen i ad cel sa lance n'i empleit:
 de lur espées i fierent demaneis.
 La bataille est de merveillus destreit.

Aoi.

280. Mult bien i fierent Franceis e Arrabit:
 fruisent cez hanstes e cez espiez furbiz.
 15 Ki dunc veist cez escuz si malmis,
 cez blancs osbercs ki dunc orist fremir,
 e cez escuz sur cez helmes cruisir;
 cez chevaliers ki dunc veist ca'ir,
 e humes braire, cunte tere murir,
 20 de grant dultur li po'ust souvenir.
 Ceste bataille est mult fort à souffrir.
 Li amiralz recleimet Apollin
 e Tervagan e Mahum altresi:
 "Mi damne deo, jo vus ai mult servit;
 25 tutes ymagenes vus referai d'or fin:
 cunte Carlun deignez me garantir."
 As li devant un son drut, Gemalfin,
 males nuvels li aportet e dit:
 "Baliganz, sire, mal estes hoï bailliz,
 30 perdut avez Malprime vostre filz,
 e Canabeus vostre frere est ocis.
 A dous Franceis belement en avint:
 li Emperere en est l'uns, ço m'est vis,
 grant a le cors, bien resemblet marchis;
 35 blanche ad la barbe cume flur en avril."
 Li amiralz en ad le helme enclin,
 e, en après, si'n embrunchet sun vis:
 si grant dol ad, sempres quiat murir.
 Si'n apelat Jangleu l'ultre-marin.

Aoi.

281. Dist l'amiralz: "Jangleu, venez avant.
 40 Vus estes pruz, vostre saveirs est granz,
 vostre cunseill ai otriuet tuz tens.
 Que vus en semblet d'Arrabiz e de Francs,
 se nus avrum la victorie del camp?"
 45 E cil respunt: "Morz estes, Baliganz.
 Ja vostre deu ne vus ierent guarant.
 Carles est fiers, e si hume vaillant:

unc ne vi gent ki si fust cumbatant.
 Mais reclamez les baruns d'Occiant,
 Turcs e Enfruns, Arrabiz e Jaianz.
 Ço qu'estre en deit ne l'alez demurant."

AOL.

282. Li amiralz ad sa barbe fors mise, 5
 altresì blanche cume flur en espine:
 cument qu'il seit, ne s'i volt celer mie,
 met à sa buche une clere buisine,
 sunet la cler, que si paien l'o'irent.
 Par tut le camp ses compaignes ralient. 10
 Cil d'Occiant i braient e hennissent,
 e cil d'Argoilles cume chien i glatissent.
 Requierent Francs par si grant estultie,
 el plus espès si-s rumpent e partissent:
 à icest colp en jetent morz set milie. AOL. 15
283. Li quens Ogiers cuardise n'out unkes;
 mielldre vassals de lui ne vestit brunie.
 Quant de Franceis les eschieles vit rumpre,
 si apelat Tierri le duc d'Argune,
 Gefreid d'Anjou e Jozeran le cunte; 20
 mult fierement Carlun en araisunet:
 "Veez paiens cum oc'ient voz humes!
 Ja Deu ne placet qu'el chief portez curune,
 s'or n'i ferez pur vengier vostre hunte!"
 N'i ad icel ki un sul mot respundet: 25
 brochent ad ait, lur chevaux laissent curre;
 vunt les ferir là u il les encuntrent. AOL.
284. Mult bien i fiert Carlemagnes li reis,
 Naimes li dux e Ogiers li Daneis,
 Gefreiz d'Anjou ki l'enseigne teneit; 30
 mult par est pruz danz Ogiers li Daneis;
 puint le cheval, laisset curre ad espleit,
 si vait ferir cel ki-l dragun teneit,
 qu'ambur craventet en place devant sei
 e le dragun e l'enseigne le rei. 35
 Baliganz veit sun gunfanun caeir
 e l'estandart Mahummet remaneir;
 li amiralz alques s'en aperceit
 que il ad tort e Carlemagnes dreit:
 paien d'Arabe s'en cuntienent plus quei. 40
 Li Emperere reclimet ses Franceis:
 "Dites, baruns, pur Deu, si m'aidereiz."
 Respundet Franc: "Mar le demandereiz;
 trestut seit fel ki n'i fierget ad espleit!" AOL.

285. Passet li jurz, si turnet à la vesprée.
 Franc e paien i fierent des espées.
 Cil sunt vassal ki les oz ajustèrent,
 mais lur enseignes n'i unt mie ubliées.
 5 Li amiralz "Preciuse" ad criée,
 Carles "Munjoie" l'enseigne renumée.
 L'uns conoist l'autre as haltes voiz e cleres;
 enmi le camp ambdoui s'entr'encuntrentent:
 si-s vunt ferir, granz colps s'entredunerent
 10 de lur espiez en lur targes roées;
 fraites les unt desuz cez bucles lées.
 De lur osbercs les pans en desevrerent:
 dedenz cez cors mie ne s'adeserent.
 15 Rumpent cez cengles, e cez seles verserent:
 chéent li rei, à terre s'en turnerent;
 isnelement sur lur piez releverent.
 Mult vassalment unt traites les espées.
 Ceste bataille nen iert mais desturnée:
 seinz hume mort ne pot estre achevée. Aoi.
- 20 286. Mult est vassals Carles de France dulce:
 li amiralz il ne-l crient ne ne dutet.
 Cez lur espées tutes nues i mustrent:
 sur cez escuz mult granz colps s'entredunent,
 trenchent les quirs e cez fuz ki sunt duble;
 25 chéent li clou, se peceient les bucles;
 pois fierent il nud à nud sur lur brunies.
 Des helmes clers li fous en escarbunet.
 Ceste bataille ne pot remaneir unkes,
 jusque li uns sun tort i reconuisset. Aoi.
- 30 287. Dist l'amiralz: "Carles, kar te purpense;
 si pren cunseill que vers mei te repentent.
 Mort as mun filz par le mien esci'entre;
 à mult grant tort mun pais me calenges.
 35 Devien mis hum, en fieu le te voill rendre:
 vien me servir d'ici qu'en Ori'ente."
 Carles respunt: "Mult grant viltet me semblet;
 pais ne amur ne dei à paien rendre.
 Receif la lei que Deus nus apresetet,
 chrestiientet, e pois t' ameraï sempres;
 40 pois, serf e crei le Rei omnipotente."
 Dist Baliganz: "Malvais sermun cumences."
 Pois vunt ferir des espées qu'unt ceintes. Aoi.
288. Li amiralz est mult de grant vertu:
 45 fiert Carlemagne sur l'helme d'acier brun;
 desur la teste li ad frait e fendut;
 met li l'espée sur les chevels menuz,

- prent de la carn grant pleine palme e plus:
 iloc endreit remeint li os tut nuz.
 Carles cancellet, pur poi qu'il n'est caruz,
 mais Deus ne volt qu'il seït morz ne vencuz.
 Seinz Gabriel est repairez à lui;
 si li demandet: "Reis magnes, que fais-tu?" Aoi. 5
289. Quant Carles ot la seinte voiz de l'angle,
 nen ad po'ur ne de murir dutance:
 repairet lui vigur e remembrance.
 Fiert l'amirail de l'espée de France: 10
 l'helme li freint u les gemmes reflambent,
 trenchet la teste pur la cervelle espandre,
 e tut le vis tresqu'en la barbe blanche,
 que mort l'abat seinz nule recuvrance;
 "Munjoie" escriet pur la reconnoissance. 15
 A icest mot venuz i est dux Naimes,
 prent Tencendur, muntet i li reis magnes.
 Païen s'en turnent, ne volt Deus qu'il remainent.
 Or unt Franceis ço que il demandent. Aoi.
290. Païen s'en fuient, cum damnes Deus le volt; 20
 encalcent Franc e l'Emperere avoc.
 Ço dist li reis: "Seignurs, vengiez voz dols:
 si esclargiez voz talenz e voz cors,
 kar hoi matin vus vi plurer des oilz."
 Respundent Franc: "Sire, ço nus estot." 25
 Cascuns i fiert tant granz colps cum il pot;
 poi s'en estorstrent d'icels ki sunt iloc. Aoi.
291. Granz est li calz, si se levet la puldre.
 Païen s'en fuient, e Franceis les anguisent:
 li encalz duret d'ici qu'en Sarraguce. 30
 En sum sa tur muntée est Bramimunde,
 ensembl'od lui si clerc e si canunje
 de false lei, que Deus n'enamat unkes;
 ordres nen unt ne en lur chiefs curunes.
 Quant ele vit Arrabiz si cunfundre, 35
 à voiz escriet: "Aïez nus Mahume!
 E! gentilz reis, ja sunt vencut nostre hume,
 li amiralz ocis à si grant hunte."
 Quant l'ot Marsilies, vers la pareit se turnet,
 pluret des oilz, tute sa chiere enbrunchet, 40
 morz est de dol. Si cum pecchiez l'encumbret,
 L'anme de lui as vifs diables dunet. Aoi.
292. Païen sunt mort, alquant turnet en fuie,
 e Carles ad sa bataille vencue.
 De Sarraguce ad la porte abatue: 45

or seit il bien que n'est mais defendue.
 Prent la citet, sa gent i est venue;
 par poestet icele noit i jurent.
 Fiers est li reis à la barbe canue,
 e Bramimunde les turs li ad rendues:
 les dis sunt granz, les cinquante menues.
 Mult bien espleitet qui damnes Deus aiuret! Aoi.

VII.

LE PSAUTIER D'OXFORD.

Libri Psalmorum versio antiqua gallica. Ed. FR. MICHEL, Oxford 1860. Cf. la *Revue Critique* de 1870—71, 2^e semestre p. 254 ss. Le texte latin selon la Vulgate, ed. C. VERCELLONE, Rome 1862. — Les psaumes 18 et 83 correspondent respectivement au 19^e et au 84^e de la version protestante.

Psalmus I.

Beneurez li huem chi ne alat el
 conseil des feluns, et en la veie des
 10 peccheurs n'estout, et en la chaere de
 pestilence ne sist; mais en la lei de
 nostre Seignur la voluntet de lui, et
 en la sue lei purpenserat par jurn e
 par nuit: et iert ensemement cume le
 15 fust qued est plantet dejuste les de-
 curs des ewes, chi dunrat sun fru[i]t
 en sun tens, et sa feuille ne decurra-
 et tutes les coses que il unques ferat
 serunt fait prospres. Nient eissi li fe-
 20 lun, nient eissi: mais ensemement cume
 la puldre que li venz getet de la face
 de terre. Empur ice ne resurdent li
 felun en juise, ne li pecheur el con-
 seil des dreituriers; kar nostre Sire
 25 cunuist la veie des justes, e le eire
 des feluns perirat.

1. Beatus vir, qui non abiit in
 consilio impiorum, et in via peccato-
 rum non stetit, et in cathedra pesti-
 lentiae non sedit: 2. Sed in lege
 Domini voluntas eius, et in lege eius
 meditabitur die ac nocte. 3. Et erit
 tamquam lignum, quod plantatum est
 secus decursus aquarum, quod fruc-
 tum suum dabit in tempore suo: Et
 folium eius non defluet: et omnia
 quaecumque faciet, prosperabuntur. 4.
 Non sic impii, non sic: sed tamquam
 pulvis, quem proicit ventus a facie
 terrae. 5. Ideo non resurgent impii
 in iudicio: neque peccatores in con-
 cilio iustorum. 6. Quoniam novit
 Dominus viam iustorum: et iter im-
 piorum peribit.

Psalmus VIII.

Sire li nostre Sire, cume mervei-
 lus est le tuen num en tute terre!
 Quar eslevede est la tue grandece sur

2. Domine Dominus noster, quam
 admirabile est nomen tuum in uni-
 versa terra! Quoniam elevata est mag-

les ciels: de la buche de enfanz e de laitanz tu parfesis loenge pur tes enemis, que tu destruies le enem i le vengedur. Quar je verrai tes ciels, les oeuvres de tes deiz, la luna e les esteiles que tu fundas. Quels chose est huem que tu es remembrer de lui? u le filz de hume que tu visites lui? Tu le amenuisas petit meins de angeles, de glorie e de honur le coronas, e si l'establis sur les uevres de tes mains. Tutes choses tu suzmisis suz ses piez, oeiles e tuz bues, ensurquetut les bestes del champ; les oisels del ciel e les peissuns de la mer, chi vunt per les sentes de la mer. Sire li nostre Sire, cume merveilus est le tuen num en tute terre!

nificentia tua, super caelos. **3.** Ex ore infantium et lactentium perfecisti laudem propter inimicos tuos, ut destruas inimicum et ultorem. **4.** Quoniam videbo caelos tuos, opera digitorum tuorum: lunam et stellas, quae tu fundasti. **5.** Quid est homo, quod memor es eius? aut filius hominis, quoniam visitas eum? **6.** Minuisti eum paulominus ab angelis, gloria et honore coronasti eum: **7.** Et constituisti eum super opera manuum tuarum. **8.** Omnia subiecisti sub pedibus eius, oves et boves universas: insuper et pecora campi. **9.** Volucres caeli, et pisces maris, qui perambulabant semitas maris. **10.** Domine Dominus noster, quam admirabile est nomen tuum in universa terra!

Psalmus XVIII.

Li ciel recuntent la glorie Den, e les ovres de ses mains annuncet le firmament; li jurz del jurn forsmet parole, e nuit à nuit demustret science: ne sunt paroles ne sermons de quels ne soient oies les voiz de els; en tute terre eisit le sun de els, e es fins del cercle de la terre les paroles de els. El soleil posat sun tabernacle; e il ensement cume espus eisanz de sa chambre, il s'esleechat sicume gaianz à curre sa veie; del suvrain ciel ses eissemenz, e sun cuntrecurs desque à la suvrainetè de lui, e n'est chi se repunge de sa calur. La lei del Segnur nette, convertanz anemes; le testimonie del Segnur feeil, sapience dunant as petiz. Les justises del Segnur dreitureres, esleechanz les cuers; li cumandemenz del Segnur luisable, enluminanz oilz. La crieme del Segnur sainte, parmaint en secle de secle; les jugemenz del Segnur vcr, justifiez en sei meesme, desirables sur or e pierre mult preciose, e plus dulz sur miel e rée. Kar li tuens sers guardet icels: en garder

2. Caeli enarrant gloriam Dei, et opera manuum eius annunciat firmamentum. **3.** Dies diei eructat verbum, et nox nocti indicat scientiam. **4.** Non sunt loquelaе, neque sermones, quorum non audiantur voces eorum. **5.** In omnem terram exivit sonus eorum: et in fines orbis terrae verba eorum. **6.** In sole posuit tabernaculum suum: et ipse tamquam sponsus procedens de thalamo suo: Exultavit ut gigas ad currendam viam. **7.** A summo caelo egressio eius: Et occursum eius usque ad summum eius: nec est qui se abscondat a calore eius. **8.** Lex Domini immaculata convertens animas: testimonium Domini fidele, sapientiam praestans parvulis. **9.** Iustitiae Domini rectae, laetificantes corda: praeceptum Domini lucidum; illuminans oculos. **10.** Timor Domini sanctus, permanens in saeculum saeculi: iudicia Domini vera, iustificata in semetipsa. **11.** Desiderabilia super aurum et lapidem pretiosum multum: et dulciora super mel et favum. **12.** Etenim servus tuus cu-

els multe retributium. Les forfaiz chi entent? De mes occultes choses neie mei, e de estranges esparne à tun serf. Si il sur mei ne seignurerunt, dunc serai nez e serai munde de tres grant forsfaiz; e ierent que plaisent li parlement de la meie buche, e le purpensement de mun cuer el tun esguardement tutes ures: Sire li miens
10 ajuerre e li miens raachaterre!

stodit ea, in custodiendis illis retributio multa. **13.** Delicta quis inteligit? ab occultis meis munda me: **14.** Et ab alienis parce servo tuo. Si mei non fuerint dominati, tunc immaculatus ero: et emundabor a delicto maximo. **15.** Et erunt ut complaceant eloquia oris mei: et meditatio cordis mei in conspectu tuo semper. Domine adiutor meus, et redemptor meus.

Psalmus LXXXIII.

Cum amé sunt li tuen tabernacle, Sire de vertuz! Coveite e defist la meie aneme es aïtres de nostre Seignur, li miens cuers e la meie car
15 esledecerent el vif Deu. Kar li passer truve à sei maisun, e turtre nid à sei u el reponge ses pulcins: les tuens altels, Sire de vertuz, li miens reis e li miens Deus. Beneuré cil chi habitent en la tue maisun, Sire: en siecles de secles loerunt tei. Beneurez li
20 huem del quel est ajude de tei: munte-menz en sun cuer ordena, en la valedé de lermes, el liu que il posa. Kar benediceuns dunra li porterre de la lei, irunt de vertud en vertud; sera veud li Deus des deus en Syon. Sire Deus de vertuz, exoi la meie oreisun, ot oreilles receif, Deus de Jacob. Li
30 nostre defenderre, esgarde, Deus, e resgarde en la face de tun Crist. Kar mielde est uns jurz en tes aïtres sur milliers; je eslis degez estre en la maisun del mien Deu, plus que
35 habiter es tabernacles des pecchedurs. Kar misericorde e verited aimed Deus, grace e glorie dunra li Sire; ne estrangera de biens icels chi vunt en nunnuisance. Sire de vertuz, beneurez
40 li huem chi espeired en tei.

2. Quam dilecta tabernacula tua Domine virtutum: **3.** Concupiscit, et deficit anima mea in atria Domini. Cor meum, et caro mea exultaverunt in Deum vivum. **4.** Etenim passer invenit sibi domum: et turtur nidum sibi, ubi ponat pullos suos. Altaria tua Domine virtutum: rex meus, et Deus meus. **5.** Beati, qui habitant in domo tua Domine: in saecula saeculorum laudabunt te. **6.** Beatus vir, cuius est auxilium abs te: ascensiones in corde suo disposuit, **7.** In valle lacrymarum in loco, quem posuit. **8.** Etenim benedictionem dabit legislator, ibunt de virtute in virtutem: videbitur Deus deorum in Sion. **9.** Dominus Deus virtutum exaudi orationem meam: auribus percipe Deus Iacob. **10.** Protector noster aspice Deus: et respice in faciem Christi tui: **11.** Quia melior est dies una in atriis tuis, super millia. Elegi abiectus esse in domo Dei mei: magis quam habitare in tabernaculis peccatorum. **12.** Quia misericordiam, et veritatem diligit Deus: gratiam, et gloriam dabit Dominus. **13.** Non privabit bonis eos, qui ambulant in innocentia: Domine virtutum, beatus homo, qui sperat in te.

VIII.

LES QUATRE LIVRES DES ROIS.

Ed. LE ROUX DE LINCY, Paris 1841. — Livre I, chap. 17.

Li Philistien s'assemblerent pur bataille, encuntre cès de Israel; alogierent sei entre Sochot e Azecha ki est en la cuntrée de Domin. Saul e li suen s'assemblerent; e vindrent el val de Terebinte, e ordenerent lur eschielles, pur bataille faire encuntre cels de Philistiim. Li Philistien esturent sur le munt de cha; e ces de Israel esturent sur le munt de là; e entre dous fud li vals. Uns champions merveillus eissi de l'ost as Philistiens. Si l'out engendred un geant de une femme ki fud de Geth; e fud apelez li champions Goliath, e fud de la cyté de Geth. Sis alnes mesurées par le cute, en avant, e plain dur out de halt. Le halme out lacié, e vestud le halberc, od les chalces de fer, e l'escu de araim al col, ki li cuverit les espaldes; li halbercs pesad cinc milie sicles, e le fer de sa lance sis cenx; e la hanste fud grosse e ahuge cume le suble as teissures, e vint si en la place, e sis esquiers alad devant. Vint e escriad vers cels de Israel, si lur dist: "Pur quei estes ci venud e à bataille apareille? Jo sui Philistien, e vus estes de la gent Saul. Eslisez un de vus, e vienge encuntre mei, en bataille, sul à sul. S'il me put cunquerre, e rendre recreant, nus Philistiens vus serrums dès ore servant; e si jo-l puis cunquerre e ocire, vus seicz à nus serfs e obeissanz." Encore dist plus danz Goliath: "Ço sui jo ki ai ni ramponed e attarjé l'ost de Israel. Querez, querez aucun de vus ki encuntre mei entre en champ." Ces paroles oïd Saul e tuz ces de Israel; pour en ovrent grant, e mult furent esbai.

Uns pruduems mest en Bethleem; Ysai out num, peres fud David de qui devant partie est tuchié, e out uit fiz. E cist Ysai al tens Saul fud de grant eage. E ses treis einznez fiz furent alez, od le rei, en l'ost, e de ces li einznez out nun Eliab, li secundz Aminadab, e li tierz Semmaa. David esteit li mendres. E returnad de Saul à maisun, en Bethleem pur les berbiz garder, quand ses freres durent en l'ost aler. Goliath par quarante jurs, le matin e le vespre, à l'ost de Israel vint, e returnad; e l'ost forment atarjad. A un jur Ysai apelad David sun fiz, si li dist: "Receif ci treis muis de flur, à l'oes tes freres, e cest pain, e va delivrement en l'ost. E ces furmages presenteras al cunestable; e enquer cument tes freres le facent, e od quels il seient encumpaignié, en l'ost." David, le fulc qu'il out en garde, à altre cumandad, e si cume sis peres l'out cumandé, à l'ost s'en alad. Saul lores e li fiz Israel el val de Terebinte tindrent les esturs encuntre ces de Philistiim. E David vint à Magala, en l'ost ki aprestez se fud à bataille; e ja fud la noise levé e li criz; kar Israel out ordené ses eschielles de une part, e li Philistien de altre part. Cum ço oïd David, la u li herneis fud laisad ço qu'il portad, curut à la bataille e se bien esteust à ses freres demandad. Si cume David nuvels demandad, estes-vus Goliath ki en vint de l'ost as Philistiens, e si cume einz l'out fait, devant David parlad. Mais ces de Israel, tant tost cum il le virent, de pour s'en fuirent. Fist un de ces de Israel à David: "As tu veu cest merveillus champion ki ci vient? il vient pur nus attarjer e escharnir; e à celui ki ocire le purrad, li reis sa fille od grant richeise durrad, e la meisun sun pere de treud quite

clamerad." Dist David à ces ki esturent od lui: "Que durreit l'um à celui ki cest Philistien ocireit, e la repruce de Israel en ostereit? Ki est cest ord paltunier ki fait tels repruces à la gent Deu?" E li poples recuntad que li reis ço e ço durreit à celui ki l'ocireit. Cume ço oïd li einznez frere

5 David Heliab, que il od le pople si parlad, forment à David se curuçad, si li dist: "Pur quei es ici venuz e pur quei as guerpi ces poi de uweilles al desert? Bien cunuis l'orguil e la felenie de tun quer, kar pur veer la bataille i venis." Respundi David: "Que ai fait? n'i ad parole dunt te estuce curecher, ne mei si encreper." Turnad s'en d'iloc David, e parlad si cume

10 il out devant parled. E l'um li respundi e dist que li reis à celui freit ki à Golie se cumbatereit. Tant parlad David ke la parole vint devant le rei. Fud mandez e vint devant le rei, si li dist: "Ne s'esmaït nuls pur cest campiun; jo ki sui tis serfs, m'i cumbaterai, e od l'aïe Deu, chalt pas le materai. E le pople Deu, par la mort del felun, vengerai." Respundi Saul:

15 "Ne te poz pas à lui cupler, kar tu es vadlez, e il est un merveillus bers de sa bachelerie, à bataille ausez." Respundi David: "Pasturel ai esté del fulc mun pere; quant liun u urs al fulc veneit e ma beste perneit, erramment le pursewi e la preie toli; par la joue les pris, e retinc, e ocis. E cist Philistiens iert cume uns de ces. E ore baldement encuntre lui irrai,

20 e le repruce de Israel en osterai. Nostre Sires ki del liun e de l'urs me delivrad, del fort Philistien mult bien me guarrad." Respundi Saul: "Va, e Deu seit od tei." E Saul de ces demeines vestemenz fist David revestir, le helme lascier e le halbert vestir. Cume il out la spée ceinte, alad e asaïad s'il se poust cumbatre si armez, kar ne fud pas à tels armes acustumez.

25 Aparceut se David qu'il ne poust à ahaise les armes porter, si-s ostad. Prist sun bastun al puin, e sa funde; e eslist cinc beles pierres de la riviere, si-s mist en sun vaïssel u il soleit ses berbiz mulger, e entrad en champ encuntre le Philistien. Goliath vint vers David petit pas, e bien l'apruçad; e sis esquiers devant lui alad. E cume il de pres vit David, en sun quer le

30 despist. E fud li juvencels russaz, mais mult esteit de bel semblant. Dist li Philistiens à David: "Cument! sui jo chiens encuntre ki deiz si od bastun venir?" Maldist David de tuz ses deus. Si li dist: "Vien, vien plus pres de mei, e jo durrai tun cors à devorer à bestes e à oisels." Respundi David: "Tu vienz encuntre mei od espée, à lance, e à escu; e jo vienc encuntre tei al

35 num Deu ki sires est de l'ost de Israel, ki tu as escharni e gabé; e Deus te rendrad en mes mains; si t'ocirai e le chief te colperai, e la charuigne de ces de vostre ost à oisels e as bestes durrai, que tute terre sache que li Sires est Deu de Israel, e veient ces ki sunt assemblé que par espée ne par lance ne fait Deus salveté. Sue est la bataille e à noz mains vus liverad." Cume

40 Golias vers David apruçad, David curut encuntre, e si se hastad. Une pierre de là u il l'out reposté sachad, mist la en la funde, e entur la turnad; jetad la pierre, à dreit mes l'asenad; hurtad al frunt, e jesqu'al cervel esfundrad. Del colp chancelad li gluz, e vers terre s'abaïssad. David salt à l'espée Golie, nient ne targad; de s'espée meime le chief li colpad. Cume

45 ço virent li Philistien que morz fud lur campiun, turnerent à fuie. E ces de Israel e de Juda leverent un cri, e fierement enchalcerent les Philistiens, jesque al val, e jesque as portes de Accaron. Ocistrent, al jur, trente milie des Philistiens, e altretant en furent nafrez, si que seisante milie des Philistiens en furent que morz que blesciez. Li fiz Israel retournerent de l'enchalz, e

vindrent là u li Philistien se furent devant alogié. D'ïço k'il i truverent, ço que lur plout prisdrent e enporterent. A l'ure que Saul vit David en champ, encuntre Goliath cumbatant, enquist de Abner, ki cunestable fud de la chevalerie Saul, ki e de quel lignage il fust. Abner respondi: "Si veirement cume tu vifs, jo ne-l sai." Pur ço cumandad li reis que l'um enqueist 5 ki fust sis peres, e ki il fust. Puis que David out ocis Goliath e returnad, Abner honoréement le receut e devant le rei le menad; e David le chief Goliath entre ses mains portad. Dist Saul à David: "De quel lignage es tu, sire bachelier?" Respondi David: "Fiz sui Ysai de Bethleem, ki est tis huem."

IX.

JOURDAINS DE BLAIVIES.

Amis et Amiles und Jourdain de Blaivies, zum ersten Male herausgegeben von Dr. CONRAD HOFMANN. Erlangen 1852. V. 459—708. — Renier et sa femme, jetés dans un cachot pour n'avoir pas voulu livrer à l'usurpateur Fromont le jeune Jourdain, débâtèrent des moyens de se tirer de leur mauvaise situation tout en sauvant la vie à celui-ci.

Reniers parole; à Eremborc a dit:
"Car faisons pais por nos vîes garir
de ceste chartre, où à tort sommez mis."
Oit le la damme, touz li sans li fremi,
tenrement plore des biaux iex de son
vis.

"Sire, fait elle, que est ce que tu dis?
quel pansée as, frans chevaliers gentiz?
Se c'est à certez que tu as ici dit,
trop iez forfaiz et de Deu departis,
ne venras mais en cort ne en païs
que tu ne soiez monstrez comme chai-
tis;

si diront tuit, li grant et li petit:
"Veez celui qui son seignor trait
"et por paor le randit de morir."
Et, quant tout ce sera mis en oubli,
si revenra li grans jors dou joïs,
là seront tuit li traïtor muti
ne parleroient portout l'or que Dex fist;
là n'a mestier ne li vairs ne li gris,
prevos ne maires ne argens ne or fins.
Molt iert buer nes qui avra paradis.
Je sai tel chose, sel voliez souffrir,
par quoi porriens eschaper et garir
de ceste chartre où à tort sommez mis."

Et dist Reniers; "O'il, se Dex m'ait! 10
Soz ciel n'a chose que mes cors n'en
feïst
fors seulement Dameldeu relenquir."
Respond la damme: "Or avez voz bien
dit.

Por no seignor delivronz nostre fil:
onques Fromons ne sa gens ne le vit, 15
et d'un aé et d'un samblant sont il;
se li feroz acroire que c'est il,
bien le croira li traïtres faillis."
Reniers l'entent, touz li sans li fuit:
"Dex, dist il, peres qui en la crois
fus mis 20

et en la virge et char et sanc preïz,
quant tu fuz nes, touz li mons s'es-
joïst!

Fu onques peres qui son anfant traïst
ne por paor de morir le randist?
Et nonporquant il avenra ainsiz, 25
je le ferai tout à vostre plaisir,
que prouz iestez et saïge."

Ce dist la dame: "Sire Renier chael-
les,
por Deu voz proi le gloriouz celestre,

.v. dammes treuve de molt grant
seingnorie,
toutes gentiz et de molt franche orinne,
qui les anfans ambes douz i norissent.
Celles la voient, encontre li saillirent:
"Qu'avez voz, damme, ne-l noz celez
voz mie."

Et dist la damme: "Je suis molt mal-
baillie.

Li fiz Girart por le mien iert delivres;
ge-l liverrai à Fromont le traître,
si l'ocirra à s'espée forbie,
le fil Girart cuidera il ocirre.

Mais or voz proi por Deu le fil Marie,
por gueredon et par riche service,
que voz ne-l ditez à nul home qui vive;
ansoiz diroiz par trestoute la ville
que je enport mon filleul le nobile."
Celles l'otroient, mais à envis le firent;
iluec li ont toutes lor fois plevies
que ne-l diront à nul home qui vive.
Molt font grant duel descî que à complie.
Cil jors trespasse, si revint l'anuitie;
la gentiz damme ne s'asse-ura mie,
appareillier a fait sa compaignie,
à mie nuit issent fors de la ville,
son fil emporte el pan de son herminne.
Quant vint à Blaivies, si fu hore de
prime;

elle descent au perron soz l'olive,
Fromons la voit, si l'a à raison mise:
"Avez le fil Girart? car le me ditez."
— "O'il voir, sire; si n'a mort desservie."
Adont li livre au perron souz l'olive.
Cil le resoit, cui Dammeldex maudie,
de nulle chose n'avoit il tel envie;
lors li descuevre le vis et la poitrine:
li fiz Renier li commensa à rire,
que rien ne seit encor de felonnie
ne connoist felon home.

"Moult iez biax anfes, dist Fromons
li cuivers,
se tu vesquisses, moult par fusses
apers;
ne place à Deu que ja teingnes chastel,
donjon ne ville ne cité ne recet.
Non feraz tu, par le cors S. Marcel;
à ceste espée, dont tranchent li coutel,

morras demain voiant maint dammoi-
sel."

A ces paroles sont venu li dui serf:
"Sire, font il, avez voz le donzel?
Randez le noz, n'en irons mais aprez,
noz le ferons enz el cuer d'un coutel 5
qu'escharni n'en soiommez."

Or a Fromons l'anfant que il plus het,
droit à la chartre l'a à Renier porté,
laienz lor donne, sà defors est remez,
il les apelle par moult grans faussetez: 10

"Sire Renier, moult voz ai dur trouvé,
au daerriens avez fait tout mon gré,
car pleüst Deu, qui en crois fu penez,
voz seussiez mon cuer et mon panser:
cest dammoisel me volsissiez tuer, 15
or et argent voz donroie à plenté
et bors et villes et chastiax et citez."
Et dist Reniers: "N'en ai pas volentez,
je ne-l feroie por les membres coper."
Et dist la damme: "Un respit noz 20
donnez,

jusqu'au matin en seronz porpansé
que noz en voldrons faire."

Fromons s'en torne, s'a la chartre
guerpie,
Gautiers les garde, uns cuivers, uns
traîtres,

et bien .c. home as espées forbies. 25
Reniers remest et sa fame qui crie,
lor fil regretent à basse vois serie,
que ne l'ocissent la pute gent haïe.
"Biaus fiz Garnier, dist la damme
nobile,

la chars ton pere por la toie iert de- 30
livre;

la moie, lasse! an est moult corroucie.
La mort avraz, si ne l'as deservie,
ja ne verras, biax fiz, demain complie,
car tu perdras la teste.

"Biaus fiz Garnier, mar voz vi on- 35
ques né,

mar voz portai .ix. mois en mon costel,
onques mais anfes ne fu tant desirrez.
Or revenront cil biau jor en esté
que m'en irai desor ces murs ester:

ces dammoisiax verrai de ton aé
 par devant moi et venir et aler,
 à la quintainne et à l'escu joster
 et corre as barres et luitier et verser;
 5 lors referai si mon cuer replorer,
 molt m'esmerveil se ne l'estuet crever.
 Ja ne verras demain midi passer,
 molt puis iestre dolante!"

Au matinnet, quant jors fu esclairez,
 10 sonnent matinnes par trestouz ces
 monstiers,
 chantent cil clerc moult tres haut et
 moult bien.

"Dex, dist la damme, voirs glori'oz
 dou ciel,
 tant me soloient ces grans nuis anuier:
 ceste m'est, lasse! et si corte et si briés.
 15 Dex, com mal font cil prestre et cil
 cloistrier
 qui si main chantent, la nuit welent
 changier.
 Biaux fiz Garnier, molt voz vient
 aprochier
 la vostre mors, se'n ai mon cuer irié.
 Ja ne verrez demain soleil couchier,
 20 que voz perdrez la teste."

Va s'an la nuis, li jors fu biaux et clers;
 li fel Fromons fu vestus et parez,
 ses .ii. sers mande, à lui en sont alé.
 "Seignor, fait il, entendez mon panser:

li fiz Girart de'ust iestre tuez,
 s'iert finée la guerre.

"Seignor, dist il, or oiez mon avis:
 li fiz Girart de'ust or iestre ocis;
 se il vit longues, il iert nostre annemis."
 Et cil respondent: "Verité avez dit."
 .iiii. serjant montarent dou paris,
 jusqu'an la chartre ne prinrent on-
 ques fin;

Renier en gietent, qui à tort i fu mis,
 et sa moillier Eremborc au cler vis.
 Droit à Fromont viennent tuit ademis,
 l'anfant li livrent au perron où il sist.
 Là ot assez des barons dou paris
 qui tuit li crient por amor Deu merci:
 "Sire Fromont, frans chevaliers gentiz,
 dou fil Girart car en aiez merci;
 mait le as laitres por Deu qui ne menti,
 si proiera adès, sire, por ti."

Li fel l'entent, onques ne respondi;
 ainz trait l'espée, par vigor le feri,
 le chief li tranche, à la terre charit.
 Lors en pasmerent iluecques plus de
 mil;

au redrescier virent le ciel ouvrir
 et les sains angres et aler et venir,
 qui l'arme en portent dou dammoisel
 gentil,
 et Dex la mist en son saint paradis:
 moult bien doit iestre sauve.

X.

RENAUS DE MONTAUBAN.

Pages 123 (dernier vers) — 134 de l'édition de M. H. MICHELANT, Stuttgart 1862.

25 Charles, nostre empereres, a fait ses os hucier:
 à Paris, sos Montmartre, delès Saine, el gravier,
 viengnent tot li baron, chascuns sor son destrier;
 Charles volra ve'oir trestot le plus legier,
 au cors metra li rois sa corone d'ormier

et .cccc. mars d'or et maint bon paile chier.
 Or s'en vont li baron, mis sunt el repairier.
 .i. mesages s'en torne, qui le cors ot legier:
 de Paris s'en issi, ne se vost atargier
 et trespasse les terres sor son corant destrier. 5
 A Orlens passe Loire à .i. batel legier,
 unques ne trespasse tant qu'il vint à Poitier:
 cele nuit i remest desi à l'esclairier.
 Au matin est montés, si pense d'exploitier
 et trespasse Poitau, le grant paris plenier; 10
 desi à Montauban ne se vost relaisier.
 Au chastel est venus tot droit à l'anuitier,
 parmi la maistre porte entra ens sens targier;
 encui fera Renaut tot le sens formoier.

Or est li mesagers en Montauban entrés 15
 et descent au perron, desous le pin ramés;
 tous les degrés de marbre est el paleis montés.
 Renaus le voit venir, si est encontre alés,
 Aallars et Guichars et Richars li senés.
 Molt fu bien li mesages baisiés et acolés; 20
 Renaus li demanda: "Amis, et dont venés?"
 — "Sire, devers Paris u li rois est remés.
 Tel chose i ai oïe dont forment sui irés."
 — "Amis, dites le moi, gardés ne-l me celés."
 — "Sires, dist li mesages, après main le saurés. 25
 L'emperere de France a merueilleus pensés.
 Il a .i. sien neveu qui mult est alossés,
 valet de prime barbe: l'autrier fu adobés.
 Saines et la lor gent a tos desbaretés,
 et li rois Escorfaus est en prison jetés; 30
 jamais n'en istra fors, s'il [n]est crestianés
 et trestous ses barnages en fons regenerés.
 Il a à non Rollant, ensi est apelés.
 Karles fait .i. cors faire; li jors est devisés,
 à feste saint Jehan est li cors creantés. 35
 Li barnage de France i sera asamblés.
 Dex! tant rices destriers i avra amenés!
 Li rois i met tresor, ja si grant ne verrés:
 .cccc. mars d'or fin et .c. pailles roés
 et sa riche corone dont il fu coronés. 40
 Cil qui le cors vaincra, l'avoirs li est livrés;
 ja n'en perdra por home .ii. deniers moneés."
 Quant Renaus l'entendi, si en a ris assés;
 Maugis en apela: "Biaus cousins, ça venés,
 tous seus irai au cors, se vos le me loés." 45
 — "Sire, ce dist Maugis, se vos plaist, non ferés,
 ains menrois owec vos .c. chevaliers armés;
 se reconus i estes, miels vos en aiderés."

- "Volentiers, dist li dus, quant vos le me loés."
 A icele foie est si li plais [dont] remés;
 la nuis est revenue et li jors trespasés.
 Cele nuit s'est Renaus richement conreés,
 5 par tans se vait coucher, au matin est levés;
 tres k'à .c. chevaliers a Amaugis mandés,
 et, quant il sunt venu, s-es a araisonés:
 "Baron, prenés les armes et si vos adobés;
 en cel autre païs avec nos en vendrés."
 10 Et cil li respondirent: "Si com vos comandés."
 Maugis a comandé que Bondins fu sonés,
 et il si fu molt tost et sor la tor portés.
 Li baron s'aprestèrent, es-les-vos tos montés.
 Renaus vint à la dame de cui il fu amés,
 15 doucement l'embraça par endeux les costés:
 la contesse le baise par mult grans amistés.
 "Dame, ce dist Renaus, cest chastel me gardés
 à .v.c. chevaliers, que à vos retenrés.
 Gardés que n'i entre hom qui de mere soit nés,
 20 fors le roi Yon vo freres, qui de nos est amés;
 nus autres hom n'i entre, por coi il soit armés,
 jusques à icele eure que vos me raverés."
 — "Sire, ce dist la dame, si com vos comandés;
 à dame Deu de gloire soiés vos comandés."
 25 Adonques s'est Renaus de sa moilliers tornés,
 et Maugis le conduit qui fu preus et senés.
 Se rois Yus le se-ust, il n'i fust ja alés.
 .c. chevaliers enmaine del mieux emparentés.
 Or les conduie Dex qui en crois fu penés.
- 30 Vont s'en li fil Aymon, ne se vellent targier;
 bien sont en lor compaignie jusqu'à .c. chevalier.
 Ainc en toute la route n'ot ronci ne somier,
 il n'i avoit garçon qui ne maint bon destrier.
 Et trespasent les terres et le païs plenier,
 35 à Orlens parmi Loire se font outre nagier.
 Cil del païs demandent: "Qui sont cist chevalier?"
 — "Seignor, ce dist Maugis, nos somes sodoier,
 si alons à Paris nos chevaus essaier:
 Charles, nostre empereres, i a fait cours hucier,
 40 li rois i a fait metre sa corone d'ormier
 et .cccc. mars d'or, .c. pailles qui sunt chier.
 Nos i alomes tot, qu'i volons gaaignier."
 Et cil li respondirent: "N'aiés soing de targier,
 que s'à tans i venés, vos estuet exploitier:
 45 n'a que .viii. jors de terme, si vos covient coitier;
 vos chevaus covendra sejourner et saignier,
 quant ce vendra au cours, qu'il soient plus legier.
 Dont s'en vont li baron, si laissent le plaidier,

il entrent en la voie, pensent de l'exploitier.
 Desous Montleery avoit .i. brueil plenier,
 là entrent li baron por lor cors à aisier;
 vitaille lor aportent sergent et escuier,
 et Maugis li cortois les sot bien porchacier;
 assés lor a trové quanqu'il orent mestier.

5

Ce fu el mois de mai, à l'entrée d'esté,
 que foillissent cil bos et verdoient li pre
 li fil Aymon estoient dedans le bos ramé;
 or est li jors venus que tant ont désiré,
 li soleus est levés qui giete grant clarté.
 Renaus en a Maugis son cousin apelé:
 "Biaus niès, ce dist li quens, qu'en avez enpensé?
 Demain sera li cors, je-l sai de verité;
 anuit irai gesir à Paris, la cité."

10

15

— "Sire, ce dist Maugis, mult avés bien parlé."
 D'une part del vergier l'en a Renaut mené.
 Maugis ot pris une herbe, qui mult ot grant bonté:
 au pont del branc d'acier a l'erbe pestelé,
 d'ewe froide et de vin l'a molt bien destempré,
 puis en a Baiart ters le pis et le costé,
 dont fu Baiars plus blans que n'est flors en esté.
 Puis en a oint Renaut; es-le-vos tot mué,
 en l'aé de .xv. ans ainsi l'a figuré.

20

25

As barons le ramaine et si lor a mostré.
 "Baron, ce dist Maugis, dites votre pensé:
 porra cist revenir ains c'on l'ait ravisé?
 Esgardés de Baiart com je l'ai atorné."
 Quant li baron le voient, s'en ont Deu mercié.
 Renaus monte en Baiart que il a tant amé,
 et Maugis sor le noir qui mult avoit bonté.
 Renaus baise son frere; mais chascuns a ploré,
 car il va en en tel liu u est cueillis en hé:
 se Karles le savoit, le chief aroit copé.

30

35

Del vergier sunt issu, s'unt congié demandé,
 et li frere lor ont tot en plorant doné:
 à Deu en ont Renaut et Maugis comandé.
 Ambedui li baron sunt el chemin entré
 et trespasent les terres, si ont si bien erré
 k'à cel soir sunt venu à Paris, la cité;
 parmi la maistre porte sunt en la vile entré.

40

El viès marchié se sunt povrement ostelé
 chiés .i. cordoanier, qui tant ot mal pensé.
 Par lui furent li conte cele nuit ravisé:
 si dame Dex n'en pense par la siue bonté,
 embedui li baron seront Karlon livré;
 mal iert baillis Renaus, se Dex n'en a pité,
 ne-l verront mais si frere qui sunt el bos ramé.

45

- Maugis a fait un lien, si l'ot bien acesmé,
 par desos le fillon l'a à Baiart noé,
 et puis a fait .i. lit, mult l'a bien acesmé,
 Renaut, le fil Aymon, i a couchié soué.
- 5 Li ostes l'esgarda, si li a demandé:
 "Quel est cist chevaliers? ne me soit pas celé.
 S'il e'ust plus d'aage, bien l'e'usse avisé;
 bien resamble Renaut, fil Aymon le barbé.
 Por ke avés issi cel cheval atorné?"
- 10 — "Sire, ce dist Maugis, dirai vos verité:
 cest cheval weil destraindre, trop le voi desreé;
 li valès est mis enfes et si l'ai engendré,
 il nen a encor gaires que je l'ai adobé.
 Par la foi que vos doi, point ne vos ai fausé."
- 15 Et respondi li ostes: "Bien vos ai escouté."
 O'es com fait pechié a Maugis encombré:
 puis ne demora gaires qu'il a Renaut nomé.
 "Ahi, ce dist li ostes, com le m'avés celé!
 Por voir ce est Renaus, je-l sai de verité,
 20 ki Bertolai ocist à l'eschekier quaré.
 Ja mais ne finerai, si iert le roi conté."
 Quant Renaus l'entendi, tot a le sanc mué,
 il est saillis del lit, si a son branc coubré,
 venus est à son oste, si l'a araisoné:
- 25 "Ostes, ce dist Renaus, mult avés fol pensé;
 je ne vi ainc celui en trestot mon aé."
 — "Taisiés, ce dist li ostes, bien vos ai ravisé,
 par mon chief c'este[s] vos; plus n'i serés celé."
 Autresi s'en torna, com ait le sens dervé;
- 30 ja montast del palais contremont le degré,
 si le desist Karlon, le fort roi coroné,
 quant Renaus, li cortois, trait le branc acéré:
 si en a feru l'oste un cop desmesuré,
 del chief jusqu'el braier l'a fendu et copé.
- 35 Quant es Maugis le voit, s'en a le cuer iré:
 "K'as tu fait, vis di'ables? as tu le sens dervé?
 Se dame Dex n'en pense, mal somes encombré,
 ja mais n'eschaperons de Paris la cité."
 Adonc li a Maugis son cheval amené,
 40 et Renaus i monta par son estrier doré;
 Maugis monta el noir, ne s'est plus aresté.
 Et cil de la maison ont maintenant crié,
 molt fu grande la noise par Paris la cité.
 Owec les autres princes sunt li baron melle;
- 45 Baiars s'en va clochant, bien resamble afolé.
 Cele nuit furent il povrement ostelé;
 el porche del mostier saint Martin l'onoré
 jurent andui li prince, tant qu'il fu ajorné.
 Le jor virent venir, li solaus fu levé,

cist chevalier se levent contreval la cité.
 Li rois a le servisse par bon cuer escouté,
 puis en a apelé Sanson et Othoé:
 "Alés desous Monmartre, de desous Saine, el pré;
 si portés ma corone à fin or esmeré, 5
 .cccc. mars d'or fin, ensi est devisé,
 et ovec seront mis .c. bon paille roé."
 Et cil li respondirent: "A vostre volenté."
 Tost et isnellement s'en sunt d'illuec torné,
 la corone enporterent, qui getoit grant clarté; 10
 par desor .i. estache ont .i. paille geté,
 sus mistrent la corone et l'or qu'il ont porté,
 et li .c. paille furent galaci'en fresé.
 Donc sunt aval Paris cil chevalier monté;
 là veissiez le jor maint destrier amené, 15
 sor et noir et baucent, ferrant et pomelé.
 Et Renaus et Maugis en sunt au cors alé,
 he Dex! com il i furent celui jor regardé;
 et Baiars va clochant, qui le piet ot noé.
 L'emperere de France a Naimlon apelé 20
 et Ogier le Danois, Huidelon le barbé:
 "Prenez .c. chevaliers qui soient conréé,
 si garderont le cors par si grant loiauté
 que il n'i ait tort fait ne nul estor meslé."
 Et cil li respondirent: "A vostre volenté." 25
 Cil ki furent à cort ont Renaut esgardé;
 Baiart virent clochant, si l'ont assés gabé:
 "Cil conquerra encui, font il, le vif malfé.
 Amis, avés vos ci vo ceval amené?
 Vos vaincrois bien le cors, se Dex l'a destiné." 30
 — "Segnor, ce dist li rois, trop en avés parlé;
 gardés que par ramprones n'i ait mais mot soné."
 Mais de ce ot Renaus auques le cuer sené,
 que de quan que il dirent no lor a mot soné.

Li jors fu biax et clers et la ravine grant. 35
 Cil ki gardent le cors se vont haut escriant:
 "Baron, et car montés; q'alés vos tant tarjant?
 se il en vont sans vos, blasme en avrons mult grant.
 Karles en velt ve'ir trestot le plus corant."
 Et Renaus est remés le trait à .i. serjant, 40
 et, quant Maugis le voit, si descent maintenant,
 le destre pié Baiart deslia par devant.
 "Baiart, ce dist Renaus, trop nos alons tarjant;
 se cil i vont sans nos, blasme i averons grant,
 reprovés vos sera à trestot vo vivant." 45
 Baiars o'it Renaut, si va le cief dreçant,
 ensement l'entendi com mere son enfant;
 il fronce des narines, le cief vait escoant.

- Renaus lache les regnes, Baiars s'en va bruiant,
 tot à col estendu le terre porprennant;
 en trois arpens de terre en a trespasé tant
 que trestot le plus cointe se tient por recreant.
 5 Mult se sunt merveillié cil ki vont esgardant,
 et dit li uns à l'autre: "Franc chevalier vallant,
 veés del blanc ceval que al'ons gabant:
 certes, il n'a si bon en cest siecle vivant."
 L'emperere en apele Amire le normant:
 10 "Esgardés, dist li rois, por Deu le roiamant.
 Veistes mes ensamble tant bon ceval corant?
 Un en vi or partir, des autres eslaissant;
 pres resamble Baiart, mais cil va blançoiant,
 et cil ki le conduit samble preu et vallant.
 15 Cis cevax est mult bons, ves com va rondonant;
 je le vaurrai doner à mon neveu Rollant."
 Atant es-vos Renaus, mult tost esporonant,
 venus est à l'estace u-sunt li convenant:
 sor le col de Baiart s'abaissa enclinant
 20 et saisist le corone de fin or reluisant,
 devant lui l'enleva desus son auferant;
 unques de l'autre avoir ne bailla .i. besant.
 L'emperere l'apiele, si li dist en oiant:
 "Amis, tirés vo riene, je vos pri et commant.
 25 De ma corone avoir ferai vostre creant,
 et de cel bon destrier vos donrai avoir tant,
 ja ne serois mais povre en trestot vo vivant."
 — "Par Deu, ce dist Renaus, cis plais ne valt .i. gant;
 ne sai mais que jo di'e, quant vos voi marceant.
 30 Esgardé m'i avez et tenu por enfant.
 Oistes ains parler de Renaut le vaillant,
 le fix au viel Aymon ki le poil a ferrant,
 qui vos barons a mors et fait de l'anui tant?
 Par mon cief, ce sui jo; qu'iroie jo celant?
 35 Querirés vos ceval por doner à Rollant
 que Baiart pe-ust faire vencu et recreant?
 Par mon cief, ce n'iert ja en trestot mon vivant.
 J'enport vostre corone d'or fin arabiant,
 ja mais jor de vo vie n'en ferois vo commant."
 40 Quant l'entent l'emperere, s'ot le cuer mult dolent,
 que ne deïst .i. mot por tot l'or de Guisant.
- Dolens fu l'emperere, n'i ot que corecier,
 quant il ot le novele de Renaut le guerier.
 A haute vois s'escrive: "Or apriès, chevalier;
 45 mais ci ne voi ceval dont le puist encaucier."
 Après Renaut s'eslaissent le grant cemin plenier,
 et li autre soentre plus de .xv. millier.
 Li destrier auferrant font lever le poldrier,

li jors ki clers estoit ont tot fait ombroier.
 Et Renaus vient à Seine, si se fiert el gravier,
 tant noa li cevax qu'il se pot essuier;
 autre fois l'ot passé por un grant destorbier,
 l'autre part descendi ens en .i. pre plenier. 5
 Karles vint à la rive, si li prist à hucier,
 Renaut a apellé à loi de chevalier:
 "Car me rent ma corone, mult i pues gaaignier;
 .x. fois sera pesée en argent et ormier,
 et si te donrai trives jusqu'à un an entier. 10
 Bien poras à Dordone, se tu vels, repairier
 et Aymon ton cier pere acoler et baisier
 dame Aie, vostre mere, qui a grant desirier.
 N'avera en ma tiere si hardi chevalier
 qui ja t'ost rien mesfaire, por les membres trencier." 15
 — "Par Deu, ce dist Renaus, cis plais n'i a mestier:
 de l'or seront loé mi jantil chevalier;
 l'escarboucle metrai en mon palais plenier,
 si verra-l on de loin tres bien refflamboier,
 cil k'iront à saint Jake por dame Deu proier, 20
 al no'el et as pasques, quant on doit cortoyer.
 Là vos reproveront serjant et escuier
 que vos l'avez perdue por cevax gaaignier."
 Quant l'entent l'emperere, n'i ot que corocier;
 il ne desist un mot, por les menbres trencier. 25
 Et Renaus remonta sor Baiart le corsier,
 le grant cemin laisa, si s'en va .i. sentier.
 De Maugi vos dirai, com se pot exploitier.
 Il sist desus Moriel qui mult fait à proisier,
 es rues de Paris se prist à eslaissier, 30
 parmi les maistres portes s'en vait tot .i. sentier;
 entresci c'à Campiaus ne se volt atargier
 et garda desor destre, vit Renaut aprocier;
 à sa vois qu'il ot clere commença à hucier:
 "Cosin, ce dist Maugis, pensés de l'exploitier, 35
 par ici demorer ne poons gaaignier."
 — "Certes, ce dist Renaus, bien fait à otroier."
 Droit vers Monleery pensent de l'exploitier.
 Guichars et Richars erent desos un olivier
 et gardent devant els parmi .i. pui plenier 40
 et voient endroit els les contes aproism[i]er;
 Aallart, lor aisé, pristrent à araisnier:
 "Frere, bien nos devons, dist Guichars, desbucier:
 par le mien enciente, ce sunt li chevalier
 qui viennent de Paris, del cors grant et plenier." 45
 — "He Dex! dist Aallars, ki le mont dois jugier,
 ja voi jo là Renaut et Aumaugis le fier:
 ne sai se l'on les cace, mais n'ont soing d'atargier.
 Montés, cascuns de vos sor son corant destrier;

- s'il ont mestier de nos, si lor irons aidier."
 A icestes paroles se vont apareillier,
 cascuns vest en son dos son bon auberc doblrier
 et mistrent en lor ciès lor ver[s] haumes d'acier
 5 et çaignent lor espées à lor flans senestrier;
 puis est cascuns montés sor le corant destrier
 et ont pris lor espiel as hantes de pumier:
 ja socorront Renaut, se il en a mestier.
 Atant es le baron, si commence à hucier:
 10 "Barons, alés vos ent, pensés de l'exploitier,
 savoir s'à Montalban poriens repairier.
 Veés ci la corone Karlemaine, au vis fier;
 tenés vo droit chemin, n'aiés soing d'atargier.
 Jo enport la corone, se Dex m'en velt aidier
 15 et il me velt sauver Baiart, mon bon destrier."
 Quant l'entent Aallars, si le cort enbrachier;
 .iiii. fois le baisa, ains qu'il vosist laissier.
 "Frere, dist Aallars, Dex te gart d'encombrier!"
 Baiars estoit plus blans que n'est flors d'olivier,
 20 et li Maugis ert noirs com more de morier.
 Li uns aloit lés l'autre, serrer font et rengier;
 lors s'aroutent ensamble, si sunt mis au frapier
 et trespasent les teres, boscages et rivier:
 entresci à Orlens ne se voldrent targier,
 25 venu en sont à Loire, outre se font nagier.
 Or se painent li conte forment del cevaucier,
 et Maugis les conduist ki bons est latimiers:
 jusques ens à Poitier ne volt resne sacier.
 Celé nuit herbergierent ciés lor oste Gautier;
 30 à plenté lor dona à boire et à mangier.
 Au matin se leverent, quant virent esclairier.
 Les journées k'i fisent ne vos sai aointier;
 viennent au Montalban le soir, à l'anuitier.
- Or sunt li fil Aymon au Montalban venu;
 35 Renaus descent à pié desoz .i. pin ramu.
 Contre lui sunt alé si ami et si dru;
 quant il virent Renaut, grant joie en ont e'u,
 il li ont demandé com li est avenu.
 "Signor, fait il mult bien, merci le roi Jhesu;
 40 mais moi et Amaugis fumes recone'u.
 Trair nos volt nos ostes, ja n'ait s'arme salu!
 Mais de m'espée en a un tel cop rece'u;
 apriès fumes mult tost de son ostel issu,
 ens el mi sa maison le laissai estendu.
 45 En la presse en entrames del pule qu'iluec fu;
 en un mostier jeumes ens en un arc volsu,
 ilueques nos sesimes tant que li jors clers fu.
 Au matin remontai sor Baiart le crenu

et venimes au cors por qu'esti'ons me'u.
 Assés m'i ont gabé li Karlemaine dru.
 Merci Deu et Baiart bien m'i est avenu:
 plus de .xx. m. destriers i a Baiars vencu,
 j'en aport la corone Karlon, le viel canu; 5
 ne vosist por Orlens ce li fust avenu."
 Quant li baron l'entendent, grant joie en ont e'u.
 Atant es la contesse, s'ot .i. pale vestu,
 desor ot afublé un mantel qui d'or fu,
 ses crins ot galonés à .i. fil d'or batu; 10
 et vait baisier Renaut, son ami et son dru.
 Puis montent el palais, n'i ont plus atendu.

XI.

SERMO DE SAPIENTIA.

Dans *Li Dialogue Gregoire lo Pape, zum ersten Male herausgegeben von Dr. WENDELIN FOERSTER*. Halle ^s/s 1876. Pages 287—295. — Cf. *Zeitschrift f. Rom. Sprachen* I. 91.

Nos avons dit ke totes choses ke Deus at faites conoissent son creator, chascune solunc teile loi et solunc teil mestier k'il li est comandeiz. Et teiles les creat nostre Sires k'eles lo sevent conoistre. Mais nostre Sires si 15 come toz poissanz rois primes fist à son ues un roial palais, c'om apelet regne del ciel; après fist une chartre, ce est cest monde. Voirement chartre est ciz mondes, car tant com li hom est en cest monde, coment k'il onkes vivet, il n'est onkes senz paines et senz tormenz, dont est ciz mondes à droit apeleiz chartre. Et en cest monde mimes fist nostre Sires une mortel 20 fosse, ce est infer. A icel roial palais determinat et devisat nostre Sires un cert conte d'esliz chevaliers. Icel nombre determinat il en dis: en neuf ordenes d'angeles, et lo dime d'ommes. En neuf ordenes d'angeles, por la triniteit, car trois foiz trois ce sont nuéf. Lo dime d'ommes fist il por l'uniteit, por ke li uniteiz en la triniteit fuist loée et aoreie par les angeles 25 et par les hommes. Por coi ne fist il trestot lo nombre des elliz d'angeles? Deus fist dous principalz creatures, l'une spiritueil et l'autre charneil, et volt nostre Sires et de l'un et de l'autre estre loeiz. De la spiritueil volt il estre loeiz par les angeles, de la corporeil u de la charneil volt il estre loeiz par les hommes. Coment furent fait li angele? Cant nostre Sire dist: *Fiat lux*, 30 ce est: Soit faite la lumiere. K'est li angelicalz nature? Ce est spiritueiz fous, si c'om troevet en escrit: *Qui facit angelos suos de flamma ignis*, ce est: Ki fait les angeles de la flamme del fou. Ont li angele nons en ciel? Non il, car il sont si sage k'il n'ont mestier de nons. Gabriel, Michael, Raphael, don ne sont ce nons d'angeles, mais li homme lor ont par aven- 35

ture doneiz teiz nons. Ensi ke li premiers angeles ot nom Sathael, Sathael signefiet altretant ke contraires à Deu. Voirement contraires fut il à Deu, car cant il soi vit si bel et si glorious k'il sormontevet par sa bealteit et par sa glóre toz les ordenes des angeles, si comenat à despitier les altres

5 et dist k'il voloit estre engueiz, mais encore plus halz de son creator. Ce est k'il volt estre mieldres ke Deus ne l'eust fait, senz lo greit de son creator, et volt estre sires et comanderes des toz altres. Mais il ne-l soffrit mie, li tresposteiz rois, anzois l'abatit jus de son palais et si lo mist en sa chartre, ce est en infer. Et, ensi com il eret beaz devant à merveilhes, si fut il

10 après la plus laide creature ke Deus onkes fesist, et, alsì cleirs com il avoit devant esteit, si fut il après tres noirs et tres tenebrous. Et com longement estiut il el ciel? Il n'i estiut pas une hore planierement, il n'i estiut mie en veriteit, car maintenant k'il fut creeiz chait il. Et ke mesfisent li altre ki avec lui chairent? Asseiz pecharent, car il lo consentirent, ce est

15 ses orguez lor plot et penserent, s'il pooit estre plus halz del creator, il seroient desor les altres. Il en orent ensemble lui lor guerredon, car lor prince furent abatu en la morteil fosse, ce est en infer, li altre en cest tenebrous air, enz el queil il ardent alsì com en infer. Et por coi ne furent il tuit en infer abatut? Por ke li bon soient par eaz esproveit, et k'il soient

20 plus haltement coroneit par lor temptation ke il sostinent, et li malvais soient par eaz sorduit et engingniet et à derrains ensemble eaz dampneit el fou parmanable. Gardeiz vos dont, sanior, des laz al deable, car il ne vos finet d'agaitier et si vos vult soduire, car il ne vuet mie ke vos deserveiz par oevres d'umiliteit l'iretage k'il at perdut par son orguelh. Ne il ne porent

25 onkes repairier; car, ensi k'il chairent senz nule destrenzon, ensi ne diurent il mie par nule aie estre releveit. Et altre chose encor lor nuisoit al repairier; car, por ce k'il eslierent de lor greit lo mal, si lor fut à droit tolue tote volenteiz de bien à faire. Et por ce ne vuelent il, et por ce k'il ne vuelent ne poront il. Por coi n-es rachetat nostre Sires, si com il fist les hommes?

30 Por ce ke li angele furent tot ensemble creeit, et nient d'un sol angele, si com li homme sont tuit d'un soul homme neit; et por ce, se Deus presist nature d'angele en lui, si com il fist d'omme, il ne poist morir: car li angele n'erent mie morteil, et Deus ne volt por l'enniedrance del pechiet se la mort non. Et li angele ne sont mie morteil, por ce se ne porent estre

35 rachateit. Por coi n-es fist Deus teiz k'il ne poissent pechier, cant il ne poroient estre recovreit, s'il pechievent? Por ke Deus lor rendist par droit alcun merite por aucune deserte, ce est k'il eussent de lor greit lo bien eliut. Car, s'il fuissent ensi creeit k'il ne poissent pechier, il fuissent alsì com loiet et si n'eussent nul merite, de ce k'il fesissent lo bien alsì com à force. Or

40 lor donat Deus livreteit, ke il de lor greit et volsissent et poissent lo bien ellire et, s'il l'eslisoient de lor greit, Deus lor en donroit teil guerredon k'il ne poroient ja mais pechier. Mais cant Deus savoit k'il seroient si fait, por coi les creat il, cant lor creations lor tornat à dampnation? Por sue oevre aorneir et aordineir les creat nostre Sires. Car, alsifaitierement ke li bons poideres assiet la noire color desoz la blanke u desoz la vermeilhe, por k'ele soit plus

45 precieuse, alsì par l'ajostement des malvais sont li bon plus justifièit. Et cil ki dampneit furent, sevent il totes les choses? Non, il ne sevent mie totes les choses, mais de par l'angelical nature ont il grande science, et, tant com lor nature est plus subtiz de la nature des hommes, en tant sont

il en toz les arz plus sage ke nulz hom. Et cant Deus amat tant l'omme k'il lo deniat formeir à sa semblance, por coi at il dont encontre lui mis si postiu anemis por lui à greveir? Por ce ke nostre Sires vuet ke li hom racurret adès à s'aie et k'il sachet ke senz l'aie de son creator ne puet mie contresteur à si granz arz, et tant kom del deable. Ei Deus! com granz amors 5 at dont li creatres envers sa creature, ke por ce k'il volt l'omme avoir avec lui l'at teil creeit ke li hom at adès mestier de s'aie! Car il sembloit al creator ke, se li hom pooit à son anemis contresteur senz s'aie, il ne recurroit mie si tost à son creator ne si sovent. Et Deus! com il en at tant el secle, s'il pooient senz le conseilh Deu et eussent asseiz de la substance del 10 secle, dont il acomplissent largement les fuianz deleiz del secle, ki si l'obliferoient ke mult resement lo requerroient ne por aie ne por conseilh; je di ke por ce ke Damredeus volt ke li hom repairast sovent à lui et à lui adès s'atendist, si fist il l'omme plus floible de son anemis, ce est del deable. Et, cant li hom est teiz k'il requiert vivement aie à son creator por son anemis vengre, 15 adont est il plus forz de son anemis, car plus sont fort li homme et Deus ke ne soit li deables. Et coment aiuet nostre Sires son homme ki s'aie li demandet? Esgardeiz lo riche homme u roi u prince de terre, cant il doit une bataille faire encontre un sien mortel anemis, cui il à certes vuet destruire, et fait un sien homme cui il mult aiment encontre lui combatre, il lo fait 20 armer de ses armes demaines, por ce k'eles li semblent meillors ke nules autres, et il vat entor, si le somont et ensenget ses colz à geteir et si le confortet par lui et par ses barons. Tot ensifaitierement fait li tres pies aidieres de cel homme ki aie li requiert, por soi defendre del deable; car il l'adobet et garnist de ses plus chieres armes et des plus forz, por k'il ne 25 vuet mie k'il le puist greveir. Iceles chieres armes dont il adobet son champion, vraiment ce est foiz et creance, humiliteiz et patience, casteiz et abstinence, cariteiz, obedience et les autres vertuz: et ki de cez armes est armeiz segurement puet contresteur à son mortel anemis, ne ne li puet greveir compagne de diables, ja tant en i ait, par nul engien ne par nule science 30 k'il onkes aient. Mais, cant il sont si scientous et si engenieus, sevent il ce k'à venir est? Il ne sevent nule chose de ce k'à avenir est, se ce non k'il puent conoistre parmi les choses ki sont trespasseies et tant com Deus lor en consent à savoir; car les penses et les volenteiz ne seit nuz sè Deus non et cil à cui il les vuet manifesteur. Puent il faire tot ce k'il vuelent? 35 Non il, car lo bien ne il le puent faire ne il vuelent en nule maniere, mais à mal sont mult faisant et isnel et n'en font mie encor tant com il volroient, mais tant com li bon angele lor en soffrent à faire. Or avons dit asseiz des mauvais anges. Mais or sachons ke fut des bons ki ne pecharent mie. Maintenant ke li mal furent chaut, si furent li bon si confermeit ke d'enki 40 en avant ne il porent chaoir ne il porent pechier. Il ne porent pechier, por ce k'il ne volrent. Et por coi ne furent cil confermeit en bien ki dampneit furent? Por k'il n'atendirent mie si longement com li bon fisent, car maintenant k'il furent creeit si pecharent il. Et ce ke li mal chairent ne fu mie okisons de lur confirmation, mais li merites k'il ne volrent pechier. 45 Queil figure et quel forme ont li anges? Il ont figure en part alsì comme de Deu. Car, alsifaitierement com li ymagene pert en la cire, cant ele est empresseie enz el sael, alsifaitierement est en eaz empresseie la semblance de Deu. La semblance ont il voirement de Deu, car il sont lumiere, si com

Deus est lumiere; il sont spiritueiz substance, si com il est; il sont enbelit de tote bealteit et ont si grant science k'en la nature de totes les choses n'at rien ki lor puist estre celeie, car il esgardent et conoissent de tot ce ke est, et si puent de tant k'il vuelent faire senz nul travaill. Et de ce ke
 5 li mal chairent, den apetitit lo nombre des bons? Non il. Mais por ce ke li nombres des elliz fuist empliz, si fut creeiz li hom de spiritueil et de corporeil substance. La corporeiz substance si fut traite des quatre elemenz, car de la terre at il la char, si com dist en l'Ecrit: *Formavit Dominus hominem de limo terre*, ce est: Li Sires format l'omme del limon de la terre;
 10 et croire et savoir lo deveiz ke li hom est faiz de la terre. Et tres ce ke vos saveiz ke cele chars, cui vos si laveiz et vesteiz et aisieiz, k'ele est de terre, por coi ne prendeiz vos garde des orguez dont vos porpenseiz tant por vostre char envoisier? Car cant li foz joveceaz detrenchet et aligotet ses dras, s'il les laissoit entiers, il seroient als chalt u plus com detrenchiet.
 15 Et don ne est ce granz derverie de goleir pelices et manteaz en teil maniere ke une damme portet à son col, ki ne li fait ne chalt ne froit, la ranzon d'un prodome et dont cent povre ki muerent de fain et de soit seroient asaziët; mais bien vos semblet, sanior et dammes,

20 "ke manteaz ne vos siet, s'il n'est aligoteiz,
 pelice n'est pas chalde, s'ele n'est engoleie,
 ne seeiz fer en sele, s'ele n'est dioreie;"

mais certes de la plus povre maniere ke vos onkes poriez vostre char ne vestir ne aisier ne seroit ele merite. Car esgardeiz, quantal k'ele soit bele en tant com li espirs ke Deus i at mis la gобernet, com tost ele repairet à
 25 la nature de la terre, cant li espirs s'en est partiz, et devient terre en si laide maniere ke ele se tornet en vermine si laide et si flairant ke oelh vivant ne la dengent esgardeir. Et dont vient li corages à l'homme ke il mainet orguelh en si chaitive substance com en sa char, ki fut faite del limon de la terre, ensi com nos avons dit? Nos devons dire, si vos en sovient, ke
 30 des quatre elemenz, ce est de la terre et de l'aigue et de l'air et del fou, fut faite la corporeiz substance de l'homme, et s'avez oit ke de la terre fut faite la chars; de l'aigue, après vos disons, nos prist il lo sanc, de l'air prist il lo sofflement, ce est ke il puet aleneir, del fou trast il la cholor. Or esgardeiz coment li hom est formeiz. Il at lo chief assis enz en son plus halt liu, et
 35 si est ronz: li chies si signefie lo firmament, ki est plus halz de totes les choses et si est toz ronz. Enz el chief si at dous lumieres, ce sont li dui oelh, alsì com il at dous lumieres el firmament, ce est la lune et le so-loilh. Li piz dont li sofflement et li tossement eissent signefiet l'air, en cui li vent et les tonaires se commuevent. Li ventres signefiet la meir, car, ensi ke
 40 la meirs rezoit totes les aigues, ensi rezoit li ventres totes les liquors. Li piet signefient la terre, car, ensi ke la terre sostient totes les choses, ensi sostinent li piet tot lo fais de l'homme. Ge vos ai dit ke de la terre ot li hom la char, de l'aigue lo sanc, de l'air lo sofflement, et del fou trast il la cholor. Et or sachiez dont furent fait li cinc sens de l'homme. Les cinc sens de
 45 l'homme apelons nos la veue, l'oue, l'odorement, lo gostement et l'atochement. Del celeste fou trast li hom la veue, del souverain air la oue, del desotrain air l'odorement, ce est sentir odor, de l'aigue trast lo gostement, ce est k'il sot sentir savor, et de la terre prist il l'atochement, ce est k'il sot sentir. Esgardeiz, sanior,

com riche ovrier, com riche oeuvre sor si povre matere! com il amat l'omme
 ki si dignement lo format! De la terre lo format il, por k'il volt ke li hom
 soi ramenbraist de sa floibleiteit ne n'osaist ja mais avoir orguelh; mais tote
 at om ceste volenteit de Deu trespasseie. Si dignement lo format il, por
 k'il volt ke li hom seust et entendist parmi sa formation ke il le voloit 5
 ameir. Nos vos avons dit, s'il vos en sovient, ke de dous substances creat
 Deus l'omme, de corporeil et de spiritueil; si vos avons dit queiz est la
 substance corporeiz et coment ele est prise des elemenz; mais or voions de
 la spiritueil substance. La spiritueiz substance, ce est la sainte anrme ke
 Deus i at mise, icele est traite del spiritueil fou; icele substance si at la 10
 semblance et li ymagine de Deu, dont il est escrit: *Faciamus hominem ad
 ymaginem et similitudinem nostram*, ce est: Faisons l'omme à l'ymagine et
 à la semblance de nos. Et coment at li anrme semblance avoc Deu? Tote
 la diviniteiz si est en triniteit, l'ymagine de la triniteit at li anrme, car ele
 at memore, por cui ele recordet les trespasseies choses et les choses ki sont 15
 à venir. Ele at entendement par cui ele parzoit et entent les presenz choses
 et celes c'om ne puet veoir. Ele at alsì volenteit par cui ele refuset lo mal
 et ellist lo bien. Solunc ce ke ele at memore et entendement et volenteit,
 ce sont trois choses, at li anrme l'ymagine Deu, ce est triniteit. Et lo parès,
 totes les vertuz sont en Deu. Iceste semblance at li anrme, car ele puet 20
 comprendre totes les vertuz, ce est une altre semblance ke li anrme at avoc
 Deu. Iteiz est la substance spiritueiz, et de cez dous choses si est li hom
 formeiz. Format lo dont Deus à ses mains? Non il, mais tant solement par
 son comandement. Mais ke est ce à dire: Il fist l'omme del limon de la
 terre? Par icez paroles nos est signifie la fragele nature de l'homme, et por 25
 ce fist Deus l'omme de si vilhe matere, ke li deables en eust tant plus grant
 honte ke cil ki astoit de fragele et de vilhe matere faiz conquerroit la gloire,
 de cui il, ki si glorious astoit, par son orguilh astoit chاوز. Et de ce at
 encor li hom semblance avoc Deu ke, ensi ke Deus est sor toz en ciel, ensi est
 li hom en terre sor totes les choses ki i sont. Et por coi creat Deus les 30
 bestes, cant li hom n'en avoit mestier, s'il ne pechast? Nostre Sire savoit
 bien ke li hom pecheroit et s'auroit mestier de tot ce ke Deus auroit fait.
 Mais creat dont Deus les mosches et les autres si faites choses ki ne sont
 l'omme s'à nuisement non et à contraire? Par si grant diligence et par si
 grant entente format nostre Sires les mosches et les fromis com il fist les 35
 anges, car totes les choses sont faites à la gloire et à la loenge de Deu.
 Car les mosches et les fromis et si faites choses si furent creeies por l'orguelh
 de l'homme, ke cant li vermissiaz point l'omme, ke il se penset ke il est,
 ki si floible chose et si lasse est k'il ne se puet defendre de cel vermissial,
 ke il ne-l mordet; dont vos avez oit de Pharaon, ke nostre Sires ne li envoiat 40
 ne urs ne leons por lui à tormenteir, cant il ne voloit son pople laisser,
 mais raines et chalves sorris. Mais or esgardeiz la fromis et l'aranhie ki
 entendant sont à oeuvre, com grant exemple nos i poons prendre de piu
 labor. Trestot de cant ke Deus at creoit est toz granz deliz à celui ki bien
 i esgardet; car il n'i at nule senz raison, car es herbes puet om esgardeir 45
 les medicines, enz es fruiiz puet om esgardeir nostre pasture, enz ez oiseaz
 et es vermissiaz poons esgardeir grant signefiance. Et ke nomeroie totes
 les choses? De cant ke Deus at fait est trestot bon, et trestot est fait à ues
 l'omme. U fut formeiz li hom? En Hebron, et si fut mis en paradis. Ke

- est ce: paradis? et u est paradis? Paradis ce est uns tres delitables lius en orient. Enz sont li arbre mis de diverse maniere encontre les divers defailhemenz, car, se li hom manjaist del fruit de l'un arbre par covenable tens, ce est al tens ke mangier en deust, ja mais n'eust fain; et, s'il de l'autre
- 5 mainjaist par otroiet tens, mais n'eust soit; et, après de l'autre, ja mais ne fuist lassez; à derrains, mainjaist del fruit de vie, ja mais n'envielhist, ja mais n'enfermaist, ja mais ne morust. La femme u fut ele creeie? En paradis, de la coste Adam ki dormoit. Por ce le format Deus de la coste de l'homme ke, ensi k'il astoient d'une char, ensi fuissent il avoc par dilection
- 10 d'une pense. Et de ce ot Adam encor semblance avoc nostre Sanior ke, ensi ke par lui erent faites totes les choses, ensi furent neit tot li home d'Adam souli; car Eve fut de lui. Por coi n-es fist Deus teiz k'il ne poissent pechier? Por ce k'il eussent plus grant merite, car, s'il ne fuissent asentit al conseilh lo deable ki les temptat, il fuissent maintenant si confermeit ke ne il ne si
- 15 our ne poissent mais pechier; et por ce volt Deus k'il ellisissent lo bien de lor greit et ce presissent en guerredon k'il ne poroient ja mais pechier. Et coment engenrassent il, s'il remasissent en paradis? Tot alsifaitierement c'om ploiet l'une main en l'autre senz convoitise et senz delectation; et la femme enfantaist senz tote dolor, et li enfes, cant il fuist neiz, ne fuist pas si floibles com il or est, mais, maintenant com il fuist neiz, alaist il et parlaist delivrement et usaist et des fruiz par deviseit et astablit tens encontre les defailhemenz et à derrains, si com Deus l'avoit establit, presist del fruit de vie. Et tant diut li hom esteir en paradis ke li nombres des angeles fuist empliz ki erent chant, et cil autres nombres des elliz ki astoit à complir,
- 25 se li angele ne fuissent mie chant. Astoient il vestut, cant il dist: *Après lo pechiet se regarderent nuz*, alsì com il eussent devant esteit vestut? Voirement, il n'erent pas vestit de nule corporeil vesture, ne nient autrement ne se hontievent il en lor natures à regarder, com nos ne hontoions de noz viaires ne de noz autres menbres; mais maintenant après lo pechiet se regarderent nuz, car il se comenzarent à convoitier entr'eaz, et en cel membre dont li humaine lingie est eissue vint confusions. Et por ce en cel membre vint pluisemes confusions ke enz es autres, ke trestuit li oir ki de cel membre naistroient seussent k'il astoient culpable d'icel mimes pechiet. Ei Deus! queil dolor, queil tribulation! de nostre mortel anemis lo deable lor vint
- 35 cele seductions, par sa grant felonie et par sa grant envie les trast il à perdition. Car grant envie ot ke li hom devoit parvenir à cel grant honor ke il avoit perdue par son orguelh. Mais li tot poissanz Deus il soffrit l'omme à tempteir, et si savoit endont bien ke il seroit vencuz, por k'il savoit bien lo tres grant bien ke il avoit à faire por lo pechiet de l'homme.
- 40 En traison assalhit li deables l'omme, car il l'assalhit parmi lo serpent, si k'il parmi la boche del serpent parlevet à Evain, ja fuist ce ke li serpenz ne seust parleir; mais, ensi ke il encor à la foiz parolet parmi la boche de l'homme cui il est entreiz el cors, ensi parlevet il à Evain, coverz el serpent. Et Deus! com il fut lerres et traitres et desiranz de sa perdition, cant il
- 45 en teil maniere l'assalhit; et assi ingenieusement et alsì covertement nos assalt il cascun jor, car il nos ablandist par la dolzor des charneiz deseiers, cant il les nos met devant, u enz la morz gist et li amertonde del pechiet enclose. Ensi blandissoit il Evain, cant il li disoit ke, s'ele prenoit le defendut fruit, ele seroit semblanz al creator. Et, cant ele en ot pris, si

fut entechie del pechiet d'inobedience, car ele fut deciute par lo blandissement des paroles lo deable. Et com longement furent il en paradis? Set hores tant solement, car à la tierce hore fut li hom creeiz et donat nons à totes les bestes, et à la siste fut la femme creeie et formeie; et maintenant si prist le defendut fruit et si en donat à l'homme, et li hom por amor de li en manjat, et maintenant à la seteime hore les gettat nostre Sires de paradis. Et, cant Adam fut geteiz de paradis, si s'en alat en Hebron, là u il fut creeiz, et là engenrat il dous filz, ce fut Cain et Abel; mais, cant Cain ot ocis son frere Abel por l'envie, si lo maldist nostre Sires; mais Adam, ki mult en fut dolanz, emprès la mort Abel plorat cent ans ne ne voloit mais avoir compangie ensemble Evain. Mais, por ce ke nostre Sire Ihesus Criz ne volt mie naistre de la maldite semence Cain, si fut Adam somons par l'angele ke il s'acompaniaist à Evain. Adam n'osat trespasseir lo mandement ke li angeles li avoit aporteit, si ot compangie à sa molhier, et por lo restor d'Abel engenrat il un filh, ki ot à non Seth, de cui lingie Criz fut neiz. Et ce sachiez vos ke del tens Adam de ci k'à Noé ne plut il onkes ne ne fist iver, ne li homme ne mangievent char ne ne bevoient vin, mais tot lo tens erent tempreit et plantivous de toz les biens: mais totes les choses sont puis mueies por lo pechiet del pople. Mais, fut ce si grant pechiez k'Adam manjat cel pom? en cel mangement ot il si grant pechiet? Voirement, si grant pechiet ot en cele pome mangier c'om ne-l poist mie rachateir de tot lo monde. Car or esgardez se ce est raisons ke li hom obeisset à la volenteit de son creator, et la volenteiz de Deu ele est plus grande ke toz li mundes. Or entendeiz à cest tant de parole, coment la volenteiz de Deu est plus grande ke toz li mundes. Se alguns hom estisoit devant Deu, se li desist om: "Regarde derrier toi, et, se tu n'i regardes, toz li monz irat en perdicion," et Deus desist: "N'i regardes mie, car je ne-l vuelh mie," se n'i devoit il mie esgardeir por k'il garesist lo trespasant monde et si despitaist la volenteit de Deu, ki est creatres de totes les choses et ki est la joie des angeles. Mais ce fist Adam. Il estiut devant Deu et par laor lo deable regardat derrier lui, et si fist plus grant pechiet ke toz li mundes ne soit, car en cest sol pechiet acomplit il les set crimineiz.

XII.

WACE (1112—1182).

Le Roman de Rou et des Ducs de Normandie.

Vers 123—283, 326—400 et 430—751 de la première partie d'après l'édition de M. Hugo ANDRESEN, Heilbronn 1877, avec les corrections données dans le *Lit. Centralblatt* n:o 8 de 1877, et par M. FOERSTER dans la *Zeitschrift für Romanische Sprachen* I, 144 ss.

Jadis soleient Orteneis,
cil de Norverge e li Daneis

e altres genz de north aler
altres terres prendre e rober;

- par plusurs lieus lez les rivages
soleient faire granz damages.
Normanz se faiseient numer,
ki veneient de north par mer.
- 5 Mainte grant persecuti'un
e mainte grant destructi'un
e maint damage e mainte guerre
firent Normant en mainte terre,
e en France mainte envaie
- 10 ainz qu'il eussent Normendie.
Demeigne al rei de France esteit,
e en demeigne la teneit;
mais, puis que Rou fu otreiée
e des Normanz fu herbergiée,
- 15 Ne'ustrie cest nun osterent
e Normendie l'apelerent.
Fierement l'unt puis maintenue
e de tuz altres defendue.
- Hasteins i vint premierement,
20 ki fist maint povre e maint dolent;
cumpains e maistre fu Bi'er,
que l'um clamout Coste de Fer.
Coste de Fer pur ceo out nun,
ne sai s'est veir, mas ceo dit l'um,
- 25 que la mere, ki l'out porté,
l'out si charmé e enchanté
que fers ne le pout entamer
ne par ferir ne par buter;
Filz fu Lotroc, un daneis rei,
ki tuz tens fu de male fei.
- 30 Quant jadis fu destruite Troie,
dunt cil de Grece orent grant joie,
plusur ki eschaper se porent,
ki genz, ki nes, ki avoir orent,
- 35 od femme, od serjanz et od filz,
par grant travail, par granz perilz,
par plusurs terres s'espandirent,
terres poplerent, citez firent.
Une gent de Troie eschaperent,
- 40 ki en Danemarche asenerent.
Pur Dana'us, un ancesur
qu'il orent lunges à seignur,
se firent Daneis apeler,
pur lur lignage remembrer;
- 45 u de Danube, un flum mult grant
qu'Ester clament li clerc liusant,
ki les regnes vait devisant

e cele part turne en curant,
furent cil apelé Dani,
ki esteient anceis Daci.
Cil devise Germainne e Seice,
u la gent est de grant malice:
tut tens unt guerres e medlées
e mains tuz tens ensanglentées.
Une isle iluec — Escanze a nun —
fait de dous genz devisi'un:
de l'une part maintent Daneis,
de l'autre part sunt Aleneis;
Aleneis que l'um dit Alains,
devers Norwege plus prochains.
Ultre est Palu Meotida,
e puis Jeta e Sarmata.
Cil sunt unes genz mult diverses,
mult cuntraies e mult perverses.
Un deu soleient a'urer,
qu'il soleient Tur apeler:
mult l'amoent, mult s'i fioent,
humes vis li sacrefioent.
Del sanc de l'ume s'arosoent,
mais anceis se desge'unoent;
ja puis que il issi feissent,
li un as autres ne faillissent.
De cel sanc lur armes teigneient
e els meismes, quant deveient
aler en aucune bataille,
u pur gaain u pur vitaille.
Plus ase'ur partut aloent,
quant de cel sanc od els portoent
qu'il aveient sacrefié
e à lur deu Tur atuchié.

Custume fu jadis lunc tens
en Danemarche entre paiens,
quant hom avait plusurs enfanz
e il les avait nurriz granz,
l'un des filz retenait par sort,
ki ert sis heirs emprès sa mort:
e cil sur qui li sorz turnout,
en altre terre s'en alout,
kar enfant tant espès naisseient
e filz e filles tuit cresseient,
n-es poeit la terre suffrir
ne il n'aveient dunt garir.
Par la custume dunt jeo di,
e par le sort ki si chari,
e par l'otrei Lotroc sun pere,

e par le conseil de sa mere
fist B'ier sun eire aprester,
n'osa en la terre arester.
Lotroc l'a à Hastein livré
e à Hastein l'a cumandé,
par cui conseil B'ier errast
e ki ses affaires gardast.

Hasteins fu paiens surquidez,
mult fels e mult desmesurez;
unkes il n'out d'hume pitié
ne ne sout garder amistié.
Il out Lotroc lunges servi
e puis B'ier sun filz nurri;
desus B'ier prist la maistrie
des maisniées e del navie.
Daneis manderent e Norreis,
nes purchacierent e escheis,
mult orent gent, mult orent nes;
n'a pres d'iluec hume remés
ki puisse valeir en bataille
ne ki as nes conduire vaille,
seit pur le sort, seit pur luier,
seit par espeir de gaaignier,
ki ne seit à Hastein venuz,
e chascuns est bien rece'uz.
B'ier e Hastein les al'ient:
e tuit ensemble s'entr'afrent:
en France, ceo di'ent, irunt
e tute France destruirunt,
l'aveir de France partirunt,
à lur maisniée le dorrunt.
En Tur lur deu unt grant fiance,
cume s'il fust de grant puissance.
Mult ve'issiez viande atraire,
nes e batels e chalanz faire,
apareillier escuz e armes,
esmoldre haches e guisarmes,
espées e healmes furbir,
halbers roler, espiez brunir,
saetes e darz aguisier,
fleches doler, hantes drecier.
Quant tut orent apareillié,
à lur amis pristrent cungié:
en mer se sunt à bon vent mis
e lur eire unt vers France pris.
En Sume en Puntif ariverent,
tute la contrée gasterent,
Vimon arstrent e Amineis

e les mustiers de Vermendeis;
l'iglise arstrent de Saint Quentin
e Saint Meart e Saint Martin;
tuz les clers od l'evesque Emmun
detrenchierent dedenz Nuiun. 5
Des toailles, des altels prises,
faiseient braies e chemises,
viles arstrent, humes ocistrent,
femmes purjurent, avoir pristrent.
Mult o'issiez enfanz plurer, 10
humes braire, femmes crier;
tut voleient destruire e prendre,
n'i aveit ki pe'ust defendre.

A Fescamp out une abe'ie,
nonains i out, si l'unt guerpie; 15
pur les paiens se tresturnerent,
à hunte e à dolur alerent.
E li paien unt tut gasté,
les humes morz, l'aveir porté.
Par la mer tant avirunerent, 20
en Seigne vindrent, enz entrerent:
à l'abe'ie de Jumieges
pristrent à els et as nes sieges.
Noef cenz muines, tuz en cuvent,
i out e'u bien lungement. 25
Saint Philebert la cumpassa
el tens que Clo'ewis regna.
Batelt la reine de France,
ki lores ert de grant puissance,
fist Jumieges e estora, 30
terres e rentes lur duna.
Pur la po'ur e pur le cri
de Hastein, cel Deu enemî,
s'en sunt li muine tuit furi,
le mustier unt tut sul guerpi. 35
Païen unt la vile alumée
e l'abe'ie desertée.
D'iluec sunt à Ro'em alé
e à Ro'em sunt aresté:
tute destruisrent la cité, 40
avoir truverent à plenté;
maisuns ardent, fruiscent celiers,
humes tuent, ro bent mustiers.
De Nuisun tresqu'à Saint Denis,
de Chartres tresques à Paris 45
ne remaint vile ne maisun
ki n'alt en flambe u en charbun.
En Sainte Genevieve entrerent,

- l'aveir pristrent, puis l'alumerent;
 u qu'il po'ent l'aveir truver
 as nes le traient à la mer.
 Parisant as bois tresturnerent,
 5 tant cum i porent sujournerent.
 Li pruveire se descunfortent,
 en altres terres cors sainz portent,
 portent messals, portent saltiers,
 portent tistres e encensiers,
 10 n'i laissent rienz que porter puissent;
 volentiers vunt là u paiz truissent,
 e ceo que il porter ne po'ent
 en terre mucent e enfœent.
 Les reliques e les cors sainz,
 15 ki en Normendie erent ainz,
 portèrent clerc lungtainement,
 quantqu'il porent celéement.
 Muine, pruveire, clerc s'enfuient,
 e li païen mustiers destruiënt.
 20 Normendie unt avirunée,
 e Bretaine tresqu'à la Mée,
 e de Costentin les cuntrées
 unt destruites e desertées;
 Valuines pristrent e gasterent
 25 e par maltalent l'alumerent,
 pur ceo que el lur fu tenue;
 mais ne pout estre defendue:
 des chevaliers poi i aveit,
 e nul sucurs n'en atendeit.
 30 Al Ham aveit riche abe'ie
 e bien assise e bien garnie:
 Hasteins li lerres l'eissilla,
 l'aveir en prist, puis l'aluma.
 A Saint Marculf en la riviere
 35 riche abe'ie ert e planiere;
 Nanteis à cel jur aveit nun
 cele cuntrée d'envirun:
 Hasteins e Bi'er la gasterent,
 roberent la, puis l'alumerent.
- 40 Amunt Leire cururent tant,
 destre senestre tut gastant,
 que il vindrent à Saint Florent;
 et-vus le poeple trist, dolent.
 Lur nes en une isle atachierent,
 45 d'iluec murent, là repairierent.
 Curu sunt les dous parz de Leire,
 vunt e revienent cume à feire,
 viles destruiënt e eissillent:
- burgeis e parisant gandillent.
 As nes vienent e des nes moevent,
 as nes portent quant que il troevent.
 Toruinne destruitrent e Turs
 e à Orliens tindrent lur curs.
 Lungement parut en Angou
 e en Alverne e en Peitou
 li gaz e la destructi'un
 que Hasteins fist, que nus savum;
 les livres en trai à tesmuine
 que de Flandres si qu'en Gascoine,
 si cum devers soleil cuchant
 vait mer la terre avirunant,
 n'out chastel ne vieille cité,
 burc ne vile d'antiquité,
 ki de Bi'er ne se sentist
 e que Hasteins ne destruisist
 u fel raançun ne pre'ist
 cum il me'ismes requesist.
 Mals fu Bi'er, mals fu Hasteins,
 de malice fu chascuns pleins.
 Quant France fu tute eissillée,
 lur flote tute apareillée,
 de Rume o'i Hasteins parler
 e Rume o'i forment loer,
 qu'en tut le munt à icel jur
 n'aveit cité de sa valur.
 E Hasteins dist qu'à Rume ireit,
 Bi'er de Rume rei fereit,
 par Rume tut le munt avreit
 e par Rume tut cunquerreit.
 A lur nes sunt venu tut dreit,
 de sigler pensent à espleit.
 De Nantes murent en Bretagne,
 tute avirunerent Espaigne,
 par devant Genve trespasèrent;
 tant nagierent e tant siglerent,
 par nuit vindrent al port de Lune,
 si cum les amena fortune.
 Lune esteit cité de Toscane
 juste mer. pres de Sarrazane.
 Pur ceo que bien fu herbergiée
 e bien e bel edefiée
 bel aturnée e bel fundée,
 bele vile, bele cuntrée,
 fu la cité Lune apelée
 e à lune fu cumparée:
 si cum la lune de clarté,
 de resplendur e de bealté

les esteiles surmunte e veint,
 que nule de rienz ne l'ateint,
 issi fu plus noble e plus bele
 la cité, que l'um Lune apele,
 que cité ki el paris fust
 e que l'um pres d'iluec se'ust.
 Mais, puis que Hasteins l'eissilla,
 si descrut e amenuisa
 que tute est n'ent devenue
 e à bien poi tute perdue.

A l'iglise de l'evesquié,
 ki en la vile aveit halt fié,
 erent matines cumenciées
 e tant esteient espleitiées
 que ne sai les queles leçuns
 ert alez liure uns des clerçuns.
 Enmi la leçun s'arestut,
 altre chose dist qu'il ne dut:
 "Ad portum, dist il, Veneris
 viennent cent nes, ceo m'est avis."
 Li clerc demandent: "Que dis tu?
 tu nen i as pas bien ve'u."
 — "Ad portum, dist il' Veneris
 cent nes arivent, ceo vus dis."
 — "Gart dunc, di'ent cil, en l'escrit!"
 e cil redit ceo qu'il a dit:
 "Ad portum, dist il, Veneris
 cent nes arivent, ceo m'est vis."
 La quarte feiz dist ensement,
 unkes ne pout dire autrement;
 ne peut faire que ne le dire.
 Ceo fu turné à prophétie,
 kar al matin, quant cil leverent,
 la navie Bi'er truverent.

Hasteins a la vile esgardée
 e quida Rume avoir trouvée.
 Cist de Lune orent grant po'ur,
 quant la gent virent paienur.
 Mult virent maz, mult virent tres,
 mult virent genz, mult virent nes;
 en la cité se sunt tuit mis,
 guerpi unt tut le plain paris.
 Ses humes asemble li quens,
 e li evesques tuz les suens,
 Hasteins fu mult de grant veisdire
 e mult fu pleins de felunie:
 la cité vit mult defensable,

bien enforchiée e bien tenable,
 vit que par force ne l'avreit
 ne par force ne la prendreit;
 se par enging ne la preneit,
 ja par force n'i entrereit. 5
 De tra'isun se purpensa:
 à l'evesque e as clers manda
 que de mal faire n'a talent,
 trop a mal fait, si s'en repent,
 n'est mie venuz pur mal faire, 10
 mais turmente out e vent cuntraire,
 ki à la cité le chaça;
 ceo peise lui qu'il i turna:
 ne set u il est arivez,
 en mer a esté esgarez; 15
 se sains iert e il e'ust vent,
 n'i sereit mie lungement,
 mais mal a grant, ne puet esrer,
 grant mestier a de sujourner.
 De tut le lur rienz ne demande 20
 fors le marchié de la viande,
 paiz de venir e paiz d'aler
 e paiz de viande achater.
 Mult grant po'ur a de murir,
 si volt crestiens devenir, 25
 ne puet par el santé avoir,
 ceo creit il bien e set de veir;
 quant mult a fait de mal en France,
 s'en volt faire sa penitance.
 Cil creeient que veir de'ist 30
 e que s'alme salver volsist
 ceo qu'il requist li graanterent,
 cuvent e trieves li dunerent,
 achater puet viande e beivre,
 e, se baptesme volt recevoir, 35
 volentiers le baptizerunt
 e volentiers le recevrunt.
 Issi fu la paiz graantée,
 ki à male hure fu dunée.

Li cuverz malade se feint, 40
 sa chaire e sun viaire teint,
 mult plaint le cors, mult plaint le chief,
 dist que partut li esteit grief,
 suvent iert pale, suvent pers,
 suvent adenz, suvent envers, 45
 suvent s'endort, suvent s'esveille,
 suvent s'estent, suvent ventreille.
 Deus, que dunc ne-l prist passi'un,

- si remainsist la traïsun!
 Les braz estent, les puinz detort,
 chascun ki-l veit dist qu'il seit mort.
 Ki oïst le felun cri'er
 5 e le veïst eschalcirrer,
 denz rechignier, braz degeter,
 jambes estendre e recurber,
 suvent sangluter, baallier,
 le nes frunchir, oilz roellier,
 10 ki-l dunc veïst cument quidast
 que li traïtres respassast?
 Cil meïsmes ki-l conuisseient
 e ki la traïsun saveient
 e ses plainz e ses criz oeient
 15 e sa cuntenance veeient,
 cremeient que l'alme en alast
 e qûe ja mais n'en relevast
 e que passirun l'eust pris,
 ki en tantes guises s'est mis.
 20 Que vus irai geo plus cuntant?
 Crestiienté vait demandant,
 à l'iglise se fist porter,
 cume s'il ne peüst aler.
 Li evesques l'i sermuna,
 25 li evesques le primseigna,
 li evesques le baptiza,
 li evesques le cremela;
 li quens al baptestre vint,
 sis parrains fu, sur funz le tint.
 30 Quant li baptestires fu faiz
 e li traïtres des funz traiz
 e il vestuz fu de ses dras:
 "Certes, dist il, se jeo respas,
 jeo fèrai à cest lieu honur,
 35 e mierz vus iert de mei maint jur;
 mais fieble sui e maint mal sent,
 ne quit pas vivre lungement,
 n'ai pas le cuer sain ne delivre,
 ne quit mie lungement vivre.
 40 Mais, se jeo muir, pur Deu vus quier,
 kar me faites apareillier
 mun sepulcre enz en cest mustier,
 gesir i voil, le lieu ai chier.
 A mun cors faites tel servise
 45 à la maniere e à la guise
 cume l'um fait à crestien;
 sals en serai, ceo crei jeo bien."
 Ne pristrent mie bon purpens
 ne li evesques ne li quens;

al traïtur unt otreïé
 sa felunie e sa feintié.
 Dunc se fist porter à sa nef
 mult belement e mult surcf.
 Ne demura set jurs ne uit,
 mais el demain, à l'autre nuit
 fist Hasteins venir ses baruns,
 Bïer e tuz ses compaignuns:
 privëement lur a mustré
 sa felunie e sun pensé.
 E cil distrent que bien faiseit
 e que bien faire le poeit.
 En la biere l'ont estendu,
 l'espée al lez, l'halberc vestu.
 Deus, que dunc ne-l prist mort subite!
 si fussent cel del pais quite.
 D'un drap de seie fu cuverz,
 cume se morz fu li cuvers.
 Et-vus grande noise e granz criz,
 et-vus granz plainz, granz plureïz;
 ja si grant noise ne feïssent,
 se il de veïr mort le veïssent.
 La nuit e puis la matinée
 firent païen mult grant criée,
 cume se chascuns d'els sun pere
 i verist mort, filz, fille u frere.
 Les halbers suz les cotes lées
 e suz les chapes les espées,
 unt Hastein en biere aporté
 à la porte de la cité.
 Dunc oïssiez païens cri'er
 e esforcier de bien plurer.
 Cil dedenz furent dece'u
 del duel qu'il ont si grant ve'u,
 les portes lur firent ovrir
 et cels ki voldrent enz venir.
 Pur le pueple faire assembler
 firent les seins partut suner;
 encuntre od grant processirun
 viennent li clerc e li clercur,
 cruiz portoent e encensiers.
 Tuit i cureient volentiers,
 de cels ki plurent unt pitié,
 mult humblement i vunt à pie,
 ne sevent mie lur feintié.
 Et-vus l'evesque e le clergïé,
 et-vus le cunte e ses baruns,
 cume s'il fussent tuit sumuns;
 tuit i curent, nuls n'i remaint,

cume se ceo fust uns cors saint;
 li un pur les altres i curent,
 grant pitié unt de cels ki plurent.
 Al mustier portèrent le cors,
 miez fust qu'il remainsist defors;
 ceo fu par grant maleïçun,
 qu'il ne sorent la traïsun.
 Li maistre clers chanta l'office,
 ceo fu cuntre lur grant malice;
 miez lur venist faire cunfès,
 kar mult esteit la lur mort pres.
 Li evesques chanta la messe;
 des paiens fu la turbe espesse.
 Quant vint à la biere porter,
 que l'um dut le cors enterrer,
 Hasteins de la biere sailli,
 s'espée traite, fist un cri:
 al premerain colp qu'il duna
 à l'evesque le chief colpa,
 à sun parrain colpa la teste,
 cum se ceo fust une vil beste.
 Paien, tuit traites lur espées
 e les chapes des cols getées,
 les portes cururent fermer
 que nuls n'en peüst eschaper.
 Des chaitis funt tel tureiz
 cume li leus fait des brebiz,
 quant il puet entrer en le teit
 que li vilains ne s'aperceit:
 estrangle multuns e brebiz
 e aignels, tuz, granz e petiz.
 Ensement firent li paien
 del dolent pueple crestien:
 l'evesque ocistrent e le cunte
 e tant des altres, n'en fu cunte;
 puis sunt par la vile expandu,
 d'un ostel en altre curu.

Quant Lune orent paien aqise,
 Rume quiderent avoir prise;
 mais, quant il unt aperce'u
 que il esteient dece'u
 e qu'il esteient desveïé, 5
 forment s'en sunt tuit curucié.
 Tute la cuntrée cerchierent,
 avoir ne robe n'i laisserent,
 murs e mustiers acravanterent:
 les ruïnes encor i perent, 10
 ceo veient bien li pelerin
 ki vunt à Rume le chemin.
 L'aveir unt tut es nes chargé,
 le païs unt tut eissillié.
 Cunsel pristrent qu'il s'en ireient 15
 e en France repaireireient.
 Les veies qu'orent trespasées,
 celes veies unt returnées:
 ceo quil orent e'u el destre
 al repaire orent à senestre. 20
 Bïer turna à sun navie,
 ne sai en Scire u en Hongrie,
 e Hasteins vint al rei de France
 e od le rei prist remanance.
 Li reis, pur ceo que paiz tenist 25
 e d'autres genz le defendist,
 li duna Chartres e Chartrain,
 qu'il aveit lores en sa main.
 Lungement i out sujurné
 e France pose en paiz esté, 30
 quant Rou à Ro'em ariva,
 ki de north humes amena.
 Cil furent Normant apelé
 pur ceo que de north furent né.

XIII.

SERMONS DE SAINT BERNARD (1091—1153).

Les quatre Livres des Rois traduits en français du XII^e siècle, publiés par LE ROUX DE LINCY, Paris 1841, p. 542—545. Le texte latin d'après l'édition de Spire 1481.

Uns sermons comunz des sains.

Benoiz soit cil ki venuiz est el Benedictus qui venit in nomine 35
 nom Nostre Signor, Deus li Sire, et Domini, Deus Dominus, et illuxit no-

si est apparuiz à nos, et benoiz soit
 li nons de sa gloire ki sainz est. Nen
 est mies venuiz oysousement li sainz
 qui neiz est de Marie, anz at molt
 5 largement enspanduit lo nom et la
 grace de sainteit, car de ceu est sainz
 sainz Estevenes, de ceu est sainz sainz
 Johans, et de ceu sunt saint li Inno-
 cent. Par molt profiteavle atornement
 10 sunt acompagnieies cez trois sollemp-
 niteiz à la nativiteit nostre Signor,
 ne mies solement por ceu ke li devo-
 tions soit perseveranz entre les festes
 ke continueies sunt; mais por ceu
 15 ancor ke li fruis de la nativiteit Nos-
 tre Signor soit por ceu plus auverte-
 ment apparenz à nos. Trois manie-
 res de sainteit poons apparzoivre en
 cez trois festes, et la quarte ne cuiz
 20 je mies c'um puist ligierement troveir
 en toz les sainz. Nos avons en Saint
 Estevene l'oyvre et la volenteit ense-
 mble del martre, en saint Johan la sole
 volenteit, et ens Inocens la sole
 25 oyvre. Tuit cist burent lo boivre de
 salveteit, ou de cors et d'espirit en-
 semble, ou par esprit solement, ou
 par cors solement. "Vos boverez mon
 boivre," ce dist Nostre Sires à saint
 30 Jaike et à saint Johan, ne nen est
 mies dotte qu'il ce ne desist del boivre
 de sa passion. Et quant il dist à
 saint Piere: "Seu me," c'est "Enseu
 ma passion," cil se tornat et si vit ke
 35 cil disciples cui Jhesu Crist amevet
 lo sevivet, ne mies tant par aleure
 corporel cum par desier d'apparilliee
 devotion. Donkes sainz Johans buit
 assi lo boivre de salveteit et si en-
 40 sevit Nostre Signor si cum sainz Pieres,
 ancor ne l'ensevist il mies del tot si
 cum sainz Pieres. Ceu k'il ensi ma-
 nuit, qu'il Nostre Signor nen ensevit
 mies par corporel passion, ceu fut li
 45 consolz de Deu, si cum il mismes
 dist: "Ju voil qu'il ensi meignet
 enjosk'à tant ke ju venrai," assi cum
 se diet: "Il me vuelt assi seure, mais
 je voil k'il ensi remaignet." Et ki

bis. Benedictum nomen gloriæ eius,
 quod est sanctum. Neque enim ociose
 venit quod ex Maria natum est sanc-
 tum, sed copiose diffundit et nomen
 et gratiam sanctitatis. Nimirum inde
 Stephanus sanctus: inde Iohannes
 sanctus: inde sancti etiam Innocentes.
 Utili proinde dispensatione triplex ista
 solennitas natale Domini comitatur, ut
 non modo inter contiguas solennitates
 devotio continua perseveret, sed et
 fructus Dominicæ nativitatis exinde
 nobis velut ex quadam persecutione
 evidentius innotescat. Siquidem ad-
 vertere est in his tribus solennitatibus
 triplicem quandam speciem sanctita-
 tis, nec facile præter hæc tria sancto-
 rum genera quartum aliud posse ar-
 bitror in hominibus reperiri. Habe-
 mus in beato Stephano martirii simul
 et opus et voluntatem: habemus solam
 voluntatem in beato Iohanne: solum
 in beatis Innocentibus opus. Biberunt
 omnes hi calicem salutaris aut corpore
 simul et spiritu, aut solo spiritu, aut
 corpore solo. "Calicem quidem meum
 bibetis," ait Dominus Iacob et Iohanni;
 nec dubium quin de passionis calice
 loqueretur. Demum cum Petro dice-
 ret: "Sequere me", evidenter eum ad
 imitationem suæ provocans passionis,
 conversus ille vidit discipulum quem
 diligebat Ihesus sequentem, non
 tam gressu corporis quam promptæ
 devotionis affectu. Et bibit ergo Io-
 hannes calicem salutaris et secutus
 est Dominum sicut Petrus, etsi non
 omnimodo sicut Petrus. Quod enim
 sic mansit ut non etiam passione cor-
 poreâ Dominum sequeretur, divini
 fuit consilii, sicut ipse ait: "Sic eum
 volo manere donec veniam," ac si
 dicat: "Vult quidem et ipse sequi, sed
 sic eum volo manere." An vero de
 Innocentium coronis quis dubitet? Ille

est nuls ki en dotance soit des coronas des Innocenz? Cil puet dotteir ke li enfant ke por Crist furent ocis ne soient coroneit entre les martres, ki ne croit mies ke li enfant ki regenerent sunt en Christ par lo baptisme soyent nonbreit entre les esleiz. Comment puist soffrir cil enfes ki por nos fu neiz, ke cil enfant ki estoient de son aage fussent por luy ocis, ki par la sole volenteit lo poist avoir defenduist, s'il aucune meillor chose ne lor oust par ceu porveut? Car ensi cum dons à cel tens sosfeisivet as enfanz li circonscisions à salveteit senz tote propre volenteit, si cum or fait li baptismes, ensi soffeist as Innocenz à sainteit li martyres qu'il por Deu receurent. Si tu quiers en ayers Deu lor meritte por kai il soient coroneit, dons quier assi en ayer Herode lo forfait por kai il furent ocis; iert dons manre li pitiez de Crist ke li malices Herodes, ke cil les poist ocire senz colpe et Criz ne poist coroneir ceos qui por luy estoient ocis? Soit donkes sainz Estevenes martres en ayer les hommes, en cuy li volentrive passions apparuit auvertement, ou maismement por ceu ke lai misme où om l'ocivet ot plus grant cusenon de ses anemins ke de luy misme, et ke li amors de la devantriene compassion sormontat en luy lo sentement del corporien torment, ensi k'il plus dolosevet lo malice de ceos k'il ne fesist la dolor de ses plaies. Soit sainz Johans martres en ayer les engeles, car cil, si cum espiritels creatures, conurent plus certement les espiritels signes de sa devotion. Mais cist sunt, chier Sire, tei martre vrayement, car en ols nen atruevet nen hom nen engeles lo merite cuy tu par ta sole grace loes auvertement en ols, si cum escrit est par la profete: "Tu parfesis la loenge de la boche des enfanz et des allaitanz." "Glore soit à Deu ens haltismes, ce dient li engele, et en

pro Christo trucidatos infantes dubitet inter martires coronari, qui regeneratos in Christo non credit inter adoptionis filios numerari. Alioquin quin coævus sibi pueros puer ille, 5 qui natus est nobis, propter se pateretur occidi, quod utique solo nutu poterat probibere, nisi melius aliquid eis provideret? ut, quemadmodum ceteris infantibus tunc quidem 10 circumcisio, nunc vero baptismus sine ullo propriæ voluntatis usu sufficit ad salutem, sic nihilo minus pro eo susceptum martirium illis sufficeret ad sanctitatem. Si quæris eorum apud 15 Deum merita ut coronarentur, quærere et apud Herodem crimina ut trucidarentur. An forte minor Christi pietas quam Herodis impietas? ut ille quidem potuerit innoxios neci dare, 20 Christus non poterit propter se occisos coronare. Sit ergo Stephanus martir apud homines, cuius voluntaria passio evidenter apparuit, in eo vel maxime quod in ipso mortis articulo tam pro 25 persequentibus quam pro se ipso sollicitudinem gereret ampliorem vince-retque in eo sensum corporeæ passionis internæ compassionis affectus, ut illorum magis scelera quam sua vul- 30 nera plangeret. Sit Iohannes apud angelos martir, quibus tamquam spiritualibus creaturis spiritualia devotionis eius signa certius innotuerunt. Ceterum hi sunt plane martires tui, 35 Deus! ut in quibus nec homo nec angelus meritum invenit, singularis tuæ prærogativa gratiæ evidentius commendetur: "Ex ore infantium et lactentium perfecisti laudem." "Gloria 40 in excelsis Deo," angeli dicunt, "et in terra pax hominibus bonæ voluntatis." Magna quidem, sed, audeo

terre paix as homes de bone volenteit." Molt est granz cist los, mais nen iert mies parfaiz li los enjosk'à tant ke cil vignet ki diet: "Layez venir à mi
 5 les petiz, car de teil gent est li regnes de ciel;" et ki diet ke paiz soit as hommes el sacrement de pitiet nes senz tot us de volenteit. Eswarzent ceu cil ki de la volenteit et de l'oyvre
 10 suelent desputeir et tencier: eswarzent et si saichent c'un ne doit ne l'un ne l'atre mattré à nonchaleur quant om lo puet faire, quans nes uns chascuns par lui puet doneir et salveteit et
 15 sainteit lai ou li poors defalt. Et ceu tignent assi fermement ke li oyvre senz la volenteit puet aidier, et ne mies encontre la volenteit; car de ceu dont li enfant sunt salveit, de ceu
 20 misme sunt plus dampneit cil qui foementement aprochent as sacremenz. Li oyvre nen est onkes soffeisanz à salveteit encontre la volenteit, mais en pluisor gent soffeist li volenteiz
 25 senz oyvre, et de ceu vos mosterrai example: om ravist aucune creature en bone volenteit et k'ancor nen est mies parfaite ne covenable de sostenir martyre; et qui seroit nuls ki osast
 30 dire k'ele por ceste imperfection ne duist venir à salveteit? Por ceu par aventure ne soffret mies nostre Sires k'ele vignet en ceste grief temptation, k'ele ne deffaillet et por ceu soit
 35 dampneie, s'om la moynet atot si enfarme volenteit en cele temptation ke sor sa force seroit, ensi ke sa volentez ne fust envigoreie par la grace de Deu. Ki seroit nuls ki
 40 seüement ne puist savoir k'ele defarroit et renoyeroit et k'ele iroit en dampnation, si ele en cest poent moroit? "Car cil, ce dist nostre Sires, ki averat honte de mi davant les homes,
 45 de celui averai ju honte davant les engeles de Dex." Donkes en cele niant parfaite volenteit où il conseut salveteit lai où li poors defalt de l'oyvre, ne poroit il jai mies estre

dicere, necdum perfecta laus, donec veniat qui dicat: "Sinite parvulos ad me venire, quia talium est regnum cœlorum," et "Pax hominibus," etiam sine voluntatis usu in sacramento pietatis. Considerent hæc qui de opere et voluntate contentiosis solent disputationibus corrixari: considerent et advertant neutrum negligi oportere, ubi non videtur deesse facultas, præsertim cum utrumque sine altero, ubi tamen facultas deest, non modo salutem conferre possit, sed etiam sanctitatem. Sed et hoc quoque firmiter teneant prodesse quidem opus sine voluntate, non autem contra voluntatem; ut, unde salvantur infantes, inde magis damnentur fecte accedentes. Nihilominus sane in quibusdam voluntas sine opere sufficiens, non autem contra opus, verbi causa: Rapitur quis in bona quidem voluntate, sed necdum perfecta, necdum idonea martirium sustinere; quis illi audeat pro hac imperfectione negare salutem? Forte enim propterea non sinitur in illam gravem temptationem venire, ne deficiat et damnetur: nimirum, si in hac tam infirma voluntate induceretur in eam quæ supra ipsum est temptationem nec voluntas roboraretur, quis illum dubitet defecturum, negaturum et, si in eo mori contigerit, etiam condemnandum? "Qui enim erubuerit me coram hominibus, erubescam et ego eum, ait Dominus, coram angelis Dei." In ea igitur imperfecta voluntate, in qua salvatur ubi deest facultas operis iam non salvari posset propter defectum

salveiz par lo defailllement de l'oyvre ou por l'oyvre del defailllement. Ceu misme poroit assi avenir en la nonsachance. Por ceu, chier frere, nos est mestiers ke nos chariteit aiens et ke nos enseviens les bones oyvres, ensi ke nos en nule maniere ne mattiens en negligence les pechiez d'enfermeiteit et de nonsachance; anz rendons graces en cusenon et en crimor à nostre Salvaor, ki tres benignes est et tres larges, ki par si grant chariteit porseut les ockesons de nostre salveteit k'il molt est liez quant il ens uns atruevet la volenteit et l'oyvre de salveteit, ens altres la volenteit senz l'oyvre, et ens altres l'oyvre sens la volenteit, ki welt ke tuit li homme soient salf et k'il vignent à sa conissance. Ceste est, chier frere, li vie permenanz que nos conessiens lo Peire à vray Deu et Jhesum Crist cui il at tramis, ki est, ensemble lui et ensemble lo Saint Espirit, uns vrais Deus sor totes choses benoz. Amen.

operis vel opus defectionis. Idem vero et ignorantia posset accidere. Æmulemur proinde caritatem et sectemur bona opera, fratres mei, nec infirmitatis nec ignorantiae peccata ullo modo parvi pendentes; magis autem solliciti et timorati agamus gratias benignissimo et largissimo Salvatori, qui humanæ salutis occasiones tam copiosa caritate perquirat, ut in his voluntatem et opus, in his sine opere voluntatem, in his etiam sine voluntate opus salutis invenire lætetur; qui vult omnes homines salvos fieri et ad agnitionem sui venire. Hæc est enim vita æterna ut cognoscamus Patrem verum deum et quem misit Jhesum Christum, qui unus cum eo verus est deus super omnia, benedictus in sæcula. Amen.

20

25

XIV.

GEOFFROI DE VILLE-HARDOUIN (1150—1213).

Pages 86—102 de l'édition de M. NATALIS DE WAILLY, Paris 1874. — Les Croisés s'emparent du port de Constantinople, prennent la tour de Galathas et attaquent la ville.

Li jors fu devisez quant il se recueilleroient es nes et es vaissiaus, por prendre terre par force, ou por vivre ou por morir; et sachiez que ce fu une des plus doutoses choses à faire qui onques fust. Lors parlerent li evesque et li clergie al pueple, et lor mostrerent que il fussent confez et feist chascuns sa devise; que il ne savoient quant Diez feroit son commandement d'els. Et il si firent mult volentiers par tote l'ost, et mult pitusement.

Li termes vint si con devisez fu; et li chevalier furent es vissiers tuit avec lor destriers; et furent tuit armé, les helmes laciez, et li cheval covert et enselé. Et les autres genz, qui n'avoient mie si grant mestier en bataille, furent es granz nes tuit; et les galées furent armées et atornées totes. Et li matins fu biels, un poi après le soleil levant; et l'emperieres Alexis les

attendoit à granz batailles et à granz corroiz de l'autre part. Et on sone
 les bozines; et chascune galie fu à un vissier liée por passer oltre plus de-
 livréement. Il ne demandent mie chascuns qui doit aler devant; mais qui
 ançois puet, ançois arive. Et li chevalier issirent des vissiers, et saillirent
 5 en la mer trosque à la çainture tuit armé, les hielmes laciez et les glaives
 es mains; et li bon archier et li bon serjant et li bon arbalestrier, chascuns
 à sa compaignie, là endroit où ele ariva. Et li Greu firent mult grant sem-
 blant del retenir; et quant ce vint as lancies baissier, li Grieu lor tornerent
 les dos: si s'en vont fuiant et lor laissent le rivage. Et sachiez que onques
 10 plus orgueilleusement nuls porz ne fu pris. Adonc comencent li marinier à
 ovrir les portes des vissiers et à giter les ponz fors; et on comence les
 chevax à traire; et li chevalier comencent à monter sor lor chevaus: et les
 batailles se comencent à rengier si com il devoient. Li cuens Baudoins de
 Flandre et de Hennaut chevaucha, qui l'avangarde faisoit, et les autres ba-
 15 tailles après, chascune si cum eles chevauchier devoient; et alerent trosque
 là où l'emperere Alexis avoit esté logiez. Et il s'en fu tornez vers Cos-
 tantinoble et laissa tenduz tres et paveillons; et là gaignerent nostre
 gent assez.

De nostres barons fut tels li conseils que il se hebergeroient sor le port
 20 devant la tor de Galathas, où la chaiene fermoit qui movoit de Costanti-
 noble. Et sachiez de voir que par cele chaiene convenoit entrer qui al port
 de Costantinoble voloit entrer. Et bien virent nostre baron, se il ne pre-
 noient cele tor et rompoient cele chaiene, que il estoient mort et mal bailli.
 Ensi se herbergierent la nuit devant la tor et en la juerie que l'on apele
 25 l'Estanor, où il avoit mult bone vile et mult riche. Bien se fissent la nuit
 eschaugaitier; et l'endemain, quant fu hore de tierce, si firent une assaillie
 cil de la tor de Galathas et cil qui de Costantinoble lor venoient aidier en
 barges; et nostre gent corent as armes. Là assembla premiers Jaques
 d'Avesnes et la soe maisnie à pié; et sachiez que il fu mult chargiez et fu
 30 feruz parmi le vis d'un glaive, et en aventure de mort. Et uns suens che-
 valiers fu montez à cheval, qui avoit nom Nicholes de Janlain, et secorrut
 mult bien son seignor et le fist mult bien, si que il en ot grant pris.

Et li criz fu levez en l'ost; et nostre gent vient de totes parz et les
 mistrent enz mult laidement, si que assez en i ot de morz et de pris; si
 35 que de tels i ot qui ne guenchirent mie à la tor, ainz alerent as barges dunt
 il erent venu; et là en i ot assez de noiez, et alquant en eschaperent. Et
 cels qui guenchirent à la tor, cil de l'ost les tindrent de si pres qui il ne
 porent la porte fermer. Enqui refu granz li estors à la porte, et la lor
 tollirent par force et les pristrent laienz. Là en i ot assez de morz et
 40 de pris.

Ensi fu li chastiaus de Galathas pris, et li porz gaigniez de Costanti-
 noble par force. Mult en furent conforté cil de l'ost et mult en loerent
 dam Dieu, et cil de la vile desconforté. Et l'endemain furent enz el port
 traites les nes et li vaissel et les galies et li vissier. Et donc pristrent cil
 45 de l'ost conseil ensemble por savoir quel chose il porroient faire, s'il asa-
 roient la vile par mer ou par terre. Mult s'acorderent li Venisien que les
 eschieles fussient dreciées es nes et que toz li assaus fust par devers la mer.
 Li François disoient que il ne se savoient mie si bien aidier sor mer com
 il savoient par terre; mais quant il aroient lor chevaus et lor armes, il se

sauroient mielz aidier par terre. Ensi fu la fins del conseil que li Venisien assauroient par mer, et li baron et cil de l'ost par terre. Ensi sejournerent par quatre jorz. Al cinquiesme jor après s'arma tote l'oz; et chevauchierent les batailles si con eles erent ordenées, tot par desor le port trosque endroit le palais de Blaquerne; et li naviles vint par dedenz le port dès ci que 5 endroit els, et ce fu pres del chief du port. Et là si a un flum qui fiert en la mer, que on n'i puet passer se par un pont de pierre non. Li Grien avoient le pont colpé; et li baron firent tote jor l'ost laborer et tote la nuit por le pont afaitier. Ensi fu li ponz afaitiez, et les batailles armées au maitin; et chevauchierent li uns après l'autre, si con il erent ordené. Et 10 vont devant la vile; et nuls de la cité n'issi fors encontre als, et fu mult granz merveille, que, por un que il estoient en l'ost, estoient il dui cent en la vile. Lors fu li conseils des barons telx que il se hebergeroient entre le palais de Blaquerne et le chastel Buimont, qui ere une abaie close de murs. Et lors furent tendu li tref et li pavillon, et bien fu fiere chose à 15 regarder: que de Costantinoble, qui tenoit trois liues de front par devers la terre, ne pot tote l'oz asseger que l'une des portes. Et li Venisien furent en la mer es nes et es vaissiaus, et drecierent les eschieles et les mangoniaus et les perieres, et ordenerent lor assaut mult bien; et li baron ratornerent le lor par devers la terre et de perieres et de mangoniaus. Et sachiez que il n'es- 20 toient mie en pais; que il n'ere hore de nuit ne de jor que l'une des batailles ne fust armée par devant la porte por garder les engins et les assaillies. Et por tot ce ne remanoit mie que il n'en feissent assez par cele porte et par autres, si que il les tenoient si corz que six fois ou sept les covenoit le jor armer par tote l'ost, ne n'avoient pooir que il porchaçassent 25 viande quatre arbalestées loing de l'ost. Et il en avoient mult poi, se de farine non et de bacons; et de cel avoient poi, et de char fresche nulle chose, se il ne l'avoient des chevaus que on lor ocioit. Et sachiez que il n'avoient viande comunalement à tote l'ost por trois semaines. Et mult estoient perillousement; que onques par tant poi de gent ne furent assegié 30 tant de gent en nule vile.

Lors se porpenserent de un mult bon engin, que il fermerent tote l'ost de bones lices et de bons merriens et de bones barres; et si en furent mult plus fort et plus seur. Li Grien lor faisoient si souvent assaillies que il n-es laissoient repasser, et cil de l'ost les remetoient arriers mult durement; et 35 totes foiz que il issoient fors, i perdoient li Grien.

Un jor feisoient li Borgueignon l'agait, et li Grien lor firent une assaillie; et issirent de lor meillors gens une partie fors. Et cil lor recorrurent sus, si les remistrent enz mult durement et les menerent si pres de la porte que granz fes de pierres lor getoit on sor als. Là ot pris un des 40 meillors Grex de laienz, qui ot non Constantins li Asgres; et le prist Gautiers de Nuilli tot monté sor le cheval. Et enqui ot Guillaumes de Chanlite brisié le braz d'une pierre; dont granz damages fu, que il ere mult preuz et mult vailanz.

Toz les cops et toz les bleciez et toz les morz ne vos pui mie raconter; 45 mais, ainz que li estorz parfinast, vint uns chevaliers de la masnie Henri, le frere le conte Baudoin de Flandres et de Hennaut, qui ot nom Eustaices dou Marchois, et ne fu armez que d'un gamboison et d'un chapel de fer, son escu à son col; et le fist mult bien à l'enz metre, si que grant pris l'en

дона l'on. Poi ere jorz que on ne feist assaillies, mais ne vos puis totes retraire. Tant les tenoient pres que ne pooient dormir ne reposer ne men-gier, s'armé non.

Une autre assaillie firent par une porte desore, où li Greu reperdirent
 5 assez. Mais là si fu morz uns chevaliers qui ot nom Guillaumes del Gi; et là le fist mult bien Mahius de Valencort, et perdi son cheval al pont de la porte, qui li fu morz; et maint le firent mult bien qui à celle mellée furent. A cele porte desus le palais de Blaquerne, où il issoient plus soventes fois, en ot Pierres de Braieciel plus le pris que nus, porce que il ere plus prez
 10 logiez et plus sovent i avint.

Ensi lor dura cil perils et cil travaus pres de dix jorz, tant que un joesdi maitin fu lor assaus atornez, et les eschieles; et li Venisien rorent le lor appareillié par mer. Ensi fu devisez li assaus que les trois batailles des sept garderoient l'ost par defors, et les quatre iroient à l'assaut. Li marchis
 15 Bonifaces de Monferat garda l'ost par devers les chans, et la bataille des Borgoignons et la bataille des Champenois et Mahius de Monmorenci. Et li cuens Baudoins de Flandres et de Hennaut ala assaillir, et la soe gens et Henris ses freres; et li cuens Loeys de Blois et de Chartein et li cuens Hues de Saint Pol et cil qui à els se tenoient, alerent à l'asaut. Et dre-cierent à une barbacane deus eschieles enprès la mer; et li murs fu mult
 20 garniz d'Englois et de Danois, et li assauz forz et bons et durs. Et par vive force monterent des chevaliers sor les eschieles et dui serjant, et conquistrent le mur sor als; et monterent sor le mur bien quinze, et se combatoient main à main as haches et as espées. Et cil dedenz se refforcierent
 25 mult; si les metent fors mult laidement, si que il en retindrent deus. Et cil qui furent retenu de la nostre gent, si furent mené devant l'empereor Alexi; s'en fu mult liez. Ensi remest li assauz devers les François, et en i ot assez de bleciez et de quassez; s'en furent mult irié li baron.

Et li dux de Venise ne se fu mie obliés, ainz ot ses nes et ses vissiers
 30 et ses vaissiaus ordenez d'un front, et cil fronz duroit bien trois arbalestrées; et comencent la rive à aprochier qui desoz les murs et desoz les tors estoit. Lors veissiez mangoniaus giter des nes et des vissiers, et quarriaus d'arbalestre traire, et ces ars traire mult delivrement, et celz dedenz desfendre des murs et des tours mult durement, et les eschieles des nes aprochier si
 35 durement que en plusors leus s'entreferoient d'espées et de lances; et li huz ere si granz que il sembloit que terre et mers fondist. Et sachiez que les galies n'osoient terre prendre.

Or porroiz oir estrange proesce; que li dux de Venise, qui vialz hom ere et gote ne veoit, fu toz armez el chief de la soe galie, et ot le gonfanon
 40 Saint Marc par devant lui; et escrioit as suens que il le meissent à terre, ou, se ce non, il feroit jutise de lor cors. Et il si fisent, que la galie prent terre, et il saillent fors; si portent le confanon Saint Marc par devant lui à la terre. Et, quant li Venisien voient le confanon Saint Marc à la terre et la galie lor seignor qui ot terre prise devant als, si se tint chascuns à
 45 honi et vont à la terre tuit; et cil des vissiers saillent fors et vont à la terre, et cil des granz nes entrent es barges et vont à la terre, qui ainz ainz, qui mielz mielz. Lors veissiez assaut grant et merveilox; et ce tesmoigne Joffrois de Vile-Harduin li mareschaus de Champagne, qui ceste ovre trata, que plus de quarante li distrent por verité que il virent le

confanon Saint Marc de Venise en une des tors, et mie ne sorent qui l'i porta.

Or oiez estrange miracle: et cil dedenz s'enfuient, si guerpissent les murs; et cil entrent enz, qui ainz ainz, qui mielz mielz, si que il saisissent vint-cinq des tors et garnissent de lor gent. Et li dux prant un batel, si mande messages as barons de l'ost, et lor fait assavoir que il avoient vint-cinq tors, et seussent por voir que il n-es pooient reperdre. Li baron sont si lié que il ne-l pooient croire que ce soit voirs; et li Venicien comencent à envoyer chevaus et palefroiz à l'ost en batiaus, de cels que il avoient gaaigniez dedenz la vile. Et, quant li empereres Alexis vit que il furent ensi entré dedenz la vile, si comence ses genz à envoyer à si grant foison vers els que cil virent que il ne-s porroient soffrir. Si mistrent le feu entr'els et les Grex; et li venez venoit de vers nos genz, et li feus comence si granz à naistre que li Gre ne pooient veoir noz genz. Ensi se retrais-trent à lor tors que il avoient saisies et conquises.

Adonc issi l'emperere Alexis de Constantinoble à tote sa force fors de la cité, par autres portes, bien loing de une leue de l'ost; et comence si granz genz à issir que il sembloit que ce fust toz li monz. Lors fist ses batailles ordener parmi la campagne, et chevauchent vers l'ost; et, quant noz François les voient, si saillent as armes de totes parz. Cel jor faisoit Henris, li freres le conte Baudoin de Flandres et de Hennaut, l'agait as engins devant la porte de Blaquerne, et Mahius de Vaslaincourt et Baudoins de Belveoir, et lor gens qui à els se tenoient. Endroit aus avoit l'empereres Alexis atorné granz genz qui saldroient par trois portes fors, con il se ferroit en l'ost par d'autre part. Et lors issirent les six batailles qui furent ordenées, et se rengent par devant lor lices; et lor serjant et lor escuier à pié par derriere les cropes de lor chevaus, et li archier et li arbalestier par devant als; et firent bataille de lor chevaliers à pié, dont il avoient bien deus cens qui n'avoient mais nul cheval. Et ensi se tindrent quoi devant lor lices; et fu mult granz sens, que, se il alassent à la campagne assembler à els, cil avoient si grant foison de gent que tuit fuissiens noié entr'aus. Il sembloit que tote la campagne fust couverte de batailles; et venoient le petit pas tuit ordené. Bien sembloit perillouse chose, que cil n'avoient que six batailles et li Grien en avoient bien quarante, et il n'i avoit celi qui ne fust graindre que une des nos. Mais li nostre estoient ordené en tel manere que on ne pooit à els venir, se par devant non. Et tant chevaucha l'enperiere Alexis qu'il fu si pres que on traioit des uns aus autres. Et, quant ce oi li dux de Venise, si fist ses gens retraire et guerpier les tors que il avoient conquises, et dist que il voloit vivre ou morir avec les pelerins. Ensi s'en vint devers l'ost et descendi il meismes toz premiers à la terre, et ce que il i en pot traire de la soe gent fors. Ensi furent longuement les batailles des pelerins et des Grius vis à vis; que li Gre n-es oserent venir ferir en lor estal, et cil ne volrent eslongnier les lices. Et, quant l'empereres Alexis vit ce, si comença ses genz à retraire et, quant il ot ses gens raliez, si s'en retorna ariere. Et, quant ce vit li hos des pelerins, si comença à chevaucher le petit pas vers lui; et les batailles des Gres comencent à aler en voie et se traistrent ariers à un palais qui ere apelez li Philippos.

Et sachiez que onques Diex ne traist de plus grant peril nule gent
 con il fist cels de l'ost cel jor; et sachiez qu'il n'i ot si hardi qui n'aust
 grant joie. Ensi se remest cele bataille cel jor, que plus n'i ot fait, si con
 Diex le volt. L'empereres Alexis s'en retorna en la vile, et cil de l'ost ale-
 5 rent à lor herberges; si se desarmerent, que erent mult las et travaillié, et
 poi mangierent et poi burent, car poi avoient de viande.

XV.

L'IMAGE DOU MONDE (1245).

D'après le ms. de Stockholm.

La tierce partie. Li xj. chapistres.

Des mervoilles que Virgiles fist par astronomie.

<p>Devant Jhesu Crist fu Virgiles, qui les ars ne tint pas à guilles, ains i usa tote sa vie, 10 tant qu'il fist par astronomie maintes granz mervoilles à plain. Il fist une mosche d'arain: quant la dreçoit en une place, si faisoit des autres tel chace 15 que nule autre mosche qui fust vers li aprochier ne peüst de II. archiées loing entor, qui ne moreüst sans retor tot maintenant qu'ele passoit 20 la boone qu'il li compassoit. Si refist d'arain I. cheval qui garisoit de chascun mal les chevax qui malade estoient maintenant que veü l'avoient. 25 Si fonda une grant cité sor I. wef par tel poesté que quant aucuns l'uef remuoit, tote la citez en crolloit; et com plus fort lo crolloit on, 30 tant crolloit plus tot en viron la vile et en haut et en plain. La mosche et li chevax d'arain et la cage où li hues estoit, sont à Naples, que l'an i voit;</p>	<p>ce di'ent cil qu'en sont venu, qui aucune foiz l'ont veü. En une cité faillir fist tot lo feu, si come l'an dist, que nus point avoir n'e[n] pooit, se la chandoille n'alumoit à la naissance d'une fame, file d'ampereor moult dame, qui li ot fait aucun anui; ne cil ne pooit à autrui point doner, ains lo convenoit chascun feu panre là endroit, qui à cele pas n'abeli; ensi se vanja cil de li. Et fist parmi une eve un pont, lo plus grant c'onques fust au mont, ne sai ou de pierre ou de fust; mais nus ovriers, tant soutis fust, charpentier, maçon ne ovrier, ne seussent tant encerchier dedenz eve ne dedenz terre qu'il porissent raison enquerre, en quel point cil ponz faiz estoit ne commandant il se soutenoit enmi l'ev[e] au chief ne en mi, et passoit an bien tot parmi. Un jardin fist tot clos entor de l'air, tot sans plus d'autre ator,</p>
--	--

espessemant com une nue
 de terre moult haut estandue.
 II. cierges fist toz jorz ardanz
 et une lampe à feu dedenz,
 qui toz jorz sans estaindre ardoient
 ne de rien ne s'amenuisoient:
 ces III. enclost il si soz terre
 qu'an n-es poist trover pour querre
 jusqu'à tant qu'il devroit faillir.
 Ne sai s'an i porroit venir,
 mais qui autant com il sauroit,
 ou celz ou autres bien auroit.
 Si fist une teste parlant,
 qui li respondoit erramant
 de tot ce qu'il li demandoit
 qui en terre avenir pooit,
 tant c'une foiz li demanda
 d'un suen affaire où il ala,
 mais ele li dist une chose
 dom il n'entandi pas la glose:
 que s'il gardoit sa teste bien,
 il ne l'an avanroit fors bien.
 Lors s'en ala se'uremant;
 mais li solax, qui chalur rant,
 lo cervel si li eschaufa,
 dom pas garde ne se dona,
 c'une maladie l'en prist,
 dom il morut, si com an dist.
 Quant il parla à cele teste,
 n'entandi par la soe teste;
 de la teste qu'à lui parloit
 entendi, se bien la gardoit;
 mais miex li venist tote voie
 qu'il a'ust bien gardé la soie.
 Quant morut, si se fist porter
 fors de Rome por enterrer
 à un chastel devers Sezille,
 pres de la mer à une mille.
 Ancor i sont li os de lui,
 qu'an garde miex que les autrui:
 com an les soloit remuer
 ou lui en char en haut lever
 si s'anfloit la mers maintenant
 et venoit au chastel corrant;
 et com plus lo levoit an haut,
 tant croissoit plus la mers en haut
 que tot lo chastel tost noiaist,
 se l'an tost ne lo ravalast;
 et com en son droit leu estoit,

tantost la mers se rabaissoit
 ensi com ele estoit avant,
 et ce a l'an prové sovant:
 ancor i dure la vertu,
 ce di'ent cil qu'an sont venu. 5
 Soutis fu Virgiles et sages
 et volst prover toz les langages
 de clergi'es à son pooir
 de tant com plus en pot savoir;
 et fu de petite estature, 10
 lo dos tort un po par nature,
 et aloit la teste baissant,
 adès vers terre regardant.
 Maintes mervoilles fist Virgiles
 que les genz tanroient à guilles, 15
 s'il les ooient raconter,
 com maint qui ne puent panser
 c'uns autres se'ust chose faire
 dom rien ne sevent de l'affaire;
 et quant de tex affaires oient 20
 ou d'autres, qu'aucune foiz voient,
 dom rien ne sevent, tantost di'ent,
 com cil qui volantiers mesdi'ent,
 que ce est par art d'anemi
 com il sevent ovrer ensi, 25
 et di'ent que si fait savoir
 ne fait mie boen à savoir:
 et s'il savoient la meniere,
 il la tanroient à legiere
 et autre wevre de nature 30
 sans mal et sans autre figure;
 mais quant il ne sevent la chose,
 si en di'ent la fole glose,
 qui si lor estoupe les iax
 qu'il ne sevent ne ce ne miex. 35
 Il n'est riens qu'an ce monde soit,
 qu'astronomie bien sauroit
 dom querre ne sa'ust raison,
 et mainte chose en feroit on
 qui sambleroit miracles granz, 40
 qui ne sauroient de cel sanz.
 Ge ne di pas qu'an n'en pe'ust
 faire mal qui tant en se'ust,
 car il n'est si boene sci'ence
 qu'an n'i puist entendre marrance 45
 et qu'an n'en puisse en mal ovrer,
 se li hom s'en voloit pener.
 Dex ne fist onques evangile
 qu'an ne poist torner à guille;

il n'est nule si vraie chose
 qu'an n'i puisse metre tel glose
 dom l'an se porroit bien dampner,
 qui de mal se voldroit pener.
 5 N'est pas maistrie de mal faire,
 li homs se puet bien à mal traire
 ou au bien, s'il en a voloir,
 dou quel il aura lo pooir,
 s'à bien panse[r] Dex li amaine;
 10 et max lo trait à tote paine.
 Ja li mauvais ne dira bien
 de ce dom il ne saura rien.
 Il n'est nule ars qui ne soit bone
 à savoir, se li homs s'i done,
 15 mais que chose envers De ne face
 dom il puisse perdre sa grace.
 L'an set tot par astronomie

fors que ce [que] Dex ne velt mie;
 si i feroit meillor antandre
 que cele por avoir aprandre,
 car qui à droit bien la sauroit
 quant qu'il voldroit en terre auroit,
 car il ne li fauroit ja rien
 qu'il n'ust ancor plus de bien.
 Mais il ont plus chier la monoie,
 si ne sevent que est monoie
 ne por quoi ele fu trovée,
 et s'i gist tote lor pensée
 ne il n'ont cure de savoir,
 mais qu'assez en puissent avoir;
 et por ce ne lairons nos pas
 que nos n'en di'ons aucun cas
 por celz qui ont talant d'apanre,
 s'il l'oient et volent entendre.

XVI.

DE L'UNICORNE ET DU SERPENT.

Dans le *Nouveau Recueil de Contes, Dits, Fabliaux et autres pièces inédites des XIII^e
 XIV^e et XV^e siècles, mis au jour pour la première fois par* ACHILLE JUBINAL. Paris
 1839, 42. II, 113 ss.

Moult par est fols cil qui s'entent,
 qui le bien voit et le mal prent;
 20 trestout avant doit au bien tendre
 et puis aus autres fere entendre
 aucun bien, se ses cuers li laisse.
 Or vous ai mis tel oevre en laisse
 que je leraï corre par tans.
 25 Il n'est nus hom tant fors ne granz,
 s'il ceste oevre veut escouter,
 que moult ne doie redouter
 le de'able, qui nous justice
 par le pechié de covoitise.
 30 Or vous vueil commencer un conte
 de covoitise qui sormonte
 trestout le mont à un seul mot;
 ele est partout si à havot
 qu'ele a tout le mont awuglé,
 35 tant par est de grant poesté.

Jadis fu c'uns preudom estoit
 en un chemin, et si erroit;
 devant lui choisi une beste
 hideuse de cors et de teste,
 et seur tote rien felonesse,
 et si estoit si larronesse
 qu'il n'est nus hom qui tant se'ust,
 qui de li garder se pe'ust.
 Enmi le front estoit cornue
 d'une corne si tres agu'e
 qu'il n'est ame qui l'atendist,
 por que à plain cop le ferist,
 qui pe'ust vivre longuement
 qu'il ne fust au definement.
 Et, quant li hom la vit venir,
 en fuie torne par a'ir,
 quar paor a que ne l'ataingne.
 Fuiant vient à une montaingne,

dont trop ert haute la falise;
 or ne set il en quele guise
 il se puisse garir ou monde,
 quar la valée est si parfonde
 et si hideuse entre deus mons
 que nus ne puet ve'ir au fons.
 En cel leu, qui si est hideus,
 a un serpent si merueilleus
 qui veut tout le mont engloutir
 et la gent destruire et honir;
 toz jors a la goule baée,
 si gete une si grant fumée,
 si tres orible et si pusnaise
 et si puant et si mauvaïse
 qu'il n'est nus hons, por qu'il la voie,
 qui de paor morir ne doie.
 Or est cil en moult grant peril,
 quar de deus pars voit son escil:
 il voit enz el fons contreval
 le serpent hideus et mortal;
 la beste point ne le rapaie
 qui avant aler ne le laie,
 qui por ocire adès le chace.
 Or ne set cil qu'il onques face:
 s'il atent la beste, il est mors,
 et, se li serpens l'avoit mors,
 jamès jor garis ne seroit.
 Ez-vos celui forment destroit,
 ne set lequel prendre à son chois,
 il est mors s'il i remaint cois.
 Il vit devant lui el pendant
 de la falise haute et grant
 un arbre grant et bien ramu:
 et, quant li preudons l'a ve'u,
 lors pense que sus montera
 et sa vie respitera.
 A l'arbre vint isnelement,
 à ses deus mains l'a'ert et prent,
 puis vait amont parmi les rains,
 tant que il vint aus daarrains;
 si s'assist là sor une branche.
 Or est sa vie en grant balance,
 car la beste moult la deshaite
 qui sor la falise l'agaite;
 vers lui a sa corne tournée,
 plus tranchant et plus aflée
 c'onques nus hom ne vit rasoïr;
 ce dist l'escripture por voir
 qu'ainz ne fu faus plus esmolue

ne nule alesne plus agure.
 Il voit là desouz le serpent
 qui veut mengier toute la gent,
 et de feu et de flambe espris,
 dont ses cuers est moult entrepris; 5
 de paor a le cuer esmabre.
 Lors a gardé au pié de l'arbre,
 si a ve'u deus besteletes
 qui menjuent les racinetes
 de l'arbre et rompent à grant force 10
 le cuer et le fust et l'escorce;
 si ne sont pas d'une samblance,
 que l'une est noire et l'autre blanche.
 Ne nuit ne jor onques ne finent,
 l'arbre menjuent et afinent, 15
 eles ne finent nuit ne jor.
 Ez-vous celui en tele error:
 "Las, fet-il, que porrai je fere?
 Or ne sai je de quel part trere,
 car ne cuic pas que de cuer m'aint 20
 cil sathanas qui là jus maint;
 cele beste me veut destruire
 que je voi là crier et muire;
 ces deus besteletes m'afolent,
 que ce que j'ai de bien me tolent. 25
 Quar cis arbre par tens charra
 et cil serpens m'engloutira;
 et, se je chié devers le mont,
 cele beste cornue el front
 m'ocirra, je-l sai tout por voir, 30
 autre garant n'en puis avoir;
 quel part que voise, perdus sui,
 ainz mes nus hom n'ot tant d'anui."

A ce qu'il ert en tel balance,
 vit devant lui en une branche 35
 trois gouteletes de miel pendre:
 il les a'ert et les va prendre.
 Les trois gouttes de miel menja
 et puis la branche regarda,
 si en vit six gouttes noveles 40
 qui estoient assez plus beles
 que celes n'estoient devant;
 lors en vit par tout l'arbre tant
 que ce n'est se merueille non:
 du miel i ot à grant foison. 45
 Par le miel qu'il a engoulé,
 a tout son torment oublié,
 ne li sovint mes de malaise,

- tout a entr'oublié por l'aise
 la destruction qui l'atent;
 de l'unicorne et del serpent
 ne de nul mal ne li sovient:
 5 à la douceur du miel se tient.
 He las, dolenz! por quoi le fet,
 quant à si grant dolor s'en tret?
 quar les deus bestes ne sejoignent,
 qui son arbre à noient li tornent.
 10 Tant l'ont mengié, tant l'ont rongié
 que l'arbre ont moult adomagié,
 qui nuit ne jor onques ne finent;
 l'arbre menjuent et afinent.
 La beste cornue voit bien
 15 que li arbres ne vaut mes rien,
 ainz va mes tout amenuisant:
 cele part vient abondissant,
 de plain eslais si s'abandone;
 de sa corne tel cop li done
 20 que l'arbre fet aval che'ir.
 Or ne se puet plus cil tenir
 que il ne soit che'us au fons
 du val, qu'est hideus et parfons:
 or est che'us aval el gouffre,
 25 où il toutes les douleurs souffre.

- Or est il dreit que je vous di'e
 que cele beste sene'f're
 qui est cornue enmi le front:
 ce est la mort qui nous confont,
 30 qui nuit et jor nous est moult pres
 et si nous gaite tout adès
 qu'il n'est nus hons qui tant se'ust
 qui de li garder se pe'ust.
 Felonesse est e mal queranz;
 35 ele prent toz, vilains et franz;
 si vient ausi comme li lere;
 ele emble la fille à la mere,
 le perè au fil, le fil à l'omme:
 ele prent tout, ce est la somme.
 40 Ele fet si plénier son conte
 qu'ele n'espargne roi ne conte,
 archevesque ne clerc ne prestre.
 El monde n'a plus felon mestre,
 et cil qui plus la beste fuit
 45 ce sont homes et fames tuit,
 nous genz qui en cest siecle sommes,
 qui volentiers la mort fuiommes;
 se nous la saviens de ça,

moult volentiers fuiriens de là.
 Il n'est nus hom qui la veist
 qui volentiers ne la fu'ist.
 Et de l'arbre et de la falise
 vous dirai toute la devise,
 où li preudom à garant vient:
 c'est la vie qui nous soustient.
 Chascun s'i tient tant comme il puet,
 et, quant partir nous en estuet,
 voirs est que moult envis lessons
 et noz avoires et noz mesons;
 et, quant ce vient au departir
 que l'ame doit du cors partir,
 si samble à chascun, sanz delu,
 qu'il n'ait c'un petitet vescu.

Or vous vueil je la raison rendre
 et par exemple fere entendre
 que les deus bestes sene'f'ient,
 qui l'arbre rungent et afinent.
 He Diex! qui bien i penseroit,
 com peu d'orgueil il averoit!
 Ce est la nuit et s'est li jors,
 qui nos vies met en decors:
 ier fu plus longue nostre vie
 qu'ele n'est hui, n'en doutez mie,
 et hui plus longue que demain;
 ainsi traions au daarrain.
 L'autrier desirames Noel,
 Quaresmes, Pasques autretel,
 après Pentecouste en esté,
 et après c'on ait moissoné,
 feste Toz Sainz et Saint Martin:
 ainsi tret chascuns à sa fin.
 Li jors et la nuit nous acorce
 nostre vie et no fin aproche:
 quant li jors et la nuit obscure
 ont tant esté en lor pasture
 qu'il ont nos vies pasturées
 et à noient les ont menées,
 lors vient la mort qui ne se faint,
 de sa corne si nous empaint,
 si roidement vers nous s'acointe
 qu'ele gete mort le plus cointe.

Or vous vueil dire sans meslée
 que sene'f're la valée
 qui tant est laide et an'euse,
 orde, puantz et perilleuse,

et li serpens à la grant geule:
 ce est Enfers où li maus queule
 qui toz jors bée à nous deçoivre.
 Si nous devommes aperçoivre
 de nous conduire à sauveté;
 tant com nous avons poesté,
 doit chascuns fere son aguet,
 quar se nous sommes là jus tret,
 ja mes jor issir n'en porrons,
 mes toz jors en vivant morrons,
 aussi com cil qui gist el fu,
 qui desus l'arbre montez fu.

Or est il droiz que vous sachiez
 du miel dont l'arbres fu carchiez;
 or vous en vueil le sens descrire,
 qu'il senefie et qu'il veut dire:
 li miels qui enz en l'arbre abonde,
 ce sont li faus delit du monde,
 li biau boivre, li biau mengier,
 li biau vestir, li biau chancier,
 les granz robes et li orfroï,
 li cheval et li palefroï,
 et li tornoi et li cembel
 et li levrier et li oisel.
 Les granz dames et li borgois
 et li vilain et li cortois
 sont si à cel delit torné
 que tout en ont Dieu adossé.
 Nus ne quiert mes que ses solaz
 et, s'aucuns tient entre ses braz
 s'amie, soit pucele ou dame,
 por cel delit oublie s'ame.

He las! com povre covoitise
 qui si tost est à noient mise!
 Or esgardez par tout le mont
 toz les plus sages qui i sont,
 comme lor joie tost lor faut
 si tost com la mort les assaut.
 Vers la mort n'a mestier proece,
 biautez ne force ne larguece,
 sens de provoïre ne d'abé
 ne de nul sage clerc letré,
 qui tout ne voist parmi la mort
 si tost comme la mort l'amort.
 Vers li ne vaut escuz ne lance,
 draz couez ne ridée manche.

Que feront donc cil bachelier
 qui ne finent de porpensser
 d'aus cointement appareillier?
 lor dras font creter et taillier
 et lor soleriaus detrenchier, 5
 dras filetez et envoisiez:
 cil ont du fol miel tant mengié
 que ja en sont tuit engingnié.
 Et les dames et les puceles
 qui or sont si sor lor gaveles, 10
 qui sovent sont encolorées,
 appareillies et mirées
 et affublées au rouet,
 chascune tout son pooir met
 en li acesmer cointement, 15
 non pas por Dieu, mes por la gent.
 Quant eles sont appareillies,
 estroit vestues et chaucies,
 si vont devant lor huis se'oir
 por ce c'on les puist miex ve'oir; 20
 cele qui plus est bete et blanche
 fet volentiers de li moustrance.
 Tele samble es dras savoreuse
 qui la char a laide et roingneuse:
 qui toute nue la verroit, 25
 sachiez que petit l'amerait;
 les robes les font avenanz,
 lors ont les gresles si tendanz
 qu'à paines pueent lor braz tendre.
 Toz lor orgueus devendra cendre: 30
 ceste vie trespasera,
 ele ne vaut, rien ne vaudra,
 quar, se ceste vie durast,
 bien fust resons que on l'amast;
 mes, por ce qu'ele peut faillir, 35
 la doit toz li mondes ha'ir
 et la vie du ciel amer,
 ou il n'ot onques point d'amer,
 qui toz jors sanz fin durera
 tant comme dame Diex sera, 40
 qui sanz fin, sanz commencement
 fu et sera tout vraiment.
 Et cil qui por les faus delis
 seront el puis d'enfer galis,
 jamès jor issir n'en porront, 45
 mes adès en vivant morront
 aussi com cil qui le miel prist,
 qui en la grant dolor en gist.

<p>Or pri-rons Dieu le glori-ous que il mete tel sens en nous que nous puissommes adosser les fols delis et oublier, 5 qu'en enfer ne nous vueille trere,</p>	<p>et Diex nous lest teus oevres fere que toz nos mete à garison et doint vraie confessi-on. Amen.</p>
---	---

XVII.

JEAN DE JOINVILLE (1223—1317).

Pag. 10—38 de l'édition de M. NATALIS DE WAILLY, Paris 1874, comparée avec les articles de M. G. PARIS dans la Romania, III, 401 ss. et de M. DE WAILLY ib. 487 ss.
 — Caractère et mœurs de Saint Louis.

En nom de Dieu le tout puissant, je Jehans sires de Joinville, seneschaus de Champagne, faiz escrire la vie notre saint roy Looys, ce que je vi et oy par l'espace de sis anz, que je fu en sa compaignie ou pelerinaige d'outre
 10 mer, et puis que nous revenimes. Et avant que je vous conte de ses grans faiz et de sa chevalerie, vous conterai je ce que je vi et oy de ses saintes paroles et de ses bons enseignemens, pour ce qu'il soient trouvei li uns après l'autre pour edefier ceuz qui les orront.

Cis sainz hom ama Dieu de tout son cuer et ensuivi ses œuvres, et y
 15 apparut en ce que, aussi com Diex morut pour l'amour que il avoit en son peuple, mist il son cors en aventure par plusours foiz pour l'amour que il avoit à son peuple; et s'en fust bien soufers, se il vousist, si comme vous orrez ci après. — La grans amours qu'il avoit à son peuple parut à ce qu'il dist à mon signour Loys, son ainsnei fil, en une mout grant maladie que
 20 il ot à Fonteinne-Bliaut: "Biaus fiz, fist il, je te pri que tu te faces amer au peuple de ton royaume: car vraiment je ameroie miex que uns Escoz venist d'Escoce et gouvernast le peuple dou royaume bien et loialment que que tu le gouvernasses mal apertement." Li sainz roys ama tant veritei que neis aus Sarrazinz ne vout il pas mentir de ce que il lour avoit en
 25 convenant, si comme vouz orrez ci après. — De la bouche fu il si sobres que onques jour de ma vie je ne li oy devisier nulles viandes, aussi comme maint riche home font; ainçois manjoit pacientment ce que ses queus li appareilloit et mettoit on devant li. En ses paroles fu il attrempez; car onques jour de ma vie je ne li oy mal dire de nullui, ne onques li oy nom-
 30 mer le dyable, liquex nons est bien espandus par le royaume: ce que je croy qui ne plait mie à Dieu. — Son vin trempoit par mesure, selonc ce qu'il veoit que li vins le pooit souffrir. Il me demanda en Cypre pourquoy je ne metoie de l'yaue en mon vin; et je li diz que ce me fesoient li phi-
 35 sicien, qui me disoient que j'avoie une grosse teste et une froide fourcelle, et que je nen avoie poir de enyvrer. Et il me dist que il me decevoient;

car, se je ne l'apprenois en ma joenesce et je le vouloie tremper en ma vieillesce, les gouttes et les maladies de fourcelle me penroient, que jamais n'auroie santei; et, se je bevoie le vin tout pur en ma vieillesce, je m'enyvveroie touz les soirs; et ce estoit trop laide chose à vieil home de soy enyvvrer. — Il me demanda si je vouloie estre honorez en ce siecle 5 et avoir paradis à la mort; et je li diz, oyl. Et il me dist: "Donques vous gardez que vous ne faites ne ne dites à votre escient nulle riens que, se touz li mondes le savoit, que vous ne peussiez congnoistre: Je ai ce fait, je ai ce dit." Il me dist que je me gardasse que je ne dementisse ne ne desdeisse nullui de ce que il diroit devant moy, puis que je n'i auroie ne 10 pechié ne doumaige ou souffrir, pour ce que des dures paroles meuvent les mellées dont mil home sont mort. — Il disoit que l'on devoit son cors vestir et armer en tel maniere que li preudome de cest siecle ne deissent que il en feist trop, ne que li joene home ne deissent que il feist pou. Et ceste chose ramenti je le pere le roy qui orendroit est, por les cotes brodées 15 à armer que on fait hui el jour; et li disoie que onques en la voie d'outre mer, là où je fu, je n'i vi cottes brodées, ne les le roy ne les autrui. Et il me dist qu'il avoit tiex atours brodez de ses armes qui li avoient coustei huit cenz livres de parisis. Et je li diz que il les eust miez employés se il les eust donnez por Dieu, et eust fait ses atours de bon cendal enforcié de 20 ses armes, si comme ses peres faisoit.

Il m'apela une foiz et me dist: "Je n'os parler à vous, pour le soutil senz dont vous estes, de chose qui touche à Dieu; et pour ce ai je appelei ces dous freres qui ci sont, que je vous vueil faire une demande." La demande fu teix: "Seneschaus, fist il, quex chose est Diex?" Et je li diz: 25 "Sire, ce est si bone chose que mieudre ne puet estre." "Vraiment, fist il, c'est bien repondu; que ceste response que vous avez faite, est escripte en cest livre que je tieing en ma main." — "Or vous demant je, fist il, lequel vous ameriés miex, ou que vous fussiés mesiaus, ou que vous eussiés fait un pechié mortel?" Et je, qui onques ne li menti, li respondi que je en 30 ameroie miex avoir fait trente que estre mesiaus. Et, quant li frere s'en furent parti, il m'appela tout seul et me fist seoir à ses piez et me dist: "Comment me deistes vous hier ce?" Et je li diz que encore li disoie je. Et il me dist: "Vous deistes comme hastis musarz; car vous devez savoir que nulle si laide mezelerie n'est comme d'estre en pechié mortel, pour ce 35 que l'ame qui est en pechié mortel est semblable au dyable: par quoy nulle si laide meselerie ne puet estre. Et bien est voirs que, quant li hom meurt, il est gueris de la meselerie dou cors; mais, quant li hom qui à fait le pechié mortel meurt, il ne sait pas ne n'est certains que il ait eu en sa vie tel repentance que Diex li ait pardonnei: par quoy grant pour doit avoir que 40 celle mezelerie li dure tant comme Diex yert en paradis. Si vous pri, fist il, tant comme je puis, que vous metés votre cuer à ce, pour l'amour de Dieu et de moy, que vous amissiez miex que touz meschiez avenist au cors, de mezelerie et de toute maladie, que ce que pechiés mortex venist à l'ame de vous." — Il me demanda se je lavoie les piez aus povres le jour dou grant 45 jeudi: "Sire, dis je, en maleur! les piez de ces vilains ne laverai je ja." "Vraiment, fist il, ce fu mal dit; car vous ne devez mie avoir en desdaing ce que Diex fist pour nostre enseignement. Si vous pri je, pour l'amour de Dieu premier, et pour l'amour de moy, que vous les acoustumez à laver."

Il ama tant toutes manieres de gens qui Dieu creioient et amoient, que il donna la connestablie de France à mon signour Gille le Brun, qui n'estoit pas dou royaume de France, pour ce qu'il estoit de grant renommée de croire Dieu et amer. Et je croy vraiment que teix fu il. — Maistre Robert de Sorbon, pour la grant renomée que il avoit d'estre preudome, il le faisoit mangier à sa table. Un jour avint que il manjoit delez moy, et devisiens li uns à l'autre. Et nous reprist et dist: "Parlés haut, fist il, car vostre compaignon cuident que vous mesdisiés d'aus. Se vous parlés, au mangier, de chose qui nous doie plaire, si dites haut; ou, se ce non, si vous taisiés."

10 — Quant li roys estoit en joie, si me disoit: "Seneschaus, or me dites les raisons pour quoy preudom vaut miex que beguins." Lors si encommençoit la tençons de moy et de maistre Robert. Quant nous aviens grant piece desputei, si rendoit sa sentence et disoit ainsi: "Maistres Roberz, je vourroie bien avoir le non de preudome, mais que je le fusse, et touz li remenans

15 vous demourast; car preudom est si grans chose et si bone chose que neis au nommer emplist il la bouche." — Au contraire disoit il que male chose estoit penre de l'autrui; "car li rendres estoit si griez que neis au nommer li rendres escorchoit la gorge par les erres qui y sont, lesquies senefient les ratiaus au diable, qui touz jours tire ariere vers li ceus qui l'autrui chatel weulent

20 rendre. Et si sontilment le fait li dyables; car aus grans usuriers et aus granz robeours, les attice il si que il lour fait donner pour Dieu ce que il deveroient rendre." — Il me dist que je deisse au roi Tibaut de par li que il se preist garde à la maison des Preescheours de Provins, que il faisoit, que il n'encombrast l'ame de li pour les granz deniers que il y metoit.

25 "Car li saige home, tandis que il vivent, doivent faire dou lour aussi comme executour en deveroient faire; c'est à savoir que li bon executour desfont premierement les torfaiz au mort et rendent l'autrui chatel, et dou remenant de l'avoir au mort font aumosnes."

Li sainz roys fu à Corbeil à une Penthecouste, là où il ot quatre-vins

30 chevaliers. Li roys descendi après mangier ou prael, desouz la chapelle, et parloit à l'uy de la porte au conte de Bretagne, le pere au duc qui ore est, que Diex gart! Là me vint querre maistres Roberz de Sorbon et me prist par le cor de mon mantel et me mena au roy; et tuit li autre chevalier vindrent après nous. Lors demandai je à maistre Robert: "Maistres

35 Roberz, que me voulez vous?" Et me dist: "Je vous veil demander, se li roys se seoit en cest prael et vous vous aliez seoir sur son banc plus haut que li, se on vous en deveroit bien blasmer." Et je li diz que oil. Et il me dist: "Dont faites vous bien à blasmer, quant vous estes plus noblement vestus que li roys; car vous vous vestez de vair et de vert, ce que li roys

40 ne fait pas." Et je li dis: "Maistres Roberz, sauve vostre grace, je ne faiz mie à blasmer se je me vest de vert et de vair; car cest abit me lessa mes peres et ma mere. Mais vous faites à blamer; car vous estes fiz de vilain et de vilainne, et avez lessié l'abit vostre pere et vostre mere, et estes vestus de plus riche camelin que li rois n'est." Et lors je pris le pan de

45 son seurcot et dou seurcot le roy, et li diz: "Or esgardez se je di voir." Et lors li roys emprist à deffendre maistre Robert de paroles, de tout son pooir. — Après ces choses, mes sires li roys appela mon signour Phelippe son fil, le pere au roy qui ore est, et le roi Tybaut, et s'asit à l'uy de son oratour et mist la main à terre et dist: "Seez vous ci bien près de

moy, pour ce que on ne nous oïe." "Ha! sire, firënt il, nous ne nous oseriens asseoir si pres de vous." Et il me dist: "Seneschaus, seez vous ci." Et si fiz je, si pres de li que ma robe touchoit à la sene. Et il les fist asseoir après moy et lour dist: "Grant mal apert avez fait, quant vous estes mi fil et n'avez fait au premier coup tout ce que je vous ai com- 5 mandei; et gardés que il ne vous avieingne jamais." Et il dirent que non feroient il. Et lors me dist que il nous avoit appelez pour li confesser à moy de ce que à tort avoit deffendu maistre Robert encontre moy. "Mais, fist il, je le vi si esbahi que il avoit bien mestier que je li aidasse. Et toutes voiz ne vous tenez pas à chose que je en deisse pour maistre Robert 10 deffendre; car, aussi comme li seneschaus dist, vous vous devez bien vestir et nettement, pour ce que vos femmes vous en ameront miex et vostre gent vous en priseront plus. Car, ce dit li saiges, on se doit assemer en robes et en armes en tel maniere que li preudome de cest siecle ne dient que on en face trop, ne les joenes gens de cest siecle ne dient que on en 15 face pou."

Il me dist que li evesques Guillaumes de Paris li avoit contei que uns grans maistres de divinitei estoit venus à li et li avoit dit que il vouloit parler à li. Et il li dist: "Maistres, dites vostre volentei." Et quant li maistres cuidoit parler à l'evesque, commença à plorer trop fort. Et li 20 evesques li dist: "Maistres, dites, ne vous desconfortés pas, car nulz ne puet tant pechier que Diex ne puet plus pardonner." "Et je vous di, sire, dist li maistres; je n'en puis mais se je pleur, car je cuit estre mescreans, pour ce que je ne puis mon cuer ahurter à ce que je croie ou sacrement de l'autel, ainsi comme sainte Eglise l'enseigne; et si sai bien que ce est 25 des temptacions l'ennemi." "Maistres, fist li evesques, or me dites, quant li ennemis vous envoie ceste temptation, se elle vous plait." Et li maistres dist: "Sire, mais m'ennuie tant comme il me puet ennuier." "Or vous demant je, fist li evesques, se vous penriés ne or ne argent par quoy vous regeissiez de vostre bouche nulle riens qui fust contre le sacrement de 30 l'autel ne contre les autres sains sacremens de l'Eglise." "Je, sire, fist li maistres, sachiez que il n'est nulle riens ou monde que j'en preisse; ainçois ameroie miex que on m'arachast touz les membres dou cors, que je le regeisse." "Or vous dirai je autre chose, fist li evesques. Vous savez que li roys de France guerroie au roy d'Engleterre, et savez que li chastiaus 35 qui est plus en la marche de aus dous, c'est la Rochelle en Poitou. Or vous vueil faire une demande: que se li roys vous avoit baillié la Rochelle à garder, qui est en la male marche, et il m'eust baillié le chastel de Montleheri à garder, qui est ou cuer de France et en terre de pais, auquel li roys deveroit savoir meillour grei en la fin de sa guerre, ou à vous qui averiés gardée la Rochelle sanz perdre, ou à moy qui li averoie gardé le 40 chastel de Montleheri sanz perdre?" "En non Dieu, sire, fist li maistres, à moy qui averoie gardée la Rochelle sanz perdre." "Maistres, dist li evesques, je vous di que mes cuers est semblables au chastel de Montleheri; car nulle temptation ne nulle doute je n'ai dou sacrement de l'autel. Pour laquel chose je vous di que pour un grei que Diex me sait de ce que je 45 le croy fermement et en pais, vous en sait Diex quatre, pour ce que vous li gardez vostre cuer en la guerre de tribulacion, et avez si bone volentei envers li que vous pour nulle riens terrienne ne pour meschief que on feist

dou cors ne le relenqueriés. Dont je vous di que soiez touz aaises; que vostre estaz plait miex à Nostre Signour en ce cas que ne fait li miens." Quant li maistres oy ce, il s'agenoilla devant l'evesque et se tint bien pour païé.

5 Li governemenz de sa terre fu teix que touz les jours il ooit à note ses heures, et une messe de Requiem sanz note. et puïe la messe dou jour ou dou saint, se il y cheoit, à note. Touz les jours il se reposoit, après mangier, en son lit; et, quant il avoit dormi et reposei, si disoit en sa chambre privéement l'office des mors, entre li et un de ses chapelains, avant
10 que il oyst ses vespres. Le soir, ooit ses complies. — Uns cordeliers vint à li ou chastel de Yeres, là où nous descendimes de mer; et, pour enseigner le roy, dist en son sermon que il avoit leu la Bible et les livres qui parlent des princes mescreans, et disoit que il ne trouvoit, ne es creans ne es mescreans, que onques royaumes se perdist ne chanjast de signourie
15 à autre mais que par defaute de droit. "Or se preingne garde, fist il, li roys qui s'en va en France, que il face bon droit et hastif à son peuple, par quoy nostre Sires li seuffre son royaume à tenir en pais tout le cours de sa vie." On dit que cis preudom, qui ce enseignoit le roi, gist à Marseille, là où Nostre Sires fait pour li maint bel miracle. Et ne vout onques demourer avec le roy, pour priere que il li seust faire, que une seule
20 journée.

Li roys n'oublia pas cest enseignement; ainçois gouverna sa terre bien loialment et selonc Dieu, si comme vous orrez ci après. Il avoit sa besoigne atirie en tel maniere que mes sires de Neelle et li bons cuens de Soissons
25 et nous autre qui estiens entour li, qui aviens oies nos messes, aliens oir les plaiz de la porte, que on appelle maintenant les requestes. Et quant il revenoit dou moustier, il nous envoioit querre, et s'asseoit au pié de son lit et nous fesoit touz asseoir entour li, et nous demandoit se il y en avoit nulz à delivrer que on ne peust delivrer sanz li; et nous les li nommiens,
30 et il les faisoit envoyer querre, et il lour demandoit: "Pourquoy ne prenez vous ce que nos gens vous offrent?" Et il disoient: "Sire, que il nous offrent pou." Et il lour disoit en tel maniere: "Vous deveriez bien ce penre que l'on vous voudroit faire." Et se traveilloit ainsi li sainz hom, à son pooir, comment il les metteroit en droite voie et en raisonnable. —
35 Maintes foiz avint que en estei se alloit seoir au bois de Vinciennes après sa messe, et se acostoïoit à un chesne et nous fesoit seoir entour li. Et tuit cil qui avoient afaire venoient parler à li, sanz destourbier de huissier ne d'autre. Et lors il lour demandoit de sa bouche: "A il ci nullui qui ait partie?" Et cil se levoient qui partie avoient. Et lors il disoit: "Taisiés
40 vous tuit, et on vous deliverra l'un après l'autre." Et lors il appelloit mon signour Perron de Fonteinnes et mon signour Geffroy de Vilete, et disoit à l'un d'aus: "Delivrez moy ceste partie." Et quant il veoit aucune chose à amender en la parole de ceus qui parloient pour li, ou en la parole de ceus qui parloient pour autrui, il meismes l'amendoit de sa bouche. Je le
45 vi aucune foiz, en estei, que pour delivrer sa gent il venoit ou jardin de Paris, une cote de chamelot vestue, un seurecot de tyreteinne sanz manches, un mantel de cendal noir entour son col, mout bien pigniez et sans coife, et un chapel de paon blanc sus sa teste. Et fesoit estendre tapis pour nous seoir entour li; et touz li peuples qui avoit afaire par devant li, estoit

entour li en estant. Et lors il les faisoit delivrer, en la maniere que je vous ai dit devant dou bois de Vinciennes.

Je le revî une autre foiz à Paris, là où tuit li prelat de France le manderent que il vouloient parler à li; et li roys ala ou palaiz pour aus oir. Et là estoit li evesques Guis d'Ausserre, qui fu fiz mon signour Guillaume de Mello. et dist au roy pour touz les prelaz en tel maniere: "Sire, cist signour qui ci sont, arcevesque, evesque, m'ont dit que je vous deisse que la crestientés, qui deust estre gardée par vous, se perit entre vos mains." Li roys se seigna quant il oit la parole, et dist: "Or me dites comment ce est." "Sire, fist il, c'est pour ce que on prise si pou les ex- 10 commeniemens hui el jour, que avant se laissent les gens morir excommeniés que il se facent absoudre, et ne veulent faire satisfaction à l'Esglise. Si vous requierent, sire, pour Dieu et pour ce que faire le devez, que vous commandez à vos prevoz et à vos baillis que touz ceux qui se soufferront escommeniez an et jour, que on les contreingne par la prise de lour biens 15 à ce que il se facent absoudre." A ce respondi li roys que il lour commanderait volentiers de touz ceus dont on le feroit certain que il eussent tort. Et li evesques dist que il ne le feroient à nul fuer, que il li deveis- sient la court de lour cause. Et li roys li dist que il ne le feroit autre- ment, car ce seroit contre raison, se il contreignoit la gent à aus absoudre 20 quant li clerc lour feroient tort. "Et de ce, fist li roys, vous en doing je un exemple dou conte de Bretaigne, qui a plaidié sept ans aus prelaz de Bretaigne touz excommeniez, et tant a exploitié que li apostoles les a condempnez touz. Dont, se je eusse contraint le conte de Bretaigne, la premiere année, de li faire absoudre, je me fusse meffaiz envers Dieu et 25 vers li." Et lors se souffrirent li prelat; ne onques puis nen oy parler que demande fust faite des choses desus dites.

La pais qu'il fist au roy d'Angleterre fist il contre la volonteï de son conseil, liquex li disoit: "Sire, il nous semble que vous perdez la terre que vous donnez au roy d'Angleterre, pour ce que il n'i a droit; car ses peres 30 la perdi par jugement." Et à ce respondi li roys que il savoit bien que li roys d'Angleterre n'i avoit droit; mais il y avoit raison par quoy il li devoit bien donner. "Car nous avons dous serours à femmes, et sont nostre enfant cousin germain; par quoy il affiert bien que paiz y soit. Il m'est mout grans honnours en la paiz que je faiz au roy d'Angleterre, pour ce 35 que il est mes hom, ce que il n'estoit pas devant."

La lealteï dou roy peut l'on veoir ou fait de mon signour Renaut de Trie, qui apporta au saint unes lettres, lesquies disoient que li roys avoit doneï aus hoirs la contesce de Bouloingne, qui morte estoit nouvellement, la contée de Danmartin en Gouere. Li seaus de la lettre estoit brisieï, 40 si que il n'i avoit de remenant fors que la moitié des jambes de l'ymaige dou seel le roy et l'eschamel sur quoy li roys tenoit ses piez. Et il le nous monstra à tous qui estiens de son conseil, et que nous li aidissiens à conseiller. Nous deismes trestuit, sanz nul descort, que il n'estoit de riens tenus à la lettre mettre à execution. Et lors il dist à Jehan Sarrazin, son 45 chamberlain, que il li baillast la lettre que il li avoit commandée. Quant il tint la lettre, il nous dist: "Signour, veez ci le seel de quoy je usois avant que je alasse outre mer, et voit on cler par ce seel que l'empreinte dou seel brisié est semblable au seel entier; par quoy je n'oseroie en bone

conscience la dite contée retenir." Et lors il appela mon signour Renaut de Trie et li dist: "Je vous rens la contée."

XVIII.

JEAN FROISSART (1337—1410).

Œuvres de Froissart, publiées par M. le baron KERVYN DE LETTENHOVE. Bruxelles 1870—76. Tome XI, pages 86—100.

Le conte Gaston de Fois, en ce temps que je fus devers luy, avoit environ cinquante et neuf ans d'eage, et vous dis que j'ay en mon temps
 5 veu moult de chevalliers, plusieurs roys, princes et autres; mais je n'en veis oncques nul qui feust de si beaulx membres, ne de si belle fourme, ne de si belle taille, viaire bel, sanguin et riant, les yeulx vers et amoureux là où il luy plaisoit son regard jetter. De toutes choses il estoit si parfait et tant apris que on ne le povoit trop loer. Il amoit ce qu'il devoit aimer,
 10 et hayoit ce qu'il devoit hayr. Saige chevallier estoit et de haulte emprinse, et pourveu de bon conseil. Il ne tint oncques nul Juif, ne nul mescroiant avecques luy. Il fut preud'homme en regner. Il disoit tous les jours plenté d'oroisons, et une nocturne du psaultier, heures de Nostre-Dame, du Saint-Esperit, de la croix et vegilles des mors. Tous les jours
 15 faisoit donner cinq frans en petite monnoie pour l'amour de Dieu, et l'aumosne à sa porte à toute gent qui la demandoient. Il fut large et courtois en dons, et trop bien sçavoit prendre où il appartenoit et remettre où il afferroit. Les chiens sur toutes bestes il amoit, et aux champs, esté et yver, aux chasses volentiers estoit. D'armes et d'amours volentiers se dedui-
 20 soit. Oncques fol oultraige ne folle largesse ne ayma, et vouloit savoir tous les mois que le sien devenoit. Il prenoit en son pays, pour sa recepte recepvoir et pour ses gens servir et administrer, hommes tres-notables jusques au nombre de XII, et de deux mois en deux mois ils se changeoient, et deux des autres en l'office retournoient. Il faisoit du plus especial
 25 homme auquel il se confioit le plus, son contreroleur, et à celluy tous les autres comptoient et rendoient leurs comptes et leurs receptes, et ce contreroleur comptoit au conte de Fois par rolles et par livres escripts, et ses comptes laissoit par devers le dit conte. Il avoit en sa chambre certains coffres où aucunes fois il faisoit prendre de l'argent pour donner aux che-
 30 valliers, seigneurs ou escuiers, quant ils venoient pardevers luy, car oncques nuls sans dons ne se party de luy, et tousjours multiplioit son tresor, pour les adventures et les fortunes attendre que il doubtoit. Il estoit conjoin-
 sable et accointable à toutes gens, et bien doucement et amoureuxment à eulx parloit. Il estoit brief en ses consauls et en ses responses. Il avoit
 35 quatre clers secretaires pour escrire et grosser lettres; et bien convenoit

que ces quatre clers luy feussent prests, quant il yssoit hors de son retrait; ne il ne les nommoit ne Jehan, ne Gaultier, ne Guillemme, mais, quant on luy bailloit lettres et il les avoit leues, il les appelloit: *mau me sert*, ou pour escrire ou pour aucune chose que il leur commandoit.

En tel estat que vous oyés, le conte de Fois vivoit. Et quant de sa 5 chambre à my-nuit venoit pour souper en sa salle, devant luy avoit douze torches alumées que douze varlets portoient, et icelles douze torces tenues estoient devant sa table, qui donnoient grant clareté en la salle, laquelle salle estoit pleine de chevalliers et escuiers, et tousjours estoient là à foison tables dreschiées pour souper, qui souper vouloit. Nuls ne parloit à luy à 10 sa table, se il ne l'appelloit. Il mengoit par coustume foison vollaille, et en especial les elles et les cuisses tant seulement; et l'endemain au disner petit beuvoit et mengoit. Souvent il prenoit grant esbatement en menestrandie, car moult bien s'y congnoissoit. Il faisoit devant luy volentiers ses clers chanter et dischanter chansons, rondeaulx et virelais. Il seoit à table en- 15 viron deux heures, et aussi il veoit bien volentiers estranges entremets et, iceulx veus, tantost les faisoit envoyer par les tables des chevalliers et escuiers.

Briefment toute l'ordonnance je regarday à mon pouvoir et mis en retenue, et consideray que, avant que je venisse à sa court, je avoie esté en 20 moult de cours de roys, de ducs, de princes, de contes et de haultes dames, mais je ne fuis oncques en nulle qui mieulx me pleust, ne de prince qui fuist sur le fait d'armes plus resjouy que le dit conte de Fois estoit. On veoit, en la salle et parmy les chambres et en sa court, chevalliers et escuiers d'honneur aler et venir, devisans d'armes et d'amours; et d'autres 25 propos n'y oioit on parler, et à la verité tout honneur estoit en celle court trouvée. Nouvelles de quelque pays, ne de quelque roiaume que ce fuist, en celle court on y apprenoit; car de tous pays pour la vaillance du seigneur elles y applouvoient et venoient. Là fus je infourmé de la greigneur partie des fais d'armes qui estoient advenus en Espagne, en Portingal, en 30 Navare, en Arragon, en Angleterre, en Escoce et es frontieres et limitations de la Languedoch; car là je vis venir devers le conte, durant le temps que à sa court je sejournoie, chevalliers et escuiers de toutes nations. Si m'en infourmoie ou par euls ou par le conte qui volentiers m'en parloit.

Je tendoie moult fort à demander et savoir, pour tant que je veioie 35 l'ostel du conte si large et si plentureus de tous biens, que Gaston le fils du conte estoit devenu, et par quel accident il estoit mort, et tant enquis que ung escuier moult anchien et notable homme le me racompta. Si comença lors son compte, ainsi disant:

"Vray est que le conte de Foix et madame de Foix sa femme ne sont 40 pas bien d'accord, ne n'ont esté, ja long temps a, et la discention qui vint entre euls, procede et meut du roy de Navarre qui fut frere à celle dame, car ja pieça le roy de Navarre plesgea le seigneur d'Alebreth que le conte de Fois tenoit en prison, pour la somme de cinquante mille frans. Le conte de Fois, qui sentoît ce roy de Navarre moult cauteleus et plain de malice, 45 ne les vouloit à luy nullement croire, dont la contesse de Fois avoit grant despit et grant indignation envers son mary, et luy disoit: "Monseigneur, vous portés petit d'honneur à monseigneur mon frere, quant vous ne luy voulés croire cinquante mille frans. Se jamais vous n'aviés plus de la

- maison d'Armeignach et de celle de Labreth que vous en avés eu, si vous devroit il bien souffire. Et vous savés que vous me devés assigner pour mon douaire de cinquante mille frans et ceulx mettre en la main de monseigneur mon frere. Si ne povés estre mal payé." — "Dame, dist-il, vous dittes verité; mais, se je cuïdoie que le roy de Navarre deust là contourner celluy paiement, jamais le sire d'Alebreth ne partiroit de Orthais, si seroye payé jusques au derrain denier; et, puisque vous en priés, je le feray, non pas pour l'amour de vous, mais pour l'amour de mon fils à quy la chose touche."
- 10 "Sur ceste parole et aussi sur l'obligation du roy de Navare qui en fist debte envers le conte de Foïs, le sire d'Alebreth fut mis hors de la tour d'Orthais, et quitte et delivre. Si se tourna françois, et se vint marier en France à la suer du duc de Bourbon, et paia à son aise au roy de Navarre auquel il estoit obligié de cinquante mille frans, la somme toute
- 15 entiere, mais cil point ne les envoioit au conte de Foïs. Lors dist le conte à sa femme, quant il en vey la maniere: "Dame, il vous fault aler en Navarre devers vostre frere le roy, et luy dittes que je me tiens mal content de luy, quant il ne m'envoie ce qu'il a rechupt du mien." La dame respondi que elle yroit moult volentiers. Si se party du conte avecques son
- 20 arroy, et s'en vint à Pampelune à la court du roy son frere qui le rechupt moult joieusement. La dame fist son message bien et à point. Quant le roy l'ot entendue, si respondi et dist: "Ma belle suer, les cinquante mille frans sont vostres, car le conte de Foïs vous en doit douer, ne jamais du roiaulme de Navare les deniers ne partiront, puisque j'en suis au dessus." —
- 25 "Ha! monseigneur, vous nourrissés trop terrible et grant hayne par celle voye, se ainsi en faittes, d'entre monseigneur de Foïs et vous; et, se vous tenés vostre propos, je n'oseray retourner en la conté de Foïs, car monseigneur me amettroit que je l'auroie deceu: si m'en pourroit faire morir." — "Je ne sçay, respondi le roy qui ne vouloit nullement mettre l'argent
- 30 avant, que vous ferés; mais je suis chief de cest argent, et à moy pour vous en appartient la garde. Si soiés toute asseurée que jamais ne partira de Navarre." La contesse de Foïs n'en sceut avoir autre response. Si se tint en Navarre, et ne onsoit pour le present retourner en la conté de Foïs, doutant la fureur de son mary qu'elle congnoissoit moult hastif et cruel.
- 35 "Le conte de Foïs qui veoit le malice du roy de Navarre, eut assés de ymaginations sur sa femme, pensant qu'elle avoit tenu la main à celle besoingne. Si la commença grandement à enhayr et à estre mal content d'elle, ja n'y eust elle coulpe, et aussi que, tantost son messaige fait à son frere le roy de Navarre, elle n'estoit retournée à Orthais; mais la dame
- 40 ne osoit, qui sentoit son mary trop cruel là où il prenoit la chose à desplaisance.
- "Ceste chose demoura ainsi ung temps jusques que Gaston, fils du dit conte de Foïs, creust tant que il devint moult beau jeuvencel, et fut marié à la fille du conte Jehan d'Armeignach, une moult belle et jeune dame,
- 45 suer au conte d'Armeignach, qui est à present, et à messire Bernard d'Armeignach, et par la conjunction de ce mariage devoit estre bonne paix entre Foïs et Ermignach. Le jeune damoiseil pavoit avoir de quinze à seze ans. Moult bel et plaisant escuier estoit, et si pourtraoit tres-grandement en tous endrois au pere. Si luy prinst volenté grant et plaisir dé che-

vauchier jusques ou roiaulme de Navarre pour veoir sa mere et le roy son oncle. Ce fut bien à la male heure pour luy et pour ce pays. Et quant il fut venu en Navarre, l'on luy fist tres-bonne chiere, et se tint avec sa mere ung espace, puis prist congïé d'elle; mais pour priere ne pour parolle qu'il luy feist ne remonstrast, il ne la sceut convertir qu'elle vouldist retourner 5 en Fois avecques luy. Et quant son fils l'en parla au commencement, la dame luy avoit demandé se le conte de Fois son pere l'en avoit chargié de la ramener: il luy respondi que au partir il n'en avoit esté fait quelque mention, ne quelque nouvelle; et pour tant la dame ne s'i osoit asseurer, si demoura en Navarre, et son fils Gaston de Fois s'en vint à Pampelune 10 pour prendre congïé au roy de Navare son oncle. Le roy lui fist tres-bonne chiere, et le tint avecques luy plus de dix jours, et luy donna de moult beaulx dons, et à ses gens aussi, et le dernier don que le roy de Navarre luy donna, ce fut la mort de l'enfant: je vous diray comment et pourquoy, comme raison est. 15

"Quant ce vint sur le point que le jeuvencel devoit partir, le roy le traist à part en sa chambre secretement, et luy donna une tres-belle bourssette plaine de pouldre telle qu'il ne seroit creature vivant, se de la pouldre touchoit ou mengoit en viande ou autrement, que tantost ne le convenist morir sans aucun remede: "Gaston, dist le roy, beau nepveu, vous ferés ce 20 que je vous diray. Vous veés comment le conte de Fois à son tort prent en grant hayne vostre mere ma suer, et ce me desplaist grandement, et aussi doit il faire à vous. Toutesfois pour les choses reformer en bon estat, et que vostre mere fust bien de vostre pere, quant il vendra à point, vous prendrés ung petit de ceste pouldre et en mettrés sur la viande de vostre 25 pere, et gardés bien que nuls ne vous voye, et incontinent qu'il en aura mengié, il ne finera jamais, ne entendra à autre chose fors que il puist ravoir sa femme vostre mere avecques luy, et s'entr'ameront à tousjours mais si entierement que jamais ne se vouldront pour nulle rien departir l'un de l'autre; et tout ce devés vous grandement desirer qu'il adviengne, et gardés 30 bien que, de ce que je vous dy, vous ne vous descoverés à nulluy, car vous perdrïés vostre fait." Le jeune escuier qui tournoit en fait et en verité tout ce que le roy de Navare son oncle luy disoit, respondi et dist: "Voulentiers."

"Sur ce point il se departy de Pampelune et de son oncle, et s'en retourna à Orthais par devers le conte son pere qui luy fist moult bonne 35 chiere et bien le recueilly, ce fut raison, et luy demanda des nouvelles de Navare, et quels dons et joiaulx l'on luy avoit donnés par delà, mais tous il les monstra excepté la bourssette où la pouldre estoit; mais de ce se sceut il bien couvrir. Or estoit il de coustume et ordonnance en l'ostel de Foix que moult souvent Gaston et Yeuvain son frere bastard gisoient 40 ensemble en une chambre, et se entr'amoient ainsi que, par coustume, enfans freres font, et se vestoient de robes et d'abis d'une parure et couleur ensemble, car ils estoient aucques d'un grant, et de eage il y avoit entour deux ans de distance. Advint que une fois, ainsi que enfans font, ils changierent de robes, et tant que la robe de Gaston ala sur le lit de Yeuvain. Yeuvain qui estoit assés malicieux, senti la pouldre en la bourse, et 45 demanda à Gaston son frere: "Quelle chose est cecy que vous portés tous les jours à vostre poitrine?" De ceste parole n'ot Gaston point de joye, et dist: "Rendés moy ma robe, Yeuvain; vous n'en avés que faire." Yeuvain

luy rejeta sa robe; Gaston la revesty, et fut ce jour trop plus pensif que il n'avoit esté au devant. Si advint dedens trois jours après, sicomme Dieu vout sauver et garder le conte de Fois, que Gaston se courroucha à son frere Yeuvain et le enfelonna. Si ala et entra tout plourant en la chambre

5 de son pere, et le trouva à celle heure qu'il avoit ouy sa messe; et quant le conte le vit plourer, tantost luy demanda: "Yeuvain, que vous fault?" — "En nom Dieu, dist-il, monseigneur Gaston m'a batu, mais il y a autant ou plus à battre à luy qu'à moy." — "Pourquoy?" dist le conte qui tantost entra en souspechon et qui est trop ymaginatif. "Par ma foy, monseigneur,

10 depuis qu'il est retourné de Navare, il porte à sa poitrine une bourse toute plaine de pouldre, mais je ne sçay à quoy elle sert, ne qu'il en veult faire fors tant que il m'a dit une fois ou deux que madame sa meré sera temprement et en brief mieulx en vostre grace que oncques ne fut." — "Holà! dist le conte de Fois, tays toy et gardes bien que tu ne parles à

15 homme nul du monde de ce que tu m'as dit." — "Monseigneur, respondi le dit Yeuvain, voulentiers."

"Le conte de Fois entra lors en ymagination, et se couvry de tout le fait jusques à l'eure de disner, et lava, puis se mist à table en sa grant salle comme les autres jours. Gaston, son fils, avoit d'usage que de tous

20 ses mets il le servoit et faisoit essay de toutes ses viandes. Si tost qu'il ot assis devant le conte son pere le premier mets, et fait ce qu'il devoit faire, le conte jette ses yeulx, qui estoit tout infourné de son fait, et voit les pendans de la bourse tenans au jupon de son fils. Lors le sang luy mua, et dist: "Gaston, viens avant. Je vueil parler à toy en l'oreille." Le

25 jeuvencel s'avança sur la table. Le conte ouvry adont son sain et ouvry son jupon, puis prinst ung coutel dont il coupa les pendans de la bourse, et lui demoura en la main. Il la regarda, puis demanda à son fils: "Quelle chose est ce en ceste bourse?" Le jeuvencel qui fut lors tout surpris et esbahi, ne sonna mot, mais devint tout pale de grant paour et

30 tout esperdu, et commença fort à trembler, car il se sentoit fourfait. Le conte de Fois ouvry la bourse et prinst de celle pouldre; si en mist sur ung tailloir de pain et le donna à mengier à ung chien. Si tost que le chien eut mengié de ce tailloir ung morcel et avalé, il tourna les yeulx en la teste, et là morut tout à coup. Quant le conte de Fois en vit la maniere,

35 se il fut esbahi et courrouchié il y ot bien cause, et se leva de la table et prinst son coutel. Si le vout lanchier après son fils, et l'eust là occis sans remede; mais chevalliers et escuiers sallirent au devant et dirent: "Monseigneur, pour Dieu, ne vous hastés point, ainchois infournés vous tres-bien de la besoingne, premier que vous faires à vostre fils nul mal."

40 Et le premier mot que le conte dist, ce fut en son gascon: "*O Gaston, fals traditour*, por toy et pour accroistre l'eritage qui te devoit retourner, je en ay eu guerre et hayne au roy de France, au roy d'Angleterre, au roy d'Espaigne, au roy de Navarre et au roy d'Arragon; et contre eulx me suis je tenu et porté; et tu me veuls maintenant murdrir! Il te

45 procede de mauvaise nature, et saches que tu en morras." A ce cop, lors il sailly outre la table, son coutel en sa main, et le vout là occir. Mais chevalliers et escuiers se mirent au devant de luy, les plusieurs à genoulx, et lui dirent: "Ha! monseigneur, pour Dieu mercy! n'occies pas Gaston; vous n'aves plus d'enfans. Faittes le garder et vous infournés de la ma-

tiere. Espoir ne sçavoit il qu'il portoit, et à ce meffait n'a nulle coulpe."
— "Or tost, dist le conte, mettés le en la tour, et soit si bien gardé que bon compte m'en soit rendu." Lors fut mis le jeuvencel en la tour de ceans.

"Le conte fist adont prendre grant foison de ceulx qui servoient Gaston son fils, mais tous ne les ot pas; car les plusieurs s'en partirent, dont l'evesque de l'Escale d'encoste Pau en est encoires hors du pays, lequel en fut souspechonné, et aussi furent plenté d'autres; mais il en fist mourir jusques à quinze de moult horrible mort, et la raison que il y mettoit, estoit telle que il ne se povoit faire qu'ils ne sceussent de ses secrets, et luy deussent avoir signifié et dit: "Monseigneur, vostre fils Gaston porte une boursette à la poitrine telle et telle." Riens n'en firent: pour tant ils morurent horriblement, dont ce fut pitié, et par especial de aucuns jeunes escuiers; car il n'y avoit, en toute Gascoingne, si jolis, si beaulx, ne si bien en point comme ceulx estoient, car tousjours a esté le conte de Fois servy de gaillarde famille.

"Trop toucha ceste besoingne de pres au conte de Fois, et bien le monstra; car il fist assamblar ung jour à Orthais tous les nobles et les prelatz, barons et chevaliers de Fois et de Berne et tous les hommes notables de ces deux pays; et, quant ils furent venus à Orthais, il leur déclara la causé pour quoi il les avoit mandés, et comment il avoit trouvé son fils Gaston en telle deffaulte et si grand meffait que c'estoit son intention qu'il morust, et qu'il avoit mort desservy. Tout le peuple respondi à ceste parole de une voix et dist: "Monseigneur, sauve soit vostre grace, nous ne voulons pas que Gaston vostre fils muire; c'est vostre heritier, et plus n'en avés."

"Quant le conte de Fois ouy son peuple qui prioit pour son fils, il se refraigny ung petit, puis se pourpensa qu'il le chastoieroit par longue prison, et le tendroit deux ou trois mois prisonnier, et après il le envoieiroit en quelque loingtain voiaige deux ou trois ans pour estre hors de sa presence, tant qu'il auroit oublié son mantalent, et que le jeuvencel, par avoir plus d'eage et plus veu, seroit en meilleur et plus vive congnoissance. Si donna à toute celle assemblée congîé; mais ceulx de la conté de Fois ne se vouloient partir de Orthais, se le conte ne les asseuroit que Gaston son fils il ne feroit ja mort, tant amoient ils le jeuvencel. Il leur ot en convenant, mais bien dist qu'il le tendroit par aucun temps en prison pour le chastoier. Et sur ceste convenence se partirent de Orthais toutes manieres de gens, et demoura Gaston prisonnier en la tour d'Orthais.

"Ces nouvelles s'espandirent en plusieurs lieux, et pour celluy temps estoit pape Gregoire XI^e en Avignon; si envoya tantost le cardinal d'Amiens en legation pour venir en Berne, et pour amoienner ces besoingnes et apaisier le conte de Fois et oster de son courroux et le jeuvencel hors de prison. Mais le cardinal ordonna ses besoingnes si longuement que il ne pot venir que jusques à Besiers, quant les nouvelles luy vindrent là que il n'avoit que faire en Berne, car Gaston le fils au conte estoit mort, et je vous diray comment il morut, puisque je vous ay parlé de la matiere.

"Le conte de Fois le faisoit tenir en une chambre en la tour d'Orthais où gaires n'avoit de lumiere, et fut là par dix jours, où petit beut ne menga; car il ne vouloit, combien que on luy apportoit tous les jours assés à boire et à mengier. Mais, quant il avoit la viande, il la destournoit d'une part et n'en tenoit compte, car il n'en goustoit point, et veulent aucuns dire que l'on trouva trop bien les viandes toutes entieres que l'on luy avoit

apportées en celle prison, ne de riens ne les avoit amendries, ne attouchiées au jour de sa mort, pour boire ne pour mengier, et fut merveilles comment il peult tant vivre. Par plusieurs raisons, le conte le faisoit là tenir sans nulle garde ne regard qui fust en la chambre avecques luy, ne qui le
 5 conseillassent ne confortast, et se tint le jeuvencel tousjours en ses draps, ainsi comme il y entra, et si se melancolia et argua moult grandement, car il n'avoit pas telle regle aprins. Lors il prist à maudire l'heure quant il fut oncques nés de mere, pour estre venu à telle fin.

"Le jour de son trespas, ceulx qui le servoient de boire et de mengier, 10 luy apporterent du vin et de la viande, et luy dirent: "Gaston, vecy de la viande pour vous." Mais Gaston n'en tint compte. Si dist: "Mettés la là;" et celluy qui ainsi le servoit de ce que dist est, regarde et voit en la prison à tous les encoires toutes entieres les viandes que les neuf jours passés il luy avoit apportées. Adont refferma il la chambre et vint au conte de Foix.
 15 Si luy dist: "Monseigneur, pour Dieu merchy, prendés garde dessus votre fils, car il se affame là en votre prison où il gist, et croy qu'il ne menga oncques puis qu'il y entra; car j'ay veu tous les mets entiers tournés d'un les, dont il a esté servi puis qu'il y entra." De ceste parole le conte de Foix s'enfelonna, et, sans sonner mot, il se party de sa chambre et s'en
 20 vint vers la prison où son fils estoit, et tenoit à la male heure ung petit long coutelet dont il appareilloit ses ongles et nettoioit; il fist ouvrir l'uy de la prison et vint à son fils et tenoit la lumelle de son coutelet par la pointe, et si pres de la pointe qu'il n'en y avoit point hors ses doys la longueur de l'espesseur d'un gros tournois. Par maltalent et par ayr, en
 25 boutant ce tant de pointe en la gorge de son fils, il l'attainst ne sçay en quelle vaine, et luy dist assés en hault: "Ha! *trahitour*, pourquoy ne manges tu?" Et tantost s'en party le conte sans plus riens dire ne faire, et entra en sa chambre; mais le jeuvencel fut sangmeué et effroïé de la venue de son pere, et avec ce qu'il estoit foible de jeusner si longuement, et qu'il vit
 30 ou senty la pointe du coutelet qui le toucha à la gorge, moult petit feust ce, mais ce fut en une vaine, tantost il se tourna d'autre part et là rendi ame.

"A paines estoit le conte rentré en sa chambre, quant nouvelles luy vindrent par celluy qui administroit au jeuvencel sa viande, qui luy dist: "Monseigneur, Gaston est mort." — "Mort!" dist le conte. — "Certes, mort
 35 est il pour vray, monseigneur." Le conte ne vult nullement croire que ce fust verité; il y envoya ung sien chevalier qui là estoit de costé luy. Le chevalier y ala et rapporta que voirement estoit il mort et qu'il n'y avoit point de remede. Adont fut le conte de Foix courrouchié oultre mesure, et par grant douleur il regretta son fils moult grandement et dist: "Ha!
 40 Gaston, Gaston, comme povre journée est aujourd'huy à la malle heure pour moy advenue! Pourquoy alas-tu oncques en Navarre veoir ta mere? Jamais si parfaite joye n'auray comme j'avoie en devant." Lors fist il venir son barbier et se fist rere tout jus sa chevelure, et se mist moult bas et se vesty de noir et tous ceulx de son hostel, et fut le corps du jeuvencel porté
 45 en pleurs et en cris tout instant aux Freres-Mineurs à Orthais, et là fut ensepulturé. Ainsi en ala que je vous compte, de la mort Gaston de Foix. Son pere l'occist voirement, mais le roy de Navarre luy donna le coup de la mort."



UNIVERSITY OF ILLINOIS-URBANA



3 0112 070306516